

MAGNI DANIELIS OMEISII,

Comitis Pal. Cæs. & Professoris

Altdorfini

COMPENDIUM
ETHICUM,

methodo Synthetica

Aretologiam & Eudamono-
logiam

perspicuis Præceptis & Exemplis
proponens

inque Vsum florentissimi Gymnasii
Norimberg. concinnatum.

Accedit

Prolusio Oratoria

de Insula Fortunata, ab Aretophilo
quæsita & inventa.

Nec non

Epitome Jurisprudentiæ

Naturalis

in gratiam Auditorum Academicorum
adjecta.

NORIMBERGÆ

Sumtibus WOLFGANGI MAURITII
ENDTERI Hæred.

Typis Job. Ernest. Adelbulneri. 1725.



Printed by

W. H. Anderson & Co., New York

and

W. H. Anderson & Co., New York

W. H. Anderson & Co., New York

W. H. Anderson & Co., New York

W. H. Anderson & Co., New York

) ☼ : (☼) : (☼)

Doctrinae non minus ingeniique
nobilitate,
quam morum probitate.
Ornatissimo
Viro Juveni

DN. IOH. HENRICO
SCHWEYERO,
Artium politiorum &
Philosoph. Studio,
Affini & Amico charissimo
S. P. D.
MAGNVS DANIEL OMEISIVS.



Ogitanti mihi, cui
libellum hunc, ex
more inter lite-
ratos recepto, in-
scriberem, non
occorrebat alius, cui pleniore

DEDICATIO.

jure possem, quam tibi *Schwey-*
re multo dilectissime! æquum
enim putavi, nos chartis hisce
jungi, quos ratio studiorum,
contubernium, convictus, &
affinitatis vinculum jamdu-
dum junxerunt. Fui ego, sicut
nostis, indolis tuæ & ingenii fe-
licitate captus & permotus,
suasor quondam, ut, præ alio
vitæ genere, liberalium studio-
rum culturam eligeres, idque
dares operam, ut artium ele-
gantiorum divinique & hu-
mani Juris scientia florentissi-
mæ patriæ aliquando orna-
mento fores atque emolu-
mento. Ad finem huncce, fa-
vente DEO, consequendum,
ani-

DEDICATIO.

animum ut appelleres, oblata
subinde occasione in ædibus
paternis, postea & in contu-
berniomeo academico gnavi-
ter mihi attendisti, teque ego
bonas artes & literas docui,
eamque in curam totamente
incubui, ut unâ cum eloquen-
tiæ imprimis & historiarum
studio (imo etiam Mathema-
tico, duce Archimede nostro
Sturmio) morum probitatem
sociares. Proinde præcepta ea
tum Compendii hujus Ethici,
tum Jurisprudentiæ Naturalis,
quæ typographus his impres-
sit chartis, tu jam magna ex
parte impressisti animo ac
memoriæ; ut adeo uterque li-

DEDICATIO.

bellus in frontispicio statim
ultro te salutare gestiât, quem
meo in museo prælectum &
explanatum cupide audivisti.
Nec dubium est, quin hæc
Philosophiæ Practicæ ele-
menta (antequam altiora &
severiora pertractare studia
accipias) semel atque iterum
his repetiturus, vitæque &
moribus expressurus. *Facere*
enim hæc Philosophia docet, non
dicere; & hoc exigit, ut ad le-
gem suam quisque vivat, ne o-
rationi vitæ dissentiat, moni-
tore Seneca Epist. 20. Et Tul-
lius exclamat in Quæstioni-
bus Tusculanis: *O vitæ Philo-*
sophia dux! O virtutum inda-

*gatrix, expultrixque vitios-
rum! Vnus dies bene & ex præ-
ceptis tuis actus, peccanti im-
mortalitati est anteponendus.*

Deprehendes equidem hoc in
Ethices Compendio varia va-
riarum Virtutum Exempla;
sed tu tibi nullum, quod sequi,
cujus implere vestigia debeas,
proponere fructuosius pote-
ris, quam Parentis tui optimi,
Viri amplissimi, *Wolfgangi
Magni Schuveyeri*, affinis &
fautoris mei desideratissimi;
quem beatum quidem sed præ-
ceps fatum eheu! nobis haud
ita pridem eripuit. Cujus pie-
tas, temperantia, liberalitas,
comitas, hospitalitas, seduli-

DEDICATIO.

tas, fides, & res ævo hoc pæne
intermorta, candor, aliæque
virtutes præstantissimæ, sicut
illa demum die, meo civium-
que nostrorum animis exci-
dent, qua Orcus ab Acheronte
mortuos amiserit; ita calcar
tibi addent, ut possessionem
laudi, hujus in familia retineas,
eumque potissimum imiteris,
cui natura esse te simillimum
voluit. Laudatissimum Virum
huncce hac in Dedicatione
non potui non honoris causa
nominare; persuasus omnino,
beatis ejus manibus haud
quidquam a me proficisci pos-
se gratius & acceptius, quam
ut te, ad palmæ honores & op-
tima

DEDICATIO.

ma quæque contendentem, hac mea voce & acclamatione quasi confirmem in proposito, & ad alacriter pergendum cohorter. Idque ipsum, pro egregia tua indole, æquo etiam ferēs animo, & hoc meum in te amoris pignus ac monumentum benigna fronte, spero, accipies; quod etiamsi specie minutum videatur, propius tamen inspicienti fortasse probabitur, ut ad formanda studia vitamque tuam non nihil collaturum. Quod si pulcherrimis tuis conatibus amplius inservire ac prodesse poterō, fidem tibi meam promtamque omnem voluntatem defe-

DEDICATIO.

defero; clementiæ bonitati-
que divinæ Musas fortunasque
tuas, & vitam multos in an-
nos feliciter propagandam,
unice commendans. Vale,
meque ex animo tibi faven-
tem redamare perse-
vera!



PRAE-



PRÆFATIO

ad

LECTOREM.

QVando Plinius junior circa finem Epist. 3. Lib. III. scribit: *Eloquentia male sine moribus discitur*; de eo ipsi plane assentior, atque ulterius asseverare nullus dubito, quod non eloquentia solum, sed & aliæ disciplinæ ac scientiæ in scholis atque gymnasiis, absque doctrina morum, perperam addiscantur: *Quid leges sine moribus vana proficiunt?* Interrogat Horatius. Ego vero: Artes quid sine moribus vanæ proficiunt? *Si noverim mysteria omnia, omnemque scientiam, charitatem autem non habeam, nihil sum!* ait Apostolus I. Corinth. XIII. 2. Quamobrem bene ac sapienter

PRÆFATIO

sapientissimi Academiae ac Scholarum Norimberg. *Curatores* instituerunt, ut in Gymnasio suo florentissimo, unà cum Rhetorica, Logica, Matheſi, aliisque ſcientiis, ſimul quoque pertractarentur Principia Ethica, ſive præcepta morum; ut, quemadmodum illis ſtudioſæ juventutis intellectus acuitur perficiturque, ita his voluntas pariter ejusdem mature Virtutis amore imbuatur. Verbo, ut non ſcholæ tantum diſcat, ſed & *Vita*. Deprehenderunt autem lyncei cordatiorum Virorum oculi, quod vulgaria illa Ethices Compendia, plerisque in ſcholis recepta, non paucis nævis defectibusque laborarent. E quibus inſignior hic eſt, quod doctrina morum, quamvis præ ſe ferat nomen ſcientiæ practicæ, tradatur tamen ſcientiæ inſtar ſpeculativæ, a cujus auditione ac lectione juvenes doctiores recedant quam

AD LECTOREM.

quam meliores, & ab ignorantia magis liberent intellectum, quam a malitia abducant voluntatem. Proponuntur videlicet illis in compendiis complures otiosæ quæstiones & inutiles controversiæ, iisque examinandis toti dies impenduntur; negliguntur vero virtutes acquirendi, viria debellandi, affectus vel exuendi vel frænandi adminicula & exercitia; æque ridicule, ac si artem medicam, absque ulla pharmacorum notitia, velimus edocere. Præter illustrem Verulamium, qui circa initium Lib. II. de Augm. Scient. ac defectum hunc tetigit, audiatur hic tantum H. Morus, qui in præfatione Enchiridio suo Ethico præmissa, *In eo errore, inquit, plerique versari videntur, ut Systemata Ethica ad inutiles tantummodo quæstiunculas ventilandas constitui debere arbitrentur, Moralemque disciplinam (quod ait Cicero)*

PRÆFATIO

ostentationem scientia, non legem vitæ, putent. Cum tamen verus ac genuinus scopus Moralis Philosophiæ sit, ut ex illius præceptorum lectione & meditatione animus humanus amore virtutis inflammetur, ut ad virtutem perpetuo anhelet, ut virtutem denique assequatur, cumque ipsa virtute veram ac solidam Felicitatem. Hunc vero errorem, Philosophiam activam tam docentibus quam discipulis eripere, sategit. jam olim Seneca, scribens Epist. 15. Non est Philosophia popolare artificium, nec ostentationi paratum: non in verbis, sed in rebus est. Nec in hoc adhibetur, ut aliqua oblectatione consumatur dies, & dematur otio nausea: animum format & fabricat, vitam disponit, actiones regit; agenda & omittenda demonstrat, sed & ad gubernaculum, & per ancipitia fluctuantium dirigit cursum &c. Ac speciatim quidem per maximam seculi prioris
par-

AD LECTOREM.

partem introducta fuerunt in plurimas Germaniæ scholas Compendia Ethices vel ex solo Aristotele, vel mirabili mistura ex Aristotele & Scholasticis contexta; quorum tractationi & explicationi tam superstitiose immorari atque immori multos vidimus docentes, ut sacrilegium se commissuros fore putaverint, si velatum unguem a formulis istis ac definitionibus recesserint, aut cœlum ruiturum, si ullam Aristotelis hypothesein concusserint. Equidem sæpe monui, non omnia Aristotelis dogmata universe proscribenda esse, sed ex iis etiam, quæ bona sunt, retinenda & commendanda; emendanda vero, quæ indigent correctione, & quæ desunt, ex accuratioribus Ethicorum scriptis, ipsoque Dei Verbo, supplenda. Nempe enim Aristotelem hominem fuisse quis ignorat? eumque ut in Physicis, ita & Morali-
bus, sæpius lapsum, ipsi sectatores e-
jus

PRÆFATIO

jus cordatiores non possunt diffite-
 ri. Sane Rachelius Peripato addictis-
 simus in Disput. de Honesto conquere-
 ritur, Aristotelem in libris suis Mora-
 libus, non, nisi rarissime, nec, nisi
 obiter, Dei mentionem iniecisse. Et
 Conringium de Civil. Prudent. c.
 IIX. p. m. 129. confiteri non puduit,
 in Ethicis Aristotelis valde *παχυλῶς*
 plurima tradi, propter admodum
 erroneam ejus de Deo & animabus
 nostris sententiam. Proinde non fal-
 sa est querimonia Wendelini, quam
 jactat ille in præfatione Philosophiæ
 suæ Morali præmissa, his fere ver-
 bis: *Ægre ferendum, quod ubi vis fere
 locorum unus Aristoteles tanquam di-
 ctator, Ethicis scholis præsit, unus omne
 punctum ferat, unusque discipulorum &
 docentium studia occupet: ita quidem, ut
 placitis ejus nemini fas sit intercedere.
 Dolendum est, negligi veteres & exqui-
 sitos morum magistros, qui Aristotelem*
vel

AD LECTOREM.

vel antecesserunt, vel ex intervallo non adeo longe secuti sunt; quales Socrates, Plato, Xenophon, Cicero, Plutarchus, Epictetus, Seneca, Maximus Tyrius, & alii, qui non tam de virtutibus cum peripateticis scholis disputarunt, quam ad virtutem discientium animum inflammaverunt; quod practicam non theoreticam disciplinam esse Ethicam cogitarent. Singillatim vero ab Aristotele; & in Ethicis ex eo concinnatis, minus accurate traditur doctrina de Summo Bono; id quod sane non est Virtus, aut Operatio secundum Virtutem, sed Deus, Bonum (ipso faciente Stagirita) omni Virtute præstantius. Suos etiam manes patitur doctrina de Principiis Actionum humanarum; illa enim, quæ Peripatetici recensent, Spontaneum, Electio, Consultatio &c. principiata potius & modi Principiorum talium sunt, quam ipsa principia. Porro ubi de
Caus-

PRÆFATIO

Caussis Virtutum illi agunt, altum est de Deo ejusque Gratia silentium. Ad Affectus quod attinet, ipse Aristoteles in Ethicis doctrinam hanc ne levi quidem brachio attigit; ejusque affectuæ in ejusmodi Epitomis nil nisi quæstiones quasdam de Affectuum numero & definitionibus proponunt, de mediis interim eos cohibendi ac moderandi parum solliciti. Ecquis præterea neget Virtutum Aristotelicarum enumerationem esse valde insufficientem; cum Pietas, virtutum omnium fundamentum, *Αυτάρχεια*, Taciturnitas, aliæque complures earum præstantissimæ sint prætermissæ. Ut ne quid dicam de Virtutibus Intellectualibus, quæ (si solam Prudentiam, utpote Virtutum moderatricem, exceperis) ad Philosophiam practicam minime pertinet. *Intelligentia* certe, *Scientia* & *Sapientia*, Philosophiam theoreticam constituunt, & media sunt

ad

ad felicitatem theoreticum: Ars omnino ad Philosophiam non pertinet, quia hominis animum nulla felicitatis parte imbuunt (quod tamen Philosophia munus est) sed tantum circa instrumenta vite occupata est; quæ sunt verba Burgersdicii. Id Phil. Mor. cap. X. §. 9. Ab ejusmodi igitur nævis ac defectibus purgatum Ethices Compendium in manus nobilis ac studiosæ pubis Gymnasium Egidianum, lætioribus subinde incrementis jam efflorescens, frequentantis ut daretur, auctoritate publica a Dominis & Curatoribus nostris mihi injunctum est. Quorum imperium ea, qua per est, pietate exsecuturus, conscripsi non justum quidem volumen, (quale quidem requirit doctrina moralis omni ex parte integra, cunctisque a nævis ac defectibus liberata) sed, prout hoc facere jussus sum, librum parvum, portatilem, & tironibus Philosophiæ practicæ idoneum; in quo

P R Æ F A T I O

quo τὰ πρακτικὰ πρακτικῶς magis quam θεωρητικῶς pertracto, ac methodo quidem Synthetica, præmissis προλεγόμενοις, exordior ab Aretologia Generaliore, quæ doctrinam de Virtute, hujusque 1.) Caussis, 2.) Subjecto, 3.) Objecto, i. e. Actionibus & Passionibus sive Affectibus, perspicue explicat, & quomodo hi frænandi, inque ordinem redigendi sint, per certas Regulas, Remedia & Exempla fideliter monstrat. Dein progredior ad Aretologiam Specia- liorem, quæ solidam ac sufficientem Virtutum moralium enumerationem, earumque Definitiones, Objecta, Officia, & Opposita complectitur, ac singulis etiam Exempla pariter tam e sacrae quam civilis historiae scriniis petita subnectit. *Melius quippe homines exemplis docentur, quæ imprimis hoc in se boni habent, quod approbant, quæ precipiunt, fieri posse,* teste Plinio in Paneg. c. 4. 5. Accedunt

AD LECTOREM.

insuper præcepta necessaria de Virtutum moderatrice, Prudentia ac Decoro, commodis itidem Exemplis illustrata. Finem denique opusculo imponit doctrina de Præmiis Virtutum, quæ constituunt hominis his in terris Felicitatem; sive Eudemonologia, quæ a Peripateticis & Scholasticis obscure satis, multisque litigiorum nexa nodis, hic autem, uti spero, dilucide ac expedite proponitur. Vtor ubique libertate Eclectica, non in magistri unius verba jurans, sed nunc in veteres Academiæ fundos, Lycei ambulacra, Zenonis porticum, nun in juniorem hodieque clarentium Philosophorum auditoria ac hortos exspatians; nec quis quid dixerit, sed quam recte dictum, considerans. *Compendio Ethico* subjuncta est a me *Prolusio Oratoria*, summam totius morum Philosophiæ *ἢ ἐπιτομή*, & quasi *liadem* in nuce, complectens, stilo florido, æ-

tati

PRAEFATIO

tati juvenili non ingrato, conscripta, ac publice quondam, post Férias Academicas, sub Prælectionum mearum moralium primordia, e suggestu recitata. Amant enim alternæ Camœnæ: & *Sapientia Præcepta*, scribente Quintiliano, *etiamsi naturæ sint honesta*, plus tamen ad formandas mentes valent, quoties pulchritudinem rerum claritas orationis illuminat. Postremo *Epitome Jurisprudentiæ Naturalis* in gratiam auditorum quorundam, Academicorum hoc petentium, adjecta est, quæ Officia hominis ac Civis succincte tradit, juvenumque animos ad legenda & facilius intelligenda Scripta imprimis Pufendorfiana, hoc de argumento edita, præparare valet.

Hæc in vestibulo præmonenda duxi, Lector benevole! Tu nunc ipsum ingredi Virtutum Theatrum, idque unice da operam, ut inde non doctior tantum, sed & melior egrediare. Faxit Deus, sic ista discamus, ut, quæ fuerunt verba, eaque omnia cedant in ter sancti Nominis sui gloriam, nostramque perpetuam felicitatem!



B. C. D.

COMPENDIUM ETHICUM.

PROLEGOMENA.

De Natura Ethices, hujus-
que Partitione.

*Quomodo Veteres Philosophiam
diviserunt?*



IN *Moralem, Naturalem,*
& *Rationalem*, quarum
prima bene ac sociali-
ter vivere, altera de re-
bus naturalibus ac divi-
nis disputare, tertia bene differere,
verumque a falso dignoscere docet.

A

Ad

Ad primam retulerunt Ethicam & Politicam; ad secundam, Physicam, Methaphysicam & Mathesin; ad tertiam, Rhetoricam & Dialecticam.

(Seneca Epist. 89. Philosophiæ tres partes esse dixerunt & maximi & plurimi auctores: Moralem, Naturalem & Rationalem. Prima componit animum; secunda rerum naturam scrutatur; tertia proprietates verborum exigit & structuram & argumentationes, ne pro vero falsa surrepant. Cic. V. de Finibus: Triplex est Philosophia: Una pars est naturæ, differendi altera, vivendi tertia, Diogenes Laërtius, in Vita Zenonis, pulcherri-
mis Similibus divisionem hanc illustrat. Præter hos, e veteribus Plutarchus & Augustinus, e junioribus Mirandulanus, Vossius, Hamelius, alique magnopere illam commendant. Add. Lips. Manuduct. ad Stoic. Philos. Lib. II. Dissert. V. & VI.)

*Hodie vero in Scholis quomodo
Philosophia dividi vulgo
solet?*

*In Theoreticam & Practicam. Quæ
divisio desumpta est a Fine, quemad-
modum prior illa ab Objecto. Sub
Theo-*

Theoretica comprehendunt Physicam, Metaphysicam, & Mathesin: sub Practica, Ethicam, Oeconomiam & Politicam. Dialecticam & Rhetoricam vocant Habitus Instrumentales, illos Principales.

Quomodo inter se differunt partes Philosophia Practica?

Ethica præscribit officium boni viri, Oeconomica boni patris-familias, Politica boni civis. Vel: Ethica est prudentia honeste vivendi, Oeconomica prudentia commode vivendi, Politica prudentia socialiter vivendi.*

(Vid. Cl. Beeman. Medit. Polit. Cap. I. §. 12. Add. Lips. Manuduct. ad Philos. Stoic. Lib. II. Dissert. V. ubi dicitur: Ethica est, quæ mores, vitam, regimen singulorum hominum (sive extra, sive intra societatem viventium) considerat & format; Oeconomica, quæ domus ejusque & familia; Politica, quæ civitatis totius aut societatis.)

Quid est Ethica?

Est ars bene feliciterque vivendi. Sive, est disciplina hominem bonis moribus ac virtutibus informans, ad summam felicitatem hac in vita consequendam.

(Ethica, denominationem suam accepit ἀπὸ τῶν ἠθῶν, a moribus, circa quos formandos illa versatur. Sunt verò Mores, vivendi ratio usu & consuetudine firmata. Hinc & alii Ethicen ἀπὸ τῆς ἠθῆς, a Consuetudine derivant. Ad Genus quod attinet, vocetur Ethica Ars, Doctrina, Disciplina, Scientia, Prudentia &c, parum refert; dummodo satisfiat rectum veritati & morum honestati. Vid. Heider. Philos. Mor. p. 16. 17. 18.)

Quod est Objectum Ethices?

Objectum (sive Subiectum Traditionis) sunt recti mores, horumque præmium felicitas: Subiectum Informationis est homo quivis, rationis usu valens, quatenus ad rectam & felicem vitam perducendus.

(Non

(Non igitur arcendi sunt juvenes a Scholis Ethicis, sed advocandi potius illo Persii: Petite hinc juvenesque senesque Finem animo certum, miserisque viatica canis! Et Seneca Epist. 76. Omnis ætatis homines hæc schola admittit: in hac senescamus; hæc ut juvenes sequamur!)

Quot sunt partes Ethicæ?

Duæ; quarum prior agit de cultura & regimine animi, sive *Virtute*, posterior de Virtutis præmiis, sive hominis *Felicitate*. Illam Ἀροτολογίαν hanc Εὐδαιμονολογίαν nominant.

Cur præmittitur hic Areto- logia?

Quamcunque præmittas partem, parum refert: potest enim Ethica & Synthetica & Analytica methodo tradi, prout docentium ratio aut stomachus, vel discipulorum captus, id exigit.

(Totam hanc controversiam, Utrum Ethica methodo Synthetica an Analytica tradi debe-

at? ad Logicam, non ad Ethicam pertinere, fatetur ipse Hornejus in Philos. Mor. Lib. I. cap. 2. p. 24. Et Sam. Pufendorfius in Praefat. Elem. Jurisprud. ait: Quae de differentia methodi Syntheticae & Analyticae vulgo feruntur, inania sunt. Infus: In practicis ante omnia Finem esse respiciendum. Resp. De ipsa praxi concedo; adeoque Ethica, ut sic dicam, Urens, quod in executione ultimum est, in intentione primum amplectitur: Ethica verò Docens, methodo Synthetica commodius tradi potest. Quin & ipsis Aristotelicis objicere possis: Si finis hominis ultimus (ex mente ipsorum) est operatio animae, secundum virtutem optimam & perfectissimam; scire prius debeo, quid sit Virtus, quae optima & perfectissima? &c.





PARS PRIOR.

SECTIO I.

ARETOLOGIA
GENERALIOR

five

Doctrina de Virtute,
hujusque Causis, Subjecto
& Objecto.

Quid hoc loco est Virtus?

EST constans animi propositum
studiumque, se & actiones suas ad
divinam Voluntatem componenda.

(Paucis tantum verbis, non re ipsa, a nobis dis-
sentiunt, qui Virtutem per constans animi
propositum vitam ad legem componendi de-
finiunt.)

*Quotuplici modo Voluntas di-
vina nobis. manifestatur?*

Tum per Legem Naturæ, tum per
Legem Scripturæ; illa hinc *Natura-*
lis, hæc *Revelata* dicitur.

(Legem Dei Revelatam interpretatur nobisque commendat Theologia Moralis; Naturalem Philosophia moralis.)

Quid est Lex Naturæ?

Est decretum Numinis per rectam rationem hominibus innotescens, eosque obligans ad faciendum vel omittendum, quod cum natura hominis convenit vel non convenit.

Sive: est dictamen rectæ rationis, hominem obligans, ut rationaliter & socialiter vivat.

(De Lege Naturæ, ut Norma actionum nostrarum, ejusque præceptis, ac Virtutibus eo reducendis, mox suo loco tradentur plura.)

Quenam est causa Principalis Virtutis?

Causa Principalis est DEUS, uti omnis Boni, ita & Virtutis, auctor. Hic uti bonum opus in nobis incipit, ita & perficit; piisque rogatus precibus, gratiæ suæ auxilium & ardorem ministrat, ut ingressi Virtutis iter, con-

constanti cursu persequamur, & viam hanc crebro calcantes, majores usque & usque progressus faciamus.

(Idem & agnoverunt sapientiores gentiles; e quibus Plato, circa finem Menonis, Virtutem non tam Doctrina & Natura, quam divina sorte, nobis obtingere docet. Seneca Epist. 41. Bonus vir sine Deo nemo est. Idem Epist. 10. Rogo (Deum) bonam mentem, bonam valetudinem animi, deinde corporis!)

Qua sunt Causa administra, Incrementa & Adminicula, acquirenda Virtutis?

(1.) Doctrina & Legum institutio; (2.) Bona Educatio & Exercitatio; (3.) Validissima ad parendum divinis Legibus obligatio: harum enim lator, Deus, est noster creator, conservator, Dominiis, exemplar &c. (4.) Accuratum actionum nostrarum examen quotidie instituentum. *Faciebat hoc Sextius, ut consummato die, cum se ad nocturnam quietem*

recepisset, interrogaret animum suum: Quod hodie malum tuum sanasti? cui vitio obstitisti? qua parte melior es? Senec. III, de Ira cap. 36. c.

a) Hinc & Aristoteles scribit X. Nicom. cap. ult. n. 20. & seqq. *A teneris rectam ad Virtutem institutionem adipisci difficile fore, nisi accedat diligens ac bonis legibus accommodata educatio.* Sic apud Platonem dicitur: *Nonne exercitationes honeste ad Virtutem acquirendam conducunt; turpes verò ad pravitatem?* Lib. IV. de Rep. Et cum B. Erh. Weigelio optandum, ut ejusmodi Virtutum Scholæ instituantur, in quibus juvenus a pueritia, quotidianis Pietatis, Temperantiæ, Veracitatis, aliarumque pulcherrimarum virtutum exercitiis assuescat, sicque in Virtutis studio stadioque feliciores subinde progressus faciat.

b) Hinc vetus illud Philosophorum præceptum: *Deum sequere!* Senec. de Vit. Beat. c. 15. Et universale istud
omnis

omnis juris principium: *Imperanti parendum!* eique proxime subordinatum: *Deo pare!*

Quæ est Causa Finalis Virtutum?

Scopus seu Finis Virtutum ultimus,isque præcipuus, est Gloria Dei. Bias apud Laërtium in Vit. *Quicquid boni egeris, ad Deum refer. a* Dein etiam Præmia tum in hac vita, tum post illam, a Deo consequenda. *b*

a) Add. 1. Cor. X. 31.

b) 1. Timoth. IV. 8.

(Notantur Phil. Melancthon: Usitatum est in Philosophia dicere, Virtutem sibi ipsi finem: sed rectius est, etiam secundum rationem, addere alium potiore finem, scilicet, ut propter Deum expetatur Virtus. Joseph ab aliena uxore abstinet, ut Deo obediat &c. Principaliter expetenda est Virtus propter Deum; sed postea etiam propter præmia æterna & præsentia. Epit. Philos. Mor. p. 36.)

Quodnam est Subjectum Virtutis?

Subjectum *Quod* est Homo; agimus

mus enim in Ethicis de Virtute Hominis; non Dei aut Angelorum. Subiectum *Quo* est Animus, five Anima hominis rationalis. Cognitio enim ac sequela divinæ Voluntatis pertinent ad Intellectum & Voluntatem. Neque tamen diffitendum, ad Appetitum quoque sensitivum pertinere aliquo modo Virtutis studium, dum istius ἀταξίας (inordinationem) emendare, eumque rectæ rationi subicere satagit. Ubi notetur regula Ciceronis l. offic. *Ratio præsit; appetitus obtemperet!*

Quid est Anima rationalis?

Est substantia spiritualis, ratione prædita & immortalis, regendo corpori accommodata. Complectitur Intellectum & Voluntatem.

Doctrina de Anima hominis ex Physicâ accuratiorē peti debet. Numerantur tres ejus facultates: (1) Vegetativa, quæ sub se comprehendit Vim Nutriendi; Crescendi & Generandi sibi simile. (2) Sensitiva, quæ

sem-

comprehendit vim a) Cognoscendi per Sensum vel externum e.g. visum, auditum &c. vel internum, nempe Sensum communem, Phantasiam & Memoriam: b) Appetendi, seu Appetitum sensitivum; qui vel est Concupiscibilis, quo animal in Bonum sensibus gratum fertur: vel irascibilis, quo Malum sensibus ingratum averfatur; c) Locomovendi, quæ vel est totius corporis, vel partium corporis, v.g. capit, oculorum, manuum &c. (3) Rationalis, completens vim intelligendi & Volendi. Anima Vegetativa homini communis est cum plantis & brutis: Sensitiva cum brutis: Rationalis homini est propria.

Quid est Intellectus?

Est vis Animæ rationalis, quæ res sibi objectas cognoscit ac dijudicat. Sunt functiones ejus duæ: *alteram* exercet, quando res tantum velut in speculo contemplatur, earumque convenientiam aut inconvenientiam, bonitatem aut malitiam, simpliciter cognoscit: *alteram* exercet, quando in tali cognitione non acquiescit, sed id, quod cognoscit, applicandum vel agendum esse judicat, rationes in utramque partem se offerentes ex-

pendit, & comparatione diligenter instituta, de mediis ad finem maxime accommodis deliberat. A priorre functione Intellectus humanus denominatur Theoreticus; a posteriorre Practicus. Utriusque verum iudicium dicitur *Recta Ratio*.

*Dicas igitur breviter, quid sit
Recta Ratio?*

Est verum intellectus humani, de rebus, uti sunt, iudicium.

Recta igitur ratio non est ipse Intellectus humanus: non enim errat recta ratio; intellectus autem sæpe & graviter errat; sed est rectum intellectus de rebus iudicium. Estque vel *Theoretica*, quando iudicat de rebus Theoreticis, verumque aut falsum quid pronunciat; vel est *Practica*, quando de practicis iudicat, & aliquid appetendum vel fugiendum, faciendum vel omittendum statuit.

Super

*Supereſtne homini, poſt lapſum
adhuc, circa practica ſive moralia,
ejuſmodi rectum Intellectus
judicium?*

Utique. Cuilibet enim homini, matura ætate *a* & mente integra *b*, tantum ſupereſt luminis naturalis, ut adhibita cultura ac debita meditatione, *c* poſſit recte comprehendere ſaltem generalia illa principia, *d* quæ ad vitam hanc honeſte & tranquille agendam faciunt, ſimulque, quid naturæ humanæ conveniat, quid diſconveniat, judicare. Hoc enim niſi intra ſphæram fori humani ſaltem admittatur, graviffimis etiam delictis ſuis *e* homines ignorantiam invincibilem *f* obtendere valerent, adeoque nec flagitia illis imputari, nec pœnæ infligi poſſent.

* *Matura ætate*) h. e. quamprimum
rationis uſus ſe exerit, & vel ſoli
termini percipiuntur: e. g. quam-
pri-

primum homo perceperit, quid sint parentes, quid, venerari, statim noverit, Parentes esse venerandos.

b Mente integra) Nemo igitur nobis obijciat furiosos, qui mente sua, ad intelligenda principia prima divinitus nobis indita, uti nequeunt.

c Adhibita cultura ac debita meditatione.) Feri ergo ac barbari homines hinc exulant, qui non debitam animorum suorum adhibent culturam, ut principiis naturalibus intelligendis eos reddant idoneos.

d Saltem generalia illa principia) Imprimis Practica, quæ sunt hujus loci, e. g. Deum esse colendum, Neminem lædendum &c.

e Gravissimis etiam delictis suis) v. g. furtis, latrociniis &c.

f Ignorantiam invincibilem) Quæ sine culpa nostra nobis obrepit, adeoque poenæ non est obnoxia.

(Quomodo e SS. Scripturis quoque probari possit, dari etiam nunc post lapsum in nobis rectam rationem, vid. in Horneii Philos. Mor. Lib. II, Cap. 2, Conf. Cl. Krebsii Morum & Juris

Juris Scient. Univ. Lib. III. Cap. 10, quod
agit de Recta ratione.

Quid est Voluntas?

Est vis animæ rationalis, quæ rem
ab intellectu cognitam, ut bonam
appetimus, ut malam averſamur.
Vocari aliàs solet *Appetitus ratio-
nalis*.

Quomodo Voluntas munus hoc suum exercet?

Per *Liberum Arbitrium*, five du-
plicem suam Libertatem; quarum
altera dicitur *Libertas Contradictio-
nis**, quæ circa unius solum objecti
electionem aut rejectionem versa-
tur. Sic homo potest ambulare &
non ambulare. Ita Adam potuit pec-
care & non peccare. Altera vocatur
*Libertas Contrarietatis***, quando
ex pluribus objectis unum vel aliqua
eliguntur. Sic homo liberè potest
legere aut scribere.

*Ap-

* Appellatur illa *Libertas Contradictionis*, quia versatur circa contradictoria: item *Exercitii*, quia in potestate tua est, actionem hanc exercere & non exercere.

** Nominatur *Libertas Contrarietatis*, quia versatur circa contraria, aut saltem disparata; item *Specificationis*, quia specificantur in ea actus plures, quos producere Voluntas potest.

Quid ergo est liberum Arbitrium?

Est naturale Voluntatis adiunctum, quo homo, positis omnibus ad agendum requisitis, potest agere & non agere; * potest agere hoc & agere illud. **

* Secundum Libertatem Contradictionis.

** Secundum Libertatem Contrarietatis.

Quo-

*Quomodo probas, esse in nobis
tale Libèrum Arbitrium?*

Ab experientia & interno testimo-
nio, quo se libere agere quivis agno-
scit. Et cur supplicia male agentibus
decernuntur, si in eorum pote-
state non est, ut a sceleribus abstine-
ant? Ita nemo laude, nemo vitupe-
rio dignus foret, si quædam agendi
necessitas nobis dominaretur: fru-
stra etiam ferrentur Leges civiles, &
instituerentur deliberationes.

Notetur tamen, liberum Arbitrium nos
habere in rebus externis moralibus
& civilibus. In his enim Deus ope-
ratur & velle & perficere, pro sua vo-
luntate. *Tantum de Subjècto*: nunc
de Objecto.

Quod est Virtutis Objectum?

Aliud est Generale, aliud Speciale.
De Speciali agitur in Aretologia spe-
cialiore, ubi singularum Virtutum ob-
jecta

jecta consideramus. *Generale* vero Virtutis objectum sunt Actiones humanæ & Affectus; sive *Actiones* & *Passiones*.

(Græci appellant *πράξεις παθήματα*. In Actionibus enim nostris bene dirigendis, & Affectibus ad rectam rationem conformandis, Virtus Ethica quam maxime occupatur.

De quibus Actionibus hic Sermo est?

Sermo est non de quibusvis hominis actionibus; sed de illis, quæ ab homine, qua tali, proveniunt, & cum usu rationis libertatisque exercentur. Proinde non agitur hoc loco de Actionibus hominis Naturalibus, neque Artificialibus, sed Moralibus.

(Naturalis hominis actio est determinata ad bonum vel malum naturale; unde nec laus nec vituperium expectandum: ut edere, bibere, generare &c. Artificialis determinata est ad bonum vel malum artificiale, quod ad mores nihil confert; ut tornare, ædificare &c. Actio vero Moralis est motus hominis ad

ad bonum vel malum morale determinatur; quique alicui potest imputare ad laudem vel vituperium, præmium aut poenam, aliosque effectus morales; ut dare pauperibus, patriam defendere aut prodere.

Quæ sunt Principia Actionum ejusmodi Moralium?

Alia sunt *Interna*, quæ intra hominem reperiuntur; nempe Intellectus & Voluntas, præcipuæ dotes, a DEO homini præ brutis concessæ. Alia *Externa*, quæ sunt extra hominem, vires tamen suas in hominis intima quæque explicant; ut aliorum suasio, dissuasio, hortatio, dehortatio, jussio, comminatio, promissio, laus, vituperium, præmium, poena, &c.

(Principia Actionum varii varie enumerant. Nos, illustrem Pufendorffum aliosque cordatiores secuti, duo numeramus Interna: Intellectum & Voluntatem. Hinc & Actio Humana ab eodem Pufendorffo definitur per motum, ab illis hominis facultatibus procedentem, quæ humano generi præ brutis Creator O. M. attribuit; nempe qui velut

præ-

prævalente Intellectu, ac decernente Voluntate inscribitur de Offic. H. Lib. I, cap. I. §. 2.

Quomodo Intellectus & Voluntas ad Actiones Humanas concurrunt?

Intellectus rem agendam vel omit- tendam primo comprehendit & di- judicat; *Voluntas* dein eam appetit ut bonam, aut averfatur ut malam. Adeoque ille Principium actionis quasi *Dirigens*, hæc *Impertas & Exe- quens*, dici consuevit.

(Ubi circa actionem suscipiendam aut omitten- dam deest Cognitio Intellectus, vocatur Ignorantia. Ubi verò Intellectus non solum cognitione veri est destitutus, sed & ejus loco falsa persuasionem imbutus, Error appel- latur. Voluntas est facultas libera, quâ ho- mo non tantum sponte i. e. sine intrinseca necessitate quadam determinante, sed & libere h. e. præsentibus diversis objectis, po- test agere & non agere; agere hoc & agere illud; veluti supra percepimus. Atque adeò, quando Actio ab homine sciente ac volente, circa ignorantiam & coactionem profecta est, tunc effectus ejus homini imputari pos- sunt, ipseque Causa moralis actionis illius dici solet.)

Quæ est Norma Actionum Humanarum?

Norma Actionum humanarum directiva est *Lex*. Hinc ab utroque Grotio *Lex* describitur, quod sit regula actuum moralium, obligans ad id, quod rectum est.

(Obligatio est vinculum juris, quo morali necessitate rei alicujus præstandæ adstringitur. Injicitur enim per eandem quasi frenum quoddam morale nostræ agendi libertati, ut in diversam, quam quo illa ducit, partem tendere rectè non possimus. Vid. plura de Actionum Humanarum Norma in Morum & Juris Scient. Univers. Venerab. Krebsii Lib. n. c. 6.)

Quæ verò Lex hic intelligitur?

In Philosophia Morum, actionum nostrarum norma potissimum * est *Lex Naturæ*, a Deo hominum mentibus implantata. Quod *Opus Legis cordibus nostris inscriptum*, (uti vocatur ad Rom. II. 15.) apud saniores gentiles norma erat, esse certe debebat,

bat, actionum moralium, ad quam hæ erant conformandæ: & si congruerent, bonæ ac honestæ, si deflesterent, malæ ac vitiosæ dicebantur.

(Idem volunt Stoici, Virtutem collocantes in Congruentia morum cum natura; sive, ut in actionibus nostris Deo & naturæ pareamus, Nempe quemadmodum vita & actiones hominis Christiani æstimantur ex convenientia cum Lege Scripturæ; ita vita & actiones hominis quæ talis, b. e. naturali ac sociali natura præditi, æstimandæ sunt ex convenientia cum Lege Naturæ. Vid. E. Meissneri Philos. Sæbr. Tom. I. in Quæst. Practicis, p. 304, 305.)

* Quamquam non prorsus excludantur *Leges Positivæ Humanae*, modò sint necessitantes, non permittentes, ac Legibus Divinis non repugnent.

Quomodo ergo distinguuntur actiones Morales?

Distinguuntur vel ratione *Principiorum*, unde proficiscuntur; vel ratione *Normæ*, ad quam sunt conformandæ.

Quomodo ratione Principiorum?

In Spontaneas sive voluntarias
Invitas & Mixtas.

Quid est actio Spontanea?

Spontanea (quæ Ciceroni *Voluntaria* dicitur) est, cum quis agit sciens ac volens. Requiruntur ergo duo ad illam: (1) Notitia omnium, aut saltem præcipuarum, actionis circumstantiarum, quæ vulgari continentur versiculo. *Quis? Quid? Ubi? Quibus auxiliis? Cur? Quomodo? Quando?* (2.) Assentiens Voluntas. Sic e. g. Josephum fratres ipsius sponte ac voluntarie vendiderunt, Genes. XXXVII.

(Recte Aristoteli definitur Spontanum, cujus principium (nempe Voluntas) est in agente, cognoscente singula, (singulas circumstantias) in quibus actio consistit. Requiritur ergo præter Notitiam etiam Voluntas; cui tamen non repugnat, aliunde (v. g. Dei in-

stinctu vel rationibus suadentium & exhortantium (ad agendum moveri).

Quid est Actio Invita?

Cum quis agit nolens, vel ignorans. Estque adeo duplex: Vel enim fit per vim, & *Violenta* dicitur: vel per Ignorantiam, & *Imprudens* appellatur.

Quid est Actio Violenta?

Actio Violenta est quæ fit a principio externo, contra agentis, vel patientis potius, voluntatem; ut si quis robustior manum meam arripiat, & alterum ea, me nolente, percutiat.

(Ita Lucretiæ a Sexto Tarquinio vis fuit illata. Vid. Liv. Lib. 1. cap. 58. Talis actio, si pure sit violenta, meretur veniam, & coacte agentem moraliter obligat neque ad culpam, neque ad poenam.)

Quid est Actio Imprudens?

Quæ provenit ab agente circumstan-

stan-

stantiarum quarundam ignaro subsequente dolore ac pœnitentia.

(Est namque ignorantia alia, quam sequitur dolor ac pœnitentia: talis erat Oedipi, qui patrem ex ignorantia interfecit, & matrem, quam non noverat, uxorem duxit. Quo gemino errore cognito, eo doloris processit, ut oculos sibi erueret. Vid Hofmanni Lexicon Univers. P. I. voc. Oedipus. Alia quam non sequitur dolor ac pœnitudo: qualis de quodam narratur apud Plutarchum, quod, cum lapidem jaciens in canem, novercam percussisset, dixerit: Euge, ne sic quidem male! Prior illa Ignorantia, quæ juncta est cum dolore & nulla nostra culpa contracta, actionem reddit invitam, agentemque excusat: posterior verò actionem invitam non reddit, nec veniam ita meretur, quam si doleret factio.)

Quomodo differunt Agere per Ignorantiam & Agere Ignorantem?

Priore modo agenti Ignorantia princeps actionis causa est; qua remota, nunquam futura fuisset actio. Ut, si quis consanguineam ducat in matrimonium nescius; vel spissis in tenebris incurset in aliquem, eumque

lædat. Posteriore modo agenti alia est causa principalis, cum qua tamen Ignorantia concurrat; ut si quis profunde ebrius alterum vulnerat, agit quidem Ignorans, sed non per Ignorantiam; quia hæc non est causa delicti principalis, tametsi cum isto conjuncta, sed Ebrietas.

(Sed quis agit per Ignorantiam, tunc actio est Invita, & agens venia dignus, quando factum sequitur dolor ac poenitentia; si quis vero agit Ignorans, tunc actio non simpliciter dicitur Invita, neque agens exorsus est culpæ: Ignorantia enim, quæ ex Ebrietate provenit, est adscititia & evitabilis.)

Quid est Ignorantia Universalis sive Juris?

Qua communia Juris præcepta ignorantur. Estque duplex, vel *Juris Naturæ*, cum ea, quæ Juris Naturæ sunt, ignoramus, v. g. homicidium aut furtum esse illicitum. Vel est *Juris Positivi*, cum quis ignorat, quod *Lege Civili*, sua in civitate, est deter-

determinatum, v. g. in Imperio nostro VII. testes ad testamentum solenne adhibendos esse.

Ignorantia Juris Naturæ neminem excusat; neque etiam Ignorantia Juris Positivi facile admittit excusationem. Dantur tamen casus, ubi posterior veniam agenti impetrat, v. g. si quis in civitate aliqua non diu sit versatus; aut si lex quædam noviter fuerit promulgata; vel ita proposita, ut in notitiam subditorum pervenire non potuerit. Vid. Sveton. in Caligula cap. 41. inquit)

Quid est Ignorantia Particularis sive Facti?

Qua ignoramus unam itemque alteram actionis nostræ circumstantiam, e. g. (1) *Persona*. Itacum Paulus Actor XIII. v. 3. 4. 5. Ananiam durioribus compellasset verbis, excusavit se, quod nescierit, hunc esse summum Sacerdotem. (2) *Rei sive Objecti*, e. g. cum quis arcana, quæ tamen arcana ignorabat, evulgat, (3) *Temporis*, v. g. cum quis ignorat,

eo die iudicium haberi, cui se sistere debebat &c.

(Hæc Ignorantia Particularium Circumstantiarum (utpote circa quas est summa varietas) actionem reddit invitam, & excusat; modo (1.) careat dolo, (2.) culpa nostra non sit acquisita, (3.) subsequentem habeat dolorem ac poenitentiam.)

Annon dividitur Ignorantia in Vincibilem, & invincibilem?

Etiam. *Vincibilis* est, quam adhibita industria quis evitare poterat, & notitiam necessariam comparare; e. g. si studiosus quispiam uti velit excusatione, se hanc vel illam Legem Academicam ignorasse. *Invincibilis*, qua quis nullis diligentiae viribus cognitionem debitam sibi acquirere poterat; e. g. si quis ignorat futura.

(Prior illa non facile, posterior vero semper meretur excusationem; si sit invincibilis non tantum in se, sed etiam in sua causa.)

Quid

Quid est Actio Mixta?

Actio Mixta dicitur ejus, qui incumbente graviore necessitate aliquid, ut minus malum, eligit ac suscipit, a quo cæteroquin extra necessitatem constitutus abhorrebat; e. g. si mercator, urgente gravi tempestate, merces suas in mare projiciat, ut allevata nave vitam conservet. Dicitur *Mixta*, quia partim sponte fit, partim invite, ex vi ac metu imminentis mali.

Suntne Actiones Mixtae Spontaneis seu Voluntariis magis an Invitis, annumeranda?

Equidem Invitæ dicuntur, si causam extrinsecus moventem spectes; si vero causam proximam & internam consideres, plus habent voluntarii quam involuntarii; quia, nisi Voluntas consentiret ad hoc faciendum, membra corporis illud nun-

quam exsequerentur. Ac proinde Actiones ejusmodi non carent omni laude, si bonæ sint, ne vituperio, si malæ.

(Actiones Mixtas Spontaneis magis quam Invitis annumerandas esse, Aristoteles aliique sic probant: (1) Quæcunque actio expetitur, & præ alia eligitur; illa magis est Spontanea quam Invita. Atqui actio Mixta expetitur, & præ alia elegitur; E. (1) Actioni Mixtæ competit definitio Actionis Spontaneæ, non vero definitio Actionis Invitæ. (3.) Quas actiones sequitur laus aut vituperium, pœna vel præmium; illæ magis erunt Spontaneæ quam invitæ. Atqui Actiones Mixtas sequitur laus aut vituperium &c. E.)

De exempla Actionum Mixtarum Laude ac Vituperio dignarum.

Aliæ merentur *Laudem*, cum quis ob magnum declinandum malum, molestum quid admittit. Sic Attilius Regulus commendatur a Cic. III. Offic. quod maluerit præsentissimum atrocissimæ mortis periculum apud Carthaginenses subire, quam

quam iusjurandum datum violare.

Aliæ Excusationem merentur ac *veniam*: ut si quis magni mali effugiendi causa, indecori quid admittat; e. g. quando David simulavit furorem, ut manus Regis Philistæorum Achis effugeret. 1. Sam. XXI.

Aliæ merentur Vituperium & Pœnam; cum quid natura turpe ac flagitiosum admittitur; ut si quis, ad evitandum supplicium & servandam vitam, patriam prodat, aut veram religionem abjuret. Non enim sunt facienda mala (moralia) ut inde eveniant Bona. Et ex duobus Malis Tristibus minus eligendum; e Turpibus neutrum.

Utrum Actiones proficiscentes ex vehementi perturbatione, qualis est Ira vel Amor, sunt Spontaneæ an Invitæ?

Rectius dicuntur Spontaneæ, cum quia ab interno principio profici-

finctu vel rationibus suadentium & exhortantium (ad agendum moveri).

Quid est Actio Invita?

Cum quis agit nolens, vel ignorans. Estque adeo duplex: Vel enim fit per vim, & *Violenta* dicitur: vel per Ignorantiam, & *Imprudens* appellatur.

Quid est Actio Violenta?

Actio Violenta est quæ fit a principio externo, contra agentis, vel patientis potius, voluntatem; ut si quis robustior manum meam arripiat, & alterum ea, me nolente, percutiat.

(Ita Lucretiæ a Sexto Tarquinio vis fuit illata. Vid. Liv. Lib. 1. cap. 58. Talis actio, si pure sit violenta, meretur veniam, & coacte agentem moraliter obligat neque ad culpam, neque ad poenam.)

Quid est Actio Imprudens?

Quæ provenit ab agente circumstan-

stantiarum quarundam ignaro subsequente dolore ac poenitentia.

(Est namque ignorantia alia, quam sequitur dolor ac poenitentia: talis erat Oedipi, qui patrem ex Ignorantia interfecit, & matrem, quam non noverat, uxorem duxit. Quo gemino errore cognito, eo doloris processit, ut oculos sibi erueret. Vid Hofmanni Lexicon Univers. P. I. vos. Oedipus. Alia quam non sequitur dolor ac poenitudo: qualis de quodam narratur apud Plutarchum, quod, cum lapidem jaciens in canem, novercam percussisset, dixerit: Euge, ne sic quidem male! Prior illa Ignorantia, quæ juncta est cum dolore & nulla nostra culpa contracta, actionem reddit invitam, agentemque excusat: posterior verò actionem invitam non reddit, nec veniam ita meretur, quam si doleret facto.)

Quomodo differunt Agere per Ignorantiam & Agere Ignorantem?

Priore modo agenti Ignorantia princeps actionis causa est; qua remota, nunquam futura fuisset actio. Ut, si quis consanguineam ducat in matrimonium nescius; vel spissis in tenebris incurset in aliquem, eumq;

lædat. Posteriore modo agenti alia est caussa principalis, cum qua tamen Ignorantia concurrir; ut si quis profunde ebrius alterum vulnerat, agit quidem Ignorans, sed non per Ignorantiam; quia hæc non est caussa delicti principalis, tametsi cum isto conjuncta, sed Ebrietas.

(Sed quis agit per Ignorantiam, tunc actio est Invita, & agens venia dignus, quando factum sequitur dolor ac poenitentia; si quis vero agit Ignorans, tunc actio non simpliciter dicitur Invita, neque agens exfors est culpe: Ignorantia enim, quæ ex Ebrietate provenit, est adscititia & evitabilis.)

Quid est Ignorantia Universalis sive Juris?

Qua communia Juris præcepta ignorantur. Estque duplex, vel *Juris Naturæ*, cum ea, quæ Juris Naturæ sunt, ignoramus, v. g. homicidium aut furtum esse illicitum. Vel est *Juris Positivi*, cum quis ignorat, quod *Lege Civili*, sua in civitate, est deter-

determinatum, v. g. in Imperio nostro VII. testes ad testamentum solenne adhibendos esse.

Ignorantia Juris Naturæ neminem excusat; neque etiam Ignorantia Juris Positivi facile admittit excusationem. Dantur tamen casus, ubi posterior veniam agentis impetrat, v. g. si quis in civitate aliqua non diu sit versatus; aut si lex quædam noviter fuerit promulgata; vel ita proposita, ut in noticiam subditorum pervenire non potuerit. Vid. Sueton. in Caligula cap. 41. inquit)

Quid est Ignorantia Particularis sive Facti?

Qua ignoramus unam itemque alteram actionis nostræ circumstantiam, e. g. (1) *Persona*. Ita cum Paulus Actor XIII. v. 3. 4. 5. Ananiam durioribus compellasset verbis, excusavit se, quod nescierit, hunc esse summum Sacerdotem. (2) *Rei sive Objecti*, e. g. cum quis arcana, quæ tamen arcana ignorabat, evulgat, (3) *Temporis*, v. g. cum quis ignorat,

eo die iudicium haberi, cui se sistere debebat &c.

(Hæc Ignorantia Particularium Circumstantiarum (utpote circa quas est summa varietas) actionem reddit inevitabilem, & excusat; modo (1.) careat dolo, (2.) culpa nostra non sit acquisita, (3.) subsequenter habeat dolorem ac poenitentiam,)

Annon dividitur Ignorantia in Vincibilem, & invincibilem?

Etiam. *Vincibilis* est, quam adhibita industria quis evitare poterat, & notitiam necessariam comparare; e. g. si studiosus quispiam uti velit excusatione, se hanc vel illam Legem Academicam ignorasse. *Invincibilis*, qua quis nullis diligentiae viribus cognitionem debitam sibi acquirere poterat; e. g. si quis ignorat futura.

(Prior illa non facile, posterior vero semper meretur excusationem; si fit invincibilis non tantum in se, sed etiam in sua causa.)

Quid

Quid est Actio Mixta?

Actio Mixta dicitur ejus, qui incumbente graviore necessitate aliquid, ut minus malum, eligit ac suscipit, a quo cæteroquin extra necessitatem constitutus abhorrebat; e. g. si mercator, urgente gravi tempestate, merces suas in mare projiciat, ut allevata nave vitam conservet. Dicitur *Mixta*, quia partim sponte fit, partim invite, ex vi ac metu imminentis mali.

Suntne Actiones Mixtae Spontaneis seu Voluntariis magis an Invitis, annumeranda?

Equidem Invitæ dicuntur, si causam extrinsecus moventem spectes; si vero causam proximam & internam consideres, plus habent voluntarii quam involuntarii; quia, nisi Voluntas consentiret ad hoc faciendum, membra corporis illud nunquam

quam exsequerentur. Ac proinde Actiones ejusmodi non carent omni laude, si bonæ sint, ne vituperio, si malæ.

(Actiones Mixtas Spontaneis magis quam Invisis annumerandas esse, Aristoteles aliique sic probant: (1) Quæcunque actio expetitur, & præ alia eligitur; illa magis est Spontanea quam Invita. Atqui actio Mixta expetitur, & præ alia eligitur; E. (1) Actioni Mixtæ competit definitio Actionis Spontaneæ, non vero definitio Actionis Invitæ. (3.) Quas actiones sequitur laus aut vituperium, pœna vel præmium; illæ magis erunt Spontaneæ quam invitæ. Atqui Actiones Mixtas sequitur laus aut vituperium &c. E.)

De exempla Actionum Mixtarum Laude ac Vituperio dignarum.

Aliæ merentur *Laudem*, cum quis ob magnum declinandum malum, molestum quid admittit. Sic Attilius Regulus commendatur a Cic. III. Offic. quod maluerit præsentissimum atrocissimæ mortis periculum apud Carthaginenses subire, quam

quam iusjurandum datum violare.

Aliæ *Excusationem* merentur ac *veniam*: ut si quis magni mali effugiendi causa, indecori quid admittat; e. g. quando David simulavit furorem, ut manus Regis Philistæorum Achis effugeret. 1. Sam. XXI.

Aliæ merentur *Vituperium & Pœnam*; cum quid natura turpe ac flagitiosum admittitur; ut si quis, ad evitandum supplicium & servandam vitam, patriam prodat, aut veram religionem abjuret. Non enim sunt facienda mala (moralia) ut inde eveniant Bona. Et ex duobus Malis Tristibus minus eligendum; e Turpibus neutrum.

Utrum Actiones proficiscentes ex vehementi perturbatione, qualis est Ira vel Amor, sunt Spontaneæ an Invitæ?

Rectius dicuntur Spontaneæ, cum quia ab interno principio profici-

scuntur, & circumstantiarum ignorantiam aut coactionem non possunt prætere; tum quia in potestate hominis est, affectus suos frenare, ne recti honestique terminos transiliant.

Quomodo distinguuntur Actiones Morales ratione Normæ sive Regula?

Alia Actio est *Bona*, quæ cum norma, h. e. Lege congruit; alia *Mala*, quæ a lege discrepat.

(Ad Actionem Bonam requiritur, ut cum lege congruat ex omni parte: ac Mala etiam est, quæ a lege discrepat aliqua tantum ex parte.
(2.) Bona actio debet esse materialiter & formaliter bona; Mala actio, etsi materialiter bona, formaliter tamen mala esse potest; & vice versa: ut si quis benefactori gratiam refert per injuriam alterius; aut si quis cornu furatur, ad calceos pauperibus donandos.

Quanam dicuntur Actiones Licitæ & Illicitæ.

Licitæ sive Permissa actio est, quam Leges

Leges neque præcipiunt neque vetant, & quam suscipere aut omittere in cujusvis omittere est relictum; ut, ferere in agro tuo hordeum aut triticum. *Illicita* est, quæ fit contra legem. *Abusive licita* vocatur, quæ cum Lege naturali prohibeatur, per Legem civilem nulla poena coercetur: sic potu immoderato obrui, hodie multis in locis abit impune.

(De quaestione, An dentur Actiones Morales indifferentes? magna olim inter Thomam & Scotum fuit, hodieque inter Doctores Ethicos est controversia, Negant eam Hornejus in Philos. Mor. Lib. II. Cap. 7. §. 18. Philaretus in Ethica sua pag. 72. 73. & CI. Krebsius, de indifferentismo hoc Morali fusius agens in Morum & Juris Scientia Univers. Lib. II. Cap. 4. imprimis pag. 69. & seqq. ubi in sententiam Thomæ inclinat, illudque Apostoli urget: Sive manducatis, sive bibitis, sive quid agitis, omnia in gloriam Dei facite! 1. Cor. X, 31.)

*Quenam est Omissio bona
& mala?*

Omissio bona est, qua omittitur a-

ctio mala, occasione perpetrandi oblata, ex amore Dei, & studio obediendi ejus legi. Sic Joseph ab alienâ abstinuit uxore.

Omissio mala est, qua omittitur, a-ctus lege præceptus, quem per occasionem aut facultatem præstare posses; ut, cum Parentibus aut Magistratui honor debitus non exhibetur,

Diximus supra Generale Virtutis, Moralis Objectum esse Actiones Humanas & Passiones sive Affectus.)

Quid est Affectus?

Affectus (in homine consideratus) est motus, quo voluntas aut sensus rem oblatam prosequitur aut fugit, cum extraordinaria spirituum agitatione.

(Nobis hic de Affectibus, prout in homine sunt, sermo est. Hi igitur cum sint mixtae mentis corporisque actiones seu passionibus: duplex eorum Subjectum. Quo constituendum est, nempe Mens & Corpus; & in Mente qui tenet Voluntas seu Appetitus rationalis, & in Corpore Appetitus Sensitivus. Hinc celeberr,

lebeſſ. Sturmius Affeſtus humanos ad Appetitum Senſitivo Rationalem refert, eosque vocat internas Corporis humorumque commotiones, cum voluntatis quandam conſenſu aut diſſenſu conjunctas &c. Vid. Phyſ. Conciliatr. Pars Specialiſſ. cap. IV. §. 4. & 5. p. 280. 281. An & quomodo Affeſtus Deo, Angelis, Mentibus ſeparatis & Brutis competant? aliis diſquirendam ſelinquemus.)

Quot numerantur Affeſtus!

A variis varie enumerantur. In Scholis vulgo recenſeri ſolent XI; quorum alii ad Appetitum *Concuſcibilem* referri ſolent, qui nempe in Bonum ſenſibus noſtris & rationi gratum feruntur; ut Amor, Lætitia, Spes, Deſiderium, Audentia; alii ad *Iraſcibilem*, quibus Malum nobis ingratum averſamur; ut ſunt Ira, Odium, Triftitia, Metus, Fuga, Deſperatio.

Affeſtus omnes enumerare apteque diſponere velle, res eſt laboris ardui & ſucceſſus incerti, propter temperamentorum corporis humani, & objectorum, quæ illos excitare poſſunt, varietatem, cauſasque plures. Hodie

duplex eorum celebrior datur Enumeratio ac Divisio: Scholastica, juvenibus cognita facilior, & Cartesiana. Cartesius Affectus dividit in Primitivos & Derivativos. Primitivi, qui ex nullis aliis orti atque adeo Simples sunt, ipsi dicuntur sex: Admiratio, Amor, Odium, Cupiditas, Lætitia, Tristitia, Derivativi, qui ex quibusdam eorum varie componunt, illorumque species sunt. Sic Admirationis species constituit Existimationem ac Despectum; Amoris species, Favorem, Gratitude &c. Vid ipse Cartesius in Lib. de Passionibus Animæ; Henr. Morus in Enchirid. Eth. Lib. 1. Cap. 7. Philareti Ethica Lib. 1. cap. 8.)

Quid sentis de Admiratione, hujusque speciebus, quas Cartesius inter Affectus numerat?

Scholastici recensent affectus, qui in Corde sedem proprie habent, cumque cordis commotione sunt conjuncti; & qui referuntur ad Bonum a nobis persequendum, vel malum averfandum: Cartesius vero abstrahit a Bonitate & Malitia ad nos relata; atque eos etiam considerat affectus,

ctus, qui sedem habent in *Cerebro*, & qualemcumque spirituum agitationem inferunt. Qui tamen dissensus tantus non est, ut propterea rejiciendam putemus vulgarem istam Scholasticorum Enumerationem ac Divisionem: præsertim cum Hamelius & alii Admirationem nominent *Passionem improprie talem*.

Vid Hamel in *Philos. Moral. Tractat. III. Disp. II. de Affectibus Animi, Quæst. II. Artic. 2. p. m. 746*, ubi & paulo post *ibid. Quæst. IV. Artic. 1. p. m. 748*. fatetur, quod tanta non sit in Admiratione, quanta in cæteris affectibus, animæ commotio, quoniam in nuda & simplici Admiratione res in se ipsis spectentur, non ut nos referantur: hinc nullam in corde, nullam in sanguine agitationem, nec ullam fere in ipso corporis habitu fieri mutationem. Agemus tamen infra nihilominus quoque de Admiratione: neque multum hic immorabimur speculationibus istis, Quid & Quot sint Affectus, quomodo item dividendi? sed monstrabimus potius, quemadmodum eos moderari, iisque recte uti debeamus.)

Suntne Affectus in se & sua natura vitiosi?

Non sunt in se vitiosi, adeoque nec extirpandi, sed concinne temperandi, rectæque rationi subjiciendi.

Quomodo id probalis?

1. Novimus nos Christiani, quod Servator noster, omnis perfectionis exemplar, non fuerit expers affectuum: contristavit enim eum mors Lazari Joh. XI; lætatus est ob successum prædicati Evangelii Luc. X; misertus turbæ inediapressæ Matth. XV.

2. Deo ipsi adscribuntur affectus nonnulli, ut Amor, Irâ, Odium &c. Et ab eodem nobis affectus quidam præcipiuntur, ut Amor erga parentes, conjuges, miseratio erga afflictos &c.

3. Sunt cotes & instrumenta multarum Virtutum; nostræque sanitati foven-

fovendæ conducunt: idem enim in homine microcosmo præstare videntur, quod venti majore in mundo; sicut enim hi aërem expurgant, ita illi sanguinem quasi ventilant, ne stagnans putrescat.

(De Utilitate Affectuum humanorum vid. H. Mosi Enchirid. Eth. Lib. 1. Cap. VI. & Philareti Eth. Cap. VI §. 3. p. 79. & seqq.)

Cur erge Stoici docent, illos, ut morbos animi, non temperandos, sed eradicandos esse.

Totalis hæc inter Peripateticos & Stoicos latet in verbis, non in re ipsa. Nam si Peripatetici vocem πάθος sic acciperent, ut Stoici, (nimirum pro perturbatione rectæ rationi contraria) omnino etiam τὰ πάθη per se mala & extirpanda judicarent. Ac vicissim, quando Stoici τῶν παθῶν nomine nihil aliud intelligerent quam Peripatetici, (nimirum motus animi

indif-

indifferentes) eos nec per se malos, nec eradicandos esse monerent.

Stoicis (1) πάθος five Perturbatio est commotio quæ tam vehementior, a recta ratione averfa; qualis certe in virum bonum ac sapientem cadere non debet. (2) Distingunt inter τὸ πάθος & εὐπάθειαν. Per illud intelligunt morbidam animi perturbationem, five, ut dixi, commotionem animi rectæ rationi contrariam; per εὐπάθειαν vero, commotionem animi placidam, constantem, rectæque rationi congruentem. Itaque dicunt, in Sapientem non cadere Libidinem, sed Voluntatem; non Lætitiam, sed Gaudium; non Metum, sed Cautionem &c. (3) Distingunt inter φαντασίαν (Propassionem) & συνκατάγνωσιν (ipsam Passionem.) Illam dicunt Involuntariam, ideo neque bonam neque malam esse, & in Sapientem quoque cadere; hanc voluntariam, eamque (si rectæ rationi adversetur) malam, ac sapiente viro indignam. Vid. Gell. Lib. XIX. Cap. I. Denique sicut mercatores niquam quandoque possulant, ut æquum obtineant; Ita Stoici excidium affectuum imperarunt, ut modermen imperarent. Vid. Senec. Lib. VII. de Benefic. c. 22. & 23. Add. Horneii Philos. Mor. Lib. II. cap. 6, n. 8.

*Quanam sunt Regulae Genera-
tiores, quibus niti possumus in recto
Affectuum sive Passionum
usu?*

Duæ: (1) Ut affectus nostri ferantur ad Finem debitum; h. e. eum, ad quem a natura destinantur) & ad Objecta recta & licita; (h. e. ea, quæ appetere Lex jubet aut permittit, quæ *ὀρθοπράδεια* vocari solet. (2.) Ut affectus nostri Objecto & Fini sint proportionati (ut ita dicam) & commensurati, i. e. ut summo affectu summa & optima, mediocri mediocria, minimo minima prosequamur; nec unquam in tantum commoveamur, ut affectus alicujus violentia lumen rationis intercipiat. Quæ *μετριοπράδεια* appellatur.

*Quanam remedia Generalia
regendis affectibus conducunt.*

1. Perpendamus, quod rectum affectuum usum à nobis exigit non tantum Ratio, sed & revelatum Dei mandatum, ac propterea lege ad eum nos obligemur. Cicero: *Ratio præsfit, appetitus obtemperet! 1. Offic. Sub te erit appetitus tuus, & tu dominaberis illi! Genes. IV, 7.*

2. Consideranda Voluptas liquidissima, ex prudenti affectuum moderamine resurgens; & cogitandum, quod illi e contrario perpetuis agitentur Furiis, qui suis passionibus succumbunt. Conf. Senec. Lib. III. de Ira cap. 6.

3. Preces ad Deum fundendæ; *Nemo enim continens esse potest, nisi Deus det. Sap. IIX, 21.* Pie Epictetus apud Arrianum, *Dei memento*, inquit; *hunc adiutorem advocato & commilitonem; ut solent nauta, qui*
in

in tempestatibus invocans Castorem & Pollucem. Qua vero periculosior est tempestas, quam fluctuantium passionum? Lib. II. cap. 18.

4. Compertæ integritatis moderator vitæ ac moribus tuis præficiendus, qui vel objecta noxia tibi furripiat, vel passiones tuas ipso in æstu refrænet. Vid. Jo. Bonæ Manu-duct. ad Cœlum Cap. II.

5. Imo & ipsi præscindamus occasiones, nobisque objecta subtrahamus, quæ turbare nos possunt. Inde Philosophi quidam pecunias abjecerunt, oculos sibi effoderunt, aures cera obturarunt &c. (Quamquam & hic observandum illud: *Nihil quid nimis!*)

6. Principiis obsta; Et quamprimum vel minimos senseris motus rationis imperio insurgentes, fræna illis injice! Vid. Senec. I, de Ira c. 7. & Lib. III. c. 10.

7. Denique accurate indagemus illos affectus, in quos Temperamentum nostrum præ aliis nos inclinat: hos proinde, veluti capita papaverum, cum Tarquinio demetamus; sic reliqui minorum gentium affectus facilius, imo ultro, sedabuntur.

Quid est Amor?

Amor est affectus, quo propendemus in Bonum nobiscum jungendum. Objectum ejus sunt Bona & Pulcra, quæ Graeci simul vocant τὰ καλὰ vel τὰ φιλητὰ, *Amabilia*.

Amor (1) vel est Concupiscentiæ, quo Bonum appeto mihi; vel Benevolentiz, quo Bonum appeto alteri. Ille fertur in Bonum, ut eo ipse fruatur; hic in bonum cum altero communicandum. (2) Vel est honestos ac Laudabilis, quo amamus, quæ oportet vel licet amare, & prout amare decet. Talis est Amor Dei, Parentum, Conjugis Virtutis &c. vel Turpis Vituperabilis, ut cæcus divitiarum aut honorum amor, ac præsertim Venerens ille inordinatus atque illicitus.

*Quenam Regula hic notanda,
& quæ Remedia inordinato Amo-
ri præscribenda?*

1. Quamprimum tibi placere quid cœpit, non statim ac temere id persequendum aut amandum judices, licet bonum tibi videatur ac Pulcrum; sed probe dispicias, an ne lateat anguis in herba? 2. Persuadeas tibi, nihil amandum esse, nisi quod eximia cum dignitate & honestate conjunctum sit: Turpe contra existimes, turpiter amare, aut personæ vel rei indignæ amorem tuum consecrare; vel etiam rem corruptioni aut amissioni obnoxiam tam arcte complecti, ut ea amissa animus se colligere nequeat. Speciatim adversus Amorem Venereum, eumque illicitum, sequentia observentur Remedia: (1) Fuga omnis occasionis, & Aversio oculorum, aurium cogitationum ab Objectis talis amoris æstum

æstum irritantibus. (2) Fuga otii: *Otia si tollas, periêre Cupidinis arcus &c.* (3) Frugalitas Cibo ac Potu. Sine Cerere enim ac Libero friget Venus. (4) Consideratio malorum, quæ amorem stultum ac perversum comitari ac sequi solent. Vid. Plauti Mercator Act. I. Sc. I. vers. 18. seqq. (5) Loci mutatio; quæ ut corpori, sic animo ægrotanti sæpe est salubris. *Quantum oculis, animo tam procul ibit amor.* (6) Consilium Hieronymi: *Tria esse Amoris Remedia: Preces, Jejunium, Laborem.*

Exempla.

Exempla quod attinet, Amoris inordinati affectum vicit (a) *Joseph*, ab uxore Potipharis abstinens, Genes. c. 39. (b) *Alexander*, cætera gentium magis quam affectuum domitor. Etenim cum Darii filias eximiae pulchretudinis captivas haberet,

ret, monitus etiam, invadere eas recusavit, dicens. Sibi non committendum, ut, cum viros vicisset, a mulieribus vinceretur, (a) *Scipio Africanus*, qui captivas etiam puellas præcipuæ pulchritudinis barbaris restituit, ac ne in conspectum quidem suum passus est adduci, ne quid de virginitatis integritate delibasse saltim oculis videretur. Flor. Lib. II. c. 6. n. 40.

Quid est Gaudium sive Lætitia?

Lætitia est affectus, quo ex præsentis bonis fruitione anima suavi voluptate perfunditur. Objectum est Bonum præsens. Gaudemus quidem Boni etiam præteriti memoria, aut futuri conceptione: Quod utrumque tamen animo occurrit tanquam præsens.

(Lætitia (1) alia est Mentis, quæ subijcitur menti; qualis est illa ex Virtutum exercitio & conjunctione cum Deo resultans: alia Sensuum, ut quæ ex Visu, Gustu, Tactu &c. percipitur, Illa hac multo est præstantior. (2.) Alia

est Honeſta & Moderata, quæ probatur Deo, & rectæ rationi eſt congrua. Alia Turpis & Immoderata, eaque inimica Deo, rectæque rationi contraria,)

Regula & Remedia.

Seneca Epist. 23. *Hoc ante omnia fac. Disce gaudere!* h. e. Gaudium verum a falso discernere; atque cavere, ne gaudium tuum intempestive, aut ex causis non idoneis, sese exferat, puta, ob aliena mala &c. & ne ad ineptias vanitatem, & quæ turpia aut indecora sunt, propellat. (2) Temperantiam in Cibo, Potu & Venere adhibe; ac prava eaque ad nimiam & frequentem lætitiā prona consortia fuge! (3) Tecum perpende, quantam voluptates terrenæ, atque hinc inordinata & immoderata lætitiā, homini perniciem afferant, ratione animæ & corporis. *Impia sub dulci melle venena latent.* (4) Ob oculos tibi pone brevitatem & vanitatem

tatem omnium gaudiorum terrenorum: & quam perpetuæ sint in orbe vires Lætitiae ac Tristitiae, *Nulla est sincera voluptas, sollicitumque aliquid latis intervenit.* Ovid, VII. Metam. (5) Mortis meditatio.

Exempla.

Ultimum ecce hoc remedium adhibuit *Ptolemæus Philadelphus*, Ægypti Rex, qui medias inter epulas mortui cranium semper afferri, & a ministris hanc sibi vocem acclamari iussit: *Inspice Rex, & cogita, te talem aliquando futurum!* Cæterum affectum hunc adductoribus habenis temperavit *Philippus Macedo*. Ei cum nunciatum esset, uno die multas res simul felicissime gestas esse; (nam eodem tempore curru quadrijugo vicerat in Olympicis, & Parmenio Tarnenses Prælio fuderat, & Olympias ipsi filium enixa erat) porre-

Etis in coelum manibus exclamavit:
 O fortuna, pro tot tantisque bene-
 ficüs levi quopiam malo me afficē!
 Exempla eorum, qui præ nimio gau-
 dio exhalarent animam, vid. ap.
 Gell. N. A. Lib. III. c. 15. ut *Policratæ*,
Philippidis, *Diagora Rhodii*; it. apud
 Plin. Lib. VII. c. 5. sub init. Valer.
 Max. Lib. IX. c. 12. n. 2. 3.

Quid est Spes?

Spes est affectus, quo bonum fu-
 turum, idque possibile, nobis polli-
 cemur & expectamus. Objectum
 ejus proinde est (1.) Bonum Malum
 enim non speramus sed metuimus.
 (2.) Futurum. Bonum enim jam
 præsens non amplius speratur. (3.)
 Possibile: Impossibilia quippe non
 speramus, sed desperamus.

(Spes (1) est vel Bona quæ veris bonis, vel Vi-
 tiosa, quæ malis aut falso creditis bonis inni-
 tunt. (2) Spes est vel Certa, quæ a certis bo-
 nis vel incerta & Vana, quæ a dubiis vanisque
 rebus pendet.)

Regu-

Regula & Remedia.

(1) Cautè agas, nec multum Spei credas; *Fallitur augurio spes bona sæpe suo.* (2) Futura sperantibus, sæpe præsentia dilabuntur; secundum illud Plauti: *Certa amittimus, dum incerta petimus.* Pertinet huc fabula de Cane Æsopico, ad flumen corrente, & frustum carnis ferente. (3) Ita spem tempera, ne, animus per eam ægrescat, ac ne dum vana, incerta, aut supra vires posita completatur, gratis se fatiget. Cic. in Cat. Maji. *Quid stultius, quam incerta habere pro certis, falsâ pro veris?* (4) Expertis crede, & intueri multos, quorum spes decollavit; e. g. Alexandri, Hamanis, Sejani &c. (5) Divum Hieronymum sequere, Serm. IX. super Psalm. 91. scribentem: *Abjiciamus omnino spes miseras, vanas, inutiles, seductorias!* & huic uni (in Deum collocandæ) *tam solida, tam*

C3

perfe-

perfecta, tam beata inhaereamus! (6)
 Patientiae studeas; secundum illud:
 Ferendum & Sperandum. Cic. *Spe-*
remus, quae volumus, sed quod accide-
rit, feramus.

Exempla.

Exempla eorum, qui Spem bo-
 nam certamque in Deo collocarunt,
 sunt *Job*, cap. XIX. 25. seqq. *David*,
 Psalm. XXV. 2. LVI. 4. 5. 12. CXXX. 5.
 seqq. aliisque locis quamplurimis.
 Cæterum spem nimiam & immode-
 ratam frænavit *Epictetus*, sæpius, te-
 ste *Stobæo*, hoc usus simili: Ut crura,
 sic spem quoque, non amplius ex-
 tendere convenit, quam fieri com-
 mode possit. Item *Plato* & *Aristo-*
teles, Spem vigilantis somnium ap-
 pellantes.

Quid est Desiderium vel Cu-
piditas?

Est affectus, quo Bonum, quod
 nobis

nobis deest, appetimus; & malum, quo premimur, remotum cupimus. Objectum ejus est Bonum, idque absens, sive præteritum sive futurum; nec non Malum a nobis removendum. Inde Scaliger describit Desiderium per Inclinationem voluntatis ad habenda bona, quibus caremus; aut ad excutienda mala, quibus premimur.

- (1. Desiderium a Spe se differt: (a) Desiderium proprie est Boni alicujus appetitio sive cupiditas; Spes autem leta expectatio. (b) Desiderium versatur circa Bonum absens, præteritum vel futurum; Spes tantum circa futurum. (c) Spes conjuncta est cum lætitia; Desiderium plerumque junctum est cum tristitia, anxietate animi & impatientia, (d) Desiderium intentius fertur, & sagittæ instar vibratur in bonum possidendum: Spes patienter illud expectat.)

- (a. Desiderium aliud est Naturale, quod in Bonum naturæ utile tendit; e. g. desiderium alimenti, somni, quietis &c. Aliud non naturale, quod tendit ad bonum a ratione dependens; ut desiderium scientiæ, honorum &c. Tam Naturale, quam Non naturale, vel est Bonum & recta ratione definitum, ut deside-

rium Dei 8. Boni nostri, item Virtutum bonarumque artium &c. nec non desiderium cibi modici, aut necessariæ medicinæ: vel Malum & inane, a neglecto rationis judicio falsaque opinione prognatum; ut desiderium immeritorum honorum, divitiarum, Veneris immoderatum. Talia Petrus vocat Carnalia desideria, quæ militant adversus animam 1. Epist. II. 11.)

Regula & Remedia.

- (1) Desideria tua ad rationem revoca; & ad naturam vive, quæ paucis est contenta, multisque desideriis ad vivendum non habet opus. Hinc Senec. Epist. 119. *Nihil monuisse te malim, quam hoc, quod nemo monetur satis: ut omnia naturalibus desideriis metiaris, quibus autem gratis satisfiat aut parvo. Tantum miscere vitia desideriis noli!* (2) Vitiis vero, quæ misceri desideriis solent, medeatur Lex divina: *Non concupisces domum proximi tui &c.* Exod. XX. 17.
- (3) Bonum, quod desideras, attente circumspecte, an verum, sit Bonum,

Bonum, an apparens tantum, utrum nocere magis, quam prouidere possit? *Multa impetum animi movent, qua petuntur petentium malo.* Senec. Epist. 118. (4) Considera Effectus affectus hujus inordinati molestos ac perniciosos, quodque is, secundum Platonem, malum sit inexplebile. (5) Τῇ αὐταρκειᾷ seu sufficientiæ stude. Cic. Paradox. VI. *Contentum suis rebus esse, maxima sunt certissimaque divitia.* Add. 1. Timoth. VI. 6. (6) Res extra te positas, tanquam nihil ad te spectantes, sperne, mortemque meditare! *Sic enim nihil unquam humile cogitabis, nec impense cupies quicquam.* Epictet. Enchirid. c. 20. *Finem omnium rerum specta, & super vacua dimittes!* Senec. Epist. 119.

Exempla.

Cupiditati ac Desideriis fibulas imposuerunt (a) *Agur*, nec divitias
 C 5 nec

nec paupertatem à Deo precatus; sed ut victui tantum tribuerentur necessaria, Prov. XXX. v. 7. 8. 9. (b) *Paulus*, ad Philipp. IV. 11. 12. & 1. Timoth. VI. 6. 7. 8. (c) *Socrates*, qui cum in pompa triumphali magna vis auri & argenti ferretur, Quam multa non desidero! exclamavit; teste Cio. V. Tusc. Quæst. (d) *Epicurus*, cujus frequens, dictum erat: Si ad naturam vives, nunquam eris pauper; si ad opinionem, nunquam eris dives. Exiguum natura desiderat; opinio immensum. Item: Panem & aquam natura desiderat. Nemo ad hac pauper est, intra qua desiderium suum clausit: cum ipso Jove de felicitate contendat! apud Senecam Epist. 16. & 25. (e) Ipse etiam *Seneca*, cujus Epistola 119, digna imprimis est, quæ legatur.

Quid

Quid est Audacia sive Confidentia?

Est affectus, quo malum arduum aggredimur, ut Bonum speratum consequamur. Objectum itaque est malum, idemque arduum & superandum, eoque superato bonum obtinendum.

(Audacia (ut est affectus) alia est Laude, alia Vituperio digna. Illa rationi rectæ est congrua, quando ad malum ingens, quod Bono obtinendo obflare videtur, depellendum, animi corporisque vires, ac Dei cumprimis hominumque auxilia, spem firmam afferant. Huc pertinet illud: Audentes Deus ipse juvat. Hæc vero ratione caret ac consilio; si quis nempe majora viribus suis aggredi, ac necessariis destitutus prædiis rem conficere tentat.

Regula & Remedia.

(1) Moram & consilium adhibe, antequam rem arduam aggrediaris; secundum illud Statii: *Metire, quod audes!* (2) Nosce te ipsum, viresque tuas accurate pensita, & mode-

ratam de te concipe opinionem. Conf. Senec. de Tranquill. animi Cap. 4. & 5. (3) Ne leviter nimis de obstante malo, aut adversariorum viribus existimes! *Leo aliquando minimarum avium pabulum fuit &c.* Curt. Lib. VII. c. 8. n. 15. (4) Sobrietati stude; quæ nos reddit moderatiores & circumspectiores Ebrietas contra in proelia trudit inermes. (5) Juvabunt hîc Doctrina, Usus & Experientia; nam sicut indocti & exercitati plerumque sunt audaculi; ita docti & experti cautiores ac prudentiores. (6) Cogita, quam stolidus ac nocivus sit affectus, Audacia immoderata. Id quod testantur Phaëthon & Icarus; item Psylli & Celtæ adversus Austrum ac fluctus marinos præliati, sed arenis undisque obruti.

Exempla.

Moderatus est affectui huic (a) *Fabius ille Maximus*, qui *primus fulmineum lento cunctamine Pænum compressit*; ut canit *Claudianus*; plus consilio quam fortunæ confisus, atque ostendens, *bono Imperatori haud magni momenti fortunam esse; mentem rationemque dominari*. Liv. XXII. c. 18. & 25. (b) *Svetonius Paulinus*, Tacito dictus *Cunctator* natura, cui cauta potius consilium cum ratione, quam prospera ex casu placerent. II Histor. c. 25. (d) *Archidamus*, qui filio suo cum Atheniensibus temere congressuro dixit: *Aut viribus adde, ut animis adime!* Plutarch. in Apophth. Lacon. Laudabilis præterea *Confidentiae Exempla* in Sacris sunt *Gedeon, David, Judas Maccabeus* hujusque fratres, qui non tam suis viribus quam Dei auxilio confisi, summa patrarunt facinora.

Quid est Ira?

Est affectus, quo contemptum aut injuriam nobis nostrisque illatam vindicare nitimur. Objectum ejus est Malum, seu Verum seu Apparens, puniendum, & contemptus nostri nostrumque vindicandus.

(Bene monet Bœclerus in Libell. Memor Eth. Optabilius esse plane eliminare Irām, eamque Virtuti non bene congruentem, saltem non necessariam esse. Neque enim ad propulsandam injuriam, neque ad punienda delicta, ira opus est; imò quo longius abest ira eo melius ista omnia conficiuntur. Conf. Senec. l. de Ira c. 14. 15. & 16. Quanquam communiter doceatur, esse irām quandoque Justam & Irasci licere, quando Religio, bonæ Leges, Patria, Parentes & Propinqui immerito offenduntur ac violantur. Szpius tamen Ira hominis est vitiosa ac stolidā, ut cum irascimur Deo, Magistratui, Parentibus, Præceptoribus, aliisque immerentibus, imò & brutis rebusque inanimatorum &c. aut quandoque ex causis rebusque levissimis exacerbamur.

Regula & Remedia.

(1) Iræ, ut violentissimo affectui, omni studio reluctandum; quæ & ipsam

ipsam fortitudinem, ac iustitiam, quibus inservire vulgò putatur, sæpe occæcat & præcipitat.

*Ira furor brevis est; animum rege,
qui, nisi parèt,*

*Imperat; hunc frenis, hunc tu compe-
sce catena.*

Hor. Lib. I. Ep. 2. (2) Remove proinde *Caussas internas*, (quæ in nobis sunt) unde Ira oriri solet; quarum aliæ sunt *Morales*, ut Philavtia, Zelo- typia, Superbia, Curiositas &c. aliæ *Naturales*, ut ebrietas, nimia lassitudo aut defatigatio, fames, sitis &c. Vid. Senec. III. de Ira c. 6. 9. 10. (3) Remove ac fuge *Caussas Iræ Externas*, quæ sunt omnia, quæ contem- tum aliquam nostri ac nostrorum præ se ferunt, nosque extrinsecus ir- ritare possunt. Hic attendamus, quam incitamenta illa plerumque frivola sint ac levia, & nobis sæpe, si ad mentem sanio- rem redierimus, videantur ridicula. Conf. Se- nec.

hæc.

nec. Lib. III. de Ira c. 30. init. c. 10. versus fin. item c. 11. & 12. (4) Animo tuo firmiter constitue, Iræ nihil unquam loci te velle dare, quæcunque tandem molesta accidunt. Senec. III. de Ira c. 37. *Præsume animo, multa tibi esse patienda &c.* (5) Conversare cum hominibus placidis & mansuetis; ac fuge homines contentiosos & agrestes. Vid. Senec. Lib. III. de Ira c. 8. & Lib. II. c. 22. (6) Assidue meditare funestissima mala Animi, Corporis & Fortunæ, quæ ab ira solent provenire. Conf. Seneca Lib. I. de Ira c. 2. (7) Cogita, Iracundiam muliebrem, puerile ac stolidum esse vitium. Id Lib. I. de Ira c. ult. & Lib. II. c. 19. At contra quam sapiens & gloriosum sit: Non facile irasci, & injurias magno animo contemnere. Senec. Lib. II. de Ira. c. 32. (8) In ipso Iræ æstu moram & dilationem adhibe, antequam ad judican-

candam, loquendum, castigandum accedas. Idem Lib. III. de Ira c. 12. (9) Speculum consule. Ita Socrates & Plato discipulos suos monuerunt, ut iratos se in speculo contuerentur, & cogitarent, qualis esset animus, cujus externa imago tam fœda est? (10) Amico alicui danda est potestas ut libere nos corripiat, cum irascimur, nec iræ nostræ assentiatur: ad instar Socratis apud Senec. III. de Ira c. 13. Add. Plutarch. libell. de cohibenda Ira.

Exempla.

Iræ affectum fortiter debellavit (a) David, maledicta & lapides Simei miti excipiens animo, 2. Sam. XVI. 10. (b) Plato; qui cum a servo suo graviter esset offensus, veritus, ne modum vindictæ excederet, Speusippo amico castigationis arbitrium commisit; deforme sibi futurum existimans, qui servum emendaturus esset, iracundiæ servitium subi-

subiret. Valer. Max. Lib. IV. c. 8. Conf. Senec. III. de Ira c. 12. (e) *Tarentinus Archytas*, ; de quo vid. Valer. Max. ibid. (d) *Socrates* cum calce petitus a juvene quodam feroce, ad ultionem ab amicis instigaretur. Quid, ait, an si me asinus calce petiisset, jussuri eratis, ut calcem ei contra impingam? Eundem perhibent colapho percussum, nihil amplius dixisse, quam Molestum esse, quod nescirent homines, quando cum galea prodire deberent. Senec. III. de Ira c. 11.

Quid est Odium.

Est affectus, quo quis averfatur malum, quod inimicum sibi aut noxium esse judicat. Inde a nonnullis vocatur *Adversatio*. Objectum ejus est Malum, idque præsens vel absens, Verum vel Apparens, nobis minus conveniens.

(Odium pertinacius est quam Ira, unde multis Ira inventerata dicitur ; etiam occultis, adeoque vitatu difficilius, Estque aliud Bonum

num five Laudabile, nempe malorum, maxime moralium, & si sit moderatum: Ita Deus ipse odit omnes operantes iniquitatem. Aliud Malum five Vituperabile, si ode-
rimus ea, quæ bona sunt minimeque adver-
sanda.

Regula & Remedia.

- (1) Odio, affectui, tam habenti, quam illis, in quos fertur, admodum pernicioso, quantum potes, obnitere! Et si quis omnino dignus videatur, quem averferis, cogita, Vitia nos odisse debere, non homines. (2) Præscriptum sequere Legis Naturæ, quæ vult, *ut homo homini, quicumque sit, ob eam ipsam causam, quod is homo sit, consultum velit.* Cic. III. Offic. (3) Audi etiam mandatum Christi Matth. V. 44. 45. *Diligite inimicos vestros &c. & Pauli, Rom. XII. 14. Benedicite iis, qui vos insectantur.* (4) Causas Odii tui diligenter considera, utpote circa quas sæpe fallitur opinio nostra. Nunc enim odio prosequimur res manifestò sacras & hono-

hono-

honorabiles, ut sunt Pietas, Veritas &c. hinc illud : *Veritas odium parit* : nunc caussa plane est incognita, secundum istud Martialis : *Non amo te, Sabidi, nec possum dicere quare?* Interdum Causæ sunt Avaritia, Invidia, φιλαυτία, Superbia &c. quæ omnes pro virili removendæ. (5) Tecum perpende, quam odium sæpius sit turpe ac diabolicum ; (diabolus enim odit Deum ac homines) quamque gravia tum possessoribus suis, tum aliis, pariat damna. Inde enim oriuntur contumeliæ, injuriæ, cædes &c. & quicquid boni gignit Amor, id Odium destruit. (6) Memento mortalitatis tuæ; adeoque mortales cum simus, odia immortalia ne geramus. Conf. Plutarch. libell. de Invidia & Odio.

Exempla.

Laudari hic debent (1) *Joseph* erga fratres suos inimicos benignus, Genes.

Genes. XLV. 5. (2) *Christus & Stephanus*, pro persecutoribus & carnificibus suis orantes. (3.) *Rytagorei*, qui, si quando inimicitia vel odio adversus se invicem exarserant, ante solis occasum, dextris mutuo datis, gratiam redintegrarunt; teste Plutarcho. (4.) *Agatho* gloriari solitus, se nunquam cepisse somnum, nisi prius sua adversus alios, & aliorum adversus se, odia & similitudines sopiisset. (5) *M. Aemilius Lepidus* Consul & Pontifex Maximus, qui graves & diuturnas inimicitias cum *Fulvio Flacco* ejusdem auctoritatis viro, exercuerat. Quamprimum vero uterque simul Censores sunt renunciati, odia in campo deposuerunt, existimantes: Non oportere eos privatis odiis dissidere, qui publice summa juncti essent potestate. Vid. Valer. Max. Lib. IV. c. II. Exempl. I.

Quid

Quid est Tristitia.

Tristitia est affectus, quo animus super malo, vel revera vel per imaginationem præsente, dolore afficitur. Objectum itaque est Malum præsens, sive id revera sit præsens, sive per imaginationem. Possunt enim Mala etiam præterita (ut si peracti sceleris nobis simus conscii) tristitia nos afficere. Unde nonnulli Tristitiam definiunt per motum animi, spiritum cordis opprimentem, ob malum præsens & præteritum.

(Affectus hic est vel Laudabilis, quando secundum rationem & moderate tristamur, e. g. ob peccata in Deum hominesque commissa, aut cum moderate lugemus infortunia mortisve nostrorum; eatenus enim inter Humanitatis officia numeratur. Vel est Vituperabilis, quando tristamur sine ratione & immoderate, multo cum fletu, ejulatu ac dolore animi nimis diuturno.)

Regula & Remedia.

1. Contemplare damna gravissima,

ma, quæ affectus hic immoderatus afferre solet tum Animo tum Corpori; utrumque enim velut carie quadam exedit, morbos inducit, mortemque accelerat. Vid. Sir. XXXIX. 19. & seqq. nec non e. XXX 22. seqq.

(2) Studeas magnitudini animi, & hunc in adversos casus (quibus vita hæc est obnoxia) præpares atque obfirmes. Tela enim prævisa minus nocent. Aut si tibi tuisve malum accidit, cogitandum, id propterea obvenisse, aut materiam haberes exercendæ patientiæ, constantiæ &c.

(3) Mente volvas tecum, Malum præsens non essetantum, aut tanti, ut adeo affligaris; nec minus aut levius, sed majus & acerbius futurum per mœstitiam ac impatientiam tuam.

(4) Revocandus est animus a consideratione præsentis mali, & adducendus ad rerum altissimarum meditationem ad studia, aut aliam mune-

muneris negotia. Vid. Plin. Epist. 19. Lib. IIX n. 1. (5.) Alloquia & consolationes amicorum facilis admitte! (6) Lege scripta moralia Tristitiæ medentia, qualia sunt Senecæ Libri de Consolatione ad Helviam, ad Polybium, ad Marciam, de Tranquillitate animi. Epistola 99; item Franc. Petrarchæ Libr. II. de Remediis utriusque fortunæ; idque genus alia. (7) Ex Remediis Physicis adhibeantur Somnus & Balnea, Potus vini generosi; vid. Prov. XXXI, 6. Fuga item solitudinis, Musica, Tempus; *Ajunt enim, diem adimere aegritudinem hominibus.* Terent.

Exempla.

Moerorem in potestate sua habuerunt (1) *David*, defunctum pusionem suam parum lugens, 2. Sam. XII. 20. seqq. inque aliis calamitatibus & persecutionibus se precibus ac cithara sua consolans, (2) *Anaxa-*

goras,

goras, qui audita filii morte, Nihil, inquit, mihi inexpectatum aut novum nuncias; ego enim illum ex me natum sciebam esse mortalem! Add. *Xenophon* apud Valerium Max. Lib. V. c. X. Extern. n. 2. (3.) *Demosthenes*, qui domesticas fortunas, lacrymas ac lamentationes, feminis reliquit, & quæ censuit in publicum utilia, hæc egit; teste Plutarcho. (4.) *Julius Agricola*, de quo Tacitus gener scribit: *Domestico vulnere ictus filium amisit. Quem casum neque ut plerique fortium virorum ambitiose, neque per lamenta rursus ac mærorem muliebriter tulit: & in luctu bellum inter remedia erat.* Vit. c. 28. (5.) *Germani veteres*, apud quod feminis lugere honestum erat, viris meminisse; teste eod. Tacito in Germ. c. 27.

Quid est Metus?

Est affectus, quo homo de Malo futuro anxie est sollicitus, & ab expectatione ejus affligitur. Objectum est Malum futurum, quod vel certo vel probabiliter nobis imminet.

(Metus est vel Naturalis, qui est ejus mali expectatio, quod naturæ videtur noxium: ut metus contagionis, cruciatuum, mortis &c. vel Non-naturalis, qui nos affligit ob malum, quod tale esse ratio aut Leges judicant. Hic non-naturalis est vel Honestus ac necessarius, quando metuimus, quæ Lex divina & recta ratio metuenda dicant; qualia sunt flagitia, infamia, ira Dei, infernus &c. vel Turpis, quo metuimus illa, quæ secundum Legem Dei & rectam rationem non sunt metuenda; ut si quis metu exilii vel mortis fidem veram abneget; aut semineo stolidoque timore umbram suam aut muscus prætervolitantes metuat. Hic sane degeneres animos timor arguit.)

Regula & Remedia.

(1) Metuenda declina! Si vero non potes, fac animo forti magnoque sis! Vid. Senec. Epist. 98. (2) Remove

move Cauſſas affectum hunc in te facile concitantes: quales ſunt (a) Prava corporis conſtitutio, maximè ex Melancholia, multo phlegmate & atrabile; atque hìc conſulantur Medici. (b) Solitudo & Tenebræ; (c) Præjudicia & Opiniones de rebus, quaſi hæ vel illæ ſint malæ; quales tamen in ſe non ſunt. Vid. Epictet. Enchirid. c. 10. (9) Studeas bonæ conſcientiæ. Cic. pro Milone: *Magna vis eſt conſcientia, & magna in utramque partem; ut neque timeant; qui nihil commiſerint &c.* (4) Ne angaris & crucieris ante tempus; etſi futurum omnino ſit, quod times malum. Seneca: *Nihil eſt nec miſerias nec ſtultitius, quam prætimere: quæ iſta dementia eſt, malum ſuum antecedere?* Epist. 98. Add. Epist. 24. (5) Cogita, levi momento maxima quæque immutari: atque inde ſalutem ſæpius imminere, unde ruina

timebatur. Cogita: forsan malum hoc non veniet; aut non tam grave erit; aut si certe venturum noveris, bene spera de eventu, aliorumque virorum fortium exempla & fata intueri! (6) Mala impendentia assidue contemplare: ita crebra meditatione sensim affvesies rebus terribilibus. *Mortem ut nunquam timeas, semper cogita!* Senec. Ep. 30. (7) Tecum perpende, quam menti corporique inimicus hic sit affectus, ac pæne inutilis. Nam cautelam, quæ ex illo provenire putatur, etiam citra eum prudentia & circumspectio minus trepida, minus anxiosa, producere potest. (8) Speciatim adversus Metum Malorum Publicorum, qualia sunt Bellum, Pestis, Tyrannis &c. remedia suppeditabit aureolus Lipsii libellus de Constantia, imprimis Lib. I. c. 13. & seqq. ac Lib. II. c. 4. & seqq.

Exem.

Exempla.

Exemplo hic esse possunt (1) *David*, Psal. III. 7. Psal. XXIII. 4. & alibi. (2) *Antigonus secundus*, Demetrii filius, Syriæ Rex; is navali prælio cum Ptolemæi Legatis congressurus, dicente gubernatore, Multo plures numero esse hostium naves; Me vero, inquit, ipsum præsentem quam multis comparas? Plut. in Apophth. (3) *Julius Cæsar*, qui tremido gubernatori, cum nocte concubina, ardente ventis mari, speculatorio navigio vcheretur, *Quid times?* inquit, *Cæsarem vehis!* fortunæ scilicet obsequentis beneficio e tot jam periculis eluctatum. Flor. Lib. IV. c. 2. n. 37. (4) *Joh. Fridericus* Saxoniae Elector; qui postquam a Carolo V. Imp. victus & captivus, cum Ernesto Brunsvicensi, Torgam velut in triumphum duceretur, ac brevi post denunciata sibi more solenni mortis senten-

tiam audiret, vultu nihil motus, nec animo turbatus, Ernestum ad ludendum secum latrunculis invitavit; hac ipsa securitate generosum mortis contemptum præ se ferans. Vid. Thuan. Lib. IV. Histor. ad Ann. 1547. qua animi magnitudine imitatus est forte *Julium* illum *Caesarem*, cujus admirabilem in ipsa morte fortitudinem graviter enarrat Seneca Lib. de Tranquill. c. 14.

Quid est Fuga?

Est affectus, quo malum imminere visum intente declinamus ac evitamus. Objectum est Malum nobis imminens, vel imminere visum, idque a nobis quovis modo avertendum & declinandum.

{ Fuga alia est Naturalis, qua declinamus malum naturæ nostræ noxium: ita fugimus serpentes, pestem &c. alia Non-naturalis, eaque vel Honestæ, cum fugimus malum, quod ratio recta fugiendum judicat, ut peccata, diabolum, prava sodalitia; vel Turpis, qua fugimus id, quod secundum rectam

rectam rationem non est fugiendum, sed opinionioni tantum nostræ malum & noxium videtur; sic impii fugiunt piorum consortia, templa, crucem & calamitates, quæ a Deo tamen nobis in bonum nostrum & salutem sæpe immittuntur.)

Regula & Remedia.

(1) Ne nimium fidas opinioni tuæ, nec facile assentire visis. Epict. Enchirid. c. 10. (2) Malum, quod tibi imminere putas, probe considera, utrum revera sit malum, an apparens tantum; & annon bonum tibi potius sit allaturum, adeoque patienter ferendum? v. g. morbi, crux, paupertas, quæ sæpe probationes sunt fidei & constantiæ nostræ. (3) Stude Fortitudini & Magnanimitati. *Mollities est fugere laboriosa*; ait Aristoteles 3. Nic. 7. Et Seneca: *Nemo fuga & ignavia immortalis est factus*. (4) Recordare moniti illius Terentiani Phorm. Act. V. Sc. 2. *Ita fugias, ne prater casam!*

i. e. sic malum quodpiam fugias, ne in aliud majus incautus devolaris. Donatus sic explicat: Fugiendo ne praetereas casam tuam, quæ tibi sit tutissimum receptaculum.

Exempla.

Fugæ impetum effugit (1) *Socrates*; de quo Jo. Bona in *Manud. ad Coelum* ita scribit: *Quæ nocent, docent. Mors, exilium, paupertas, ignominia, agritudo & cætera ejusdem generis, quæ in tua potestate non sunt, nec mali sunt, nec perstiterunt ad te.* His itaque non fugam, non abominationem opponere debes, sed concepta de illis opinionis neglectum. *Hæc omnia Socrates larvas apposite nuncupabat &c. C. 14. (2) M. Atilius Regulus*, qui cum Bello Punico I. a Carthaginensibus captus, & Romam de captivis commutandis missus esset, tantum abfuit, ut parata sibi tormenta fugerit, ut ad supplicium potius

tius redire maluerit, quam fidem hosti datam fallere. Cic. l. & Ill. Offic. (3) Turpem e bello fugam notavit *Lacena* quædam *mulier*, quæ filios e prælio fugientes domumque venientes graviter objurgavit, dicens: Quo ibitis, ignava & fugitiva mancipia? Et ostenso ventre, *Num huc*, inquit, *denuo redire vultis*, unde *emersistis*? Plutarch. in Apophth. Lacon. *Fuga* vero *Laudabilis* exempla præbent *Joseph*, adulteram fugiens; & *Ulysses* hujusque socii, *Sirenas* & *Circen* fugientes ac declinantes.

Quid est Desperatio?

Est affectus, quo æger animus a spe & expectatione boni alicujus recedit, quod obtentu nobis videtur impossibile. Objectum est bonum obtentu impossibile visum. Bonum vero speratum, cum obtineri non potest, Malum putatur.

D ;

(Despe-

(Desperatio alia respicit Bona spiritalia, e. g. Dei gratiam, remissionem peccatorum, salutem æternam. Ejusmodi desperatio semper est impia, & perfectum diaboli gaudium. Alia spectans Bona Temporalia; & hæc, si respicit Bona, quæ obtineri nullo modo possunt, non est culpanda; si vero Bona desperat, quæ esse & non esse, quæque obtineri queunt, tunc sæpe est improbanda. Turpiter desperatur, quod fieri potest; ait Quintilianus,

Regula & Remedia.

(1) Adversus Desperationem impiam & vituperabilem, curationem pete non a βρόχῳ sed λόγῳ, non a *laqueo*, sed recta *ratione*. Hæc vero suadet, ut conceptam opinionem de Boni alicujus impossibilitate ab intellectu nostro removeamus, ejusque consequendi possibilitatem ipsi ostendamus; & varia consideremus *Exempla*, ubi in rebus æque difficultibus, ex voto tamen eventus responderit. (2) Considera perniciosissimos Desperationis effectus: est enim hæc

hæc animi corporisque homicida.

(3) Dei omnipotentiaē confide. *Bono sis animo !* ait Euripidēs, *Multa Deo facilia sunt, etiam quæ desperant homines :* apud Stobæum Serm. 109.

(4) Contemplare fortunæ volubilitatem, quamque facile adversa in secundam commutari soleat. *Nemo desperet meliora lapsus !* (5) Desperationi de Bonis Spiritualibus saluber-
rimum præbebit remedium Misericordiæ & Clementiæ divinæ magnitudo, & divinarum in SS. Literis promissionum veritas, quæ peccatoribus, etiam maximis, modo seriò poenitentibus, spem certæ ostendunt veniæ.

Exempla.

In Sacris multa occurrunt Exempla eorum, qui firmissime crediderunt, quæ apud homines sunt impossibilia, esse Deo possibile. Sic *Abra-*

D 6 *ham*

ham filium unicum mactaturus, non desperavit de hoc ipso e morte, vel alio e lapidibus suscitando: *David* non desperavit de prosternendo Goliatho; *Judith* de Holoferne obtruncando. Add. Epist. ad Ebr. XI. v. 32. 33. 34. In profanis historiis clarent *Epaminondas* Thebanorum dux, qui quatuor hominum millibus stipatus. Lacedæmoniorum exercitum viginti millibus constantem profligavit; & *Miltiades* Atheniensis, qui cum 10. millibus, sexcenta Persarum millia fudit fugavitque. Seneca: *Singula vicere jam multi; ignem Mucius, crucem Regulus, venenum Socrates, exilium Rutilius.* Nos quoque aliquid ipsi faciamus animose: simus inter exempla. Quare deficimus? Quare despondemus? Quicquid fieri potuit, potest. Ep. 98. Stultæ ac impiæ desperationis exempla sunt *Cain, Achitophel, Judas, Cato* alique.

Haeste

Haftenus de Paſſionibus, quæ in corde proprie ſedem habent, non quæ in ſolo cerebro; qualem unicam agnoſcit Cartefius, nempe *Admirationem*.

Quid eſt Admiratio?

Eſt ſubitanea commotio animæ, qua fertur in attentam conſiderationem objectorum, quæ nova & inſolita videntur. Objectum itaque eſt Res nova & rara, cujus idea cerebro altius impreſſa animum commovet, & acriorem efficit attentionem.

(Admiratio eſt vel Laudabilis, quando ad veritatis indagandæ amorem nos accendit, aut in rem fertur admiratione dignam; uti e. g. Regina Sabæ mirabatur Salomonis ſapientiam. Vel Vituperabilis, eaque nimis frequens; quæ ad res quasvis, nec adeo novas & inuſitatas, hæret, inque ſtuporem nonnunquam degenerat.)

Regula & Remedia.

(1) Nota, affectum hunc nimis frequentem, ab omnibus pæne Philoſophis veteribus vilem fuiſſe ha-

bitum, ut imperiti abjectique animi indicium; imo ut beatitudinis nostræ hostem, unde dolor, cupiditas, metus & alii, quibus cruciantur homines, impetus proveniant. Quare Horatius Lib. I. Epist. 6. ait:

*Nil admirari, prope res est una,
Numici,
Solaque, qua possit facere & servare
beatum.*

Et Aristoteles Virum suum Magnanimum non vult esse *Σαυμάσιον* h. e. talem, qui facile admiretur. IV. Nic. 3. (2) Fuge Curiositatem, illum animi morbum, quo assidue sollicitamur ad cognitionem rerum novarum, sæpe inutilium ac minus necessariorum. (3) Tollitur Admiratio circumspiciore rerum attentione, similibus rerum frequente consideratione, & denique causarum ipsarum perceptione. Ideo (4) excolatur studium bonarum artium & Philosophiæ;

phiæ; illi enim, qui maxime philosophantur, minime mirantur, quoniam causas rerum feliciter rimantur. Hinc Democritus & Epicurus Philosophiæ fructum dixerunt *Ἀστυμασίαν*. (5) Juvabit quoque Ufus ac Experientia, & sagax rerum futurarum provisio. Ita Æneas apud Virgil, VI Æneid.

- - - *Non ulla laborum,
O Virgo, nova mi facies inopinave
surgis:
Omnia precepi, atque animo me-
cum ante peregi.*

Exempla.

Affectu hoc superiores evaserunt
(a) *Pythagoras*, qui Hoc se lucri a
Philosophia retulisse duxit, nihil ut
admiretur; apud Plutarch. de Auscult.
(b) *Agésilas*, Rex Spartano-
rum, qui, quorum stupore alios
teneri

teneri videbat, ea simulabat nec nosse; teste eod. Plutarch. in Apophth. (c) *M. Antoninus*, se a Maximo Philosopho, præceptore suo, didicisse gloriatus, quod nihil admiretur, nihil obstupe scat. (d) Stoici, qui *Sapientem* suum dixerunt nihil admiraturum ex iis, quæ vulgo inopinata & admirabilia videntur; apud Laërt. in Vit. Zenonis.

SECTIO II.

ARETOLOGIA SPECIALIOR.

*Quot numerantur in Ethicis
Virtutes?*

SECUNDUM datam supra Virtutis definitionem, dicere possem, unicam tantum esse Virtutem. Unicū enim est studium se suasque actiones ad divinam voluntatem componendi. At vero studium hoc, quate-

quatenus per varias actiones (five Officia) variis Naturæ Legibus & Objectis applicatas sese exerit, variis quoque nominibus insigniri solet.

(Sic jam olim Zeno, Aristo Chius, & Menedemus Eretricus, uti re fert Plutarchus in Comment. de Virtute Morali, unam tantum constituerunt Virtutem, Prudentiam : quæ vero varias fortiatur appellationes, prout diversis applicatur objectis, variasque producit actiones. Nempe, dum moderatur voluptatibus corporis, vocatur Temperantia ; dum dominatur iis, Mansuetudo ; dum suum cuique tribuit, Justitia &c. Quibus hodieque adst, utantur nonnulli nomina. *Constantine dicitur ab ipso Constantino Imperatore.*)

Oceano, qui unus idemque diversa sortitur nomina, pro littorū, quæ alluit, diversitate ; v. g. Oceanus Occidentalis hic appellatur Gallicus, ibi Britannicus, Hibernicus, Germanicus &c. Nec absurdam opinionem illam judicat ipse Goliſius in Epit. doctr. Mor. Aristot. pag. 82)

Quot virtutes enumerant

Stoici ?

Stoici, quos Cicero in Officiis sequitur, ut & Augustinus, Ambrosius

sus ac Scholastici, quatuor numerant primarias: Prudentiam, Justitiam, Fortitudinem, Temperantiam.

(Quæ Virtutes jam ab Ambrosii xvo dicuntur Cardinales, quod, uti fores cardinibus, ita illis Virtutum summa vertatur, vitæque honestas fulciatur. Platonici divisionis hujus hanc afferunt rationem, quod Prudentia perficiat Intellectum; Justitia Voluntatem, Temperantia moderetur Appetitui Concupiscibili, Fortitudo Irascibili)

Quot Virtutes Morales enumerat Aristoteles?

Undecim: quæ unâ cum Objectis & oppositis Vitiis ex sequenti designatione patebunt:

<i>Nomina Virtutum.</i>	<i>Objecta.</i>	<i>Opposita Vitia.</i>
1. Fortitudo.	Ea, quæ Metum & Fiduciam afferunt.	Audacia & Timiditas.
		Tem-

urne. Justi- eran-	2. Tempe- rantia.	Voluptates & Dolores Gu- stus & Tactus.	Intem- perantia & Stupi- ditas.
icuntur as, ite hone- as hanc erficiat tempe- discibili,	3. Libera- litas.	Pecuniæ mo- dicæ.	Prodiga- litas & Il- liberali- tas.
me-	4. Magni- ficentia.	Pecuniæ ac sumtus magni.	Luxus & Sordi- ties.
ectis de-	5. Magna- nimitas.	Honores ma- gni.	Superbia & Pusilla- nimitas.
fit . cia imi-	6. Mode- stia.	Honores mo- dici.	Ambitio & Αφιλο- τιμία.

7. Man-

7. Man- fuetudo.	Ira.	Iracun- dia & Le- nitude.
8. Huma- nitas.	Sermones & Actiones in Conservatio- nibus decori.	Adulatio & Moro- sitas.
9. Veraci- tas.	Verba & alia Signa, quibus sensa animi nostræ aliis a- perimus.	Jactantia & Diffi- mulatio.
10. Urba- nitas.	Joci ac Ludi.	Scurrili- tas & Ru- sticitas.
11. Justi- tia.	Ea, quæ legi- bus præcipi- untur: ac spe- ciatim Res di- stribuendæ & commutan- dæ.	Injustitia.

Qui

Qui vero Numerus Vndenarius nulli certo innititur fundamento; estque mutilus, dum Virtutum reginam Pietatem, præstantissimasque alias, omittit. Ut taceam, quod *Liberalitas & Magnificentia*, necnon *Magnanimitas & Modestia*, peculiares hic constituentur Virtutes, cum non specie, sed gradu tantum differant, secundum magis & minus.

Quaratione commodiore Virtutes dividuntur ac recensentur?

Quemadmodum Officia Hominis a Juris Naturæ Doctoribus dispeſcuntur in ea, quæ *Deo*, quæ *Nobis* & quæ *Hominibus aliis* debentur: ita Virtutes partim *Deum*, partim *Nos ipsos*, partim *Homines alios* respiciunt.

(Cic. 1. Tusc. Quæst. Philosophia, inquit; nos primum ad Deorum cultum, deinde ad Jus hominum, quod situm est in generis humani societate; tum ad modestiam magnitudinemque animi erudit. Vid. Nobiliæ.

biliff. Schilterus in Manuduct. Philos. Mor. ad Jurisprud. pag. 33. & 41. Ita Paulus ad Tit. II. 12. Summam Virtutis complectens, jubet, ut σωφρόνως καὶ δίκαια καὶ ἐνσφύτως (temperanter & iuste & pie) vivamus hoc in seculo.)

Quæ ergo Juris Naturalis præcepta in studio Virtutis præcipue sunt observanda?

Hæc tria: Vive erga Deum pie; erga teipsum temperanter; erga proximum iuste ac socialiter! Ad primum revocantur Virtutes *Pietatis* inclusæ: Ad secundum Virtutes sub *Temperantia* comprehensæ; ad tertium Virtutes, quæ ad *Justitiam* referri solent.

(Hæc Virtutum divisio accommodatissima videtur Legis Naturæ fundamento: quod est Cognitio cultus amorque Dei, Sui ipsius, & Proximi. Vid. Compend. Jurisprud. Univers. ex Sam. Pufendorffii Opere de J. N. & G. concinnatum & editum Francofurti 1694 pag. 58. 59. Vel, ut alii, fundamentum illud exprimere malunt: Diligere Deum, diligere Proximum æque ac Scipsum.)

Quid

Quid est Pietas?

Est Virtus, qua Deum rite cognovimus & colimus. *Objectum* ejus est Deus rite cognoscendus & condus.

(Quare a Lipsio Lib. 1. Polit. c. 2. Pietatis duo velut rami constituuntur; Rectus de Deo sensus, & rectus in Deum cultus. Atque adeo primum illud s. N. præceptum: Vive erga Deum pie! in hæc duo resolvitur; Recte de Deo senti! & Deum rite cole!)

Quæ de Cognitione Dei, siue recto de Deo sensu notanda?

Intelligitur hic Cognitione Dei naturalis; quale $\gamma\gamma\omega\varsigma\acute{o}\nu\ \tau\acute{\alpha}\ \Theta\epsilon\acute{o}\varsigma$ paganis etiam manifestum esse. Paulus docet ad Rom. I. 19. 20. Adeoque cuivis homini recta ratione prædico hæc de Deo sentienda sunt & credenda: (1) Deum revera existere: (2) Esse eum universi hujus conditorem, conservatorem & regnatorem; (3) Esse eum Æternum, Viventem, Optimum,

num, Omnipotentem, Omniscium, Justum &c. nec ullum attributum cadere in Deum, quod imperfectiorem aliquam involvat.

(De hac Naturali Dei Cognitione vid. Pufendor-
fius Lib. I. de Offic. H. & C. cap. 4. H. Gro-
tius Lib. I. de Ver. & Rel. Chrif. Phil. Mor-
neus de Eadem Cap. 1. & feqq. ac varii Na-
turalis Theologiæ Scriptores. Sciendum e-
nim, quod Cognitione hæc Effentiæ & Attribu-
torum divinarum, tanquam principium &
fundamentum Cultus divini, ex Theologia
Naturali h. l. præfupponatur.)

Quid de Cultu Dei tenen- dum?

Cultus Dei alius est *Internus*, qui
confistit in ejus Amore, Timore,
Veneratione, Spe item ac Fiducia in
illum collocanda: alius *Internus &
Externus simul*, qui exhibetur (1)
voce, ut Invocatione, Laudatione,
Gratiarum actione; (2) Ritibus ac
Ceremoniis legitimis: (3) ipsa Vi-
ta, Deum videlicet, quantum nobis
pos-

possibile imitando, & Obsequio e-
i-
m, ut Conditori ac Domino no-
e, semper præstando.

(Hunc Dei Cultum collectivè sumtum, una voce
nonnulli vocant Religionem, Cic. V. in Verr.
Omnes, inquit, Religione moventur, &
Deos patrios, quos a majoribus acceperunt,
colendos sibi diligenter & retinendos arbi-
trantur.)

Quodnam ergo est Viri Pii Officium?

Viri Pii officium in eo consistit,
ut Deum rite cognoscat, h. e. recte
de Dei existentia & attributis sentiat;
illumque super omnia amet, timeat,
veneretur, in eum spem ac fiduciam
suam collocet, inque voluntate ejus
reverenter acquiescat; præterea ut
Eundem prece, laudatione, gratia-
rum actione, ritibusque ac ceremo-
niis legitimis celebret; ac vita, quan-
tum possibile, imitetur.

(Ita de Deo sentiendum, ita eundem colen-
dum esse, sapientiores quoque Gentiles ex
luminò

B

lumine Naturæ didicerunt, ac docuerunt, Vid. Theatr. meum Virtutum ab Aristotele omiffarum Cap. I. §. IV. V. & feqq. In qua tamen Naturali Dei Cognitione & Cultu nos Chriftiani non aquietamur, fed ad Revelatam quoque progredimur, quæ confiftit in notitia unius Effentiæ divinæ, In qua diftinctæ funt tres Perfonæ: atque in Notitia Voluntatis Dei patefactæ per doctrinam Legis & Evangelii. De utraque hæc Dei Cognitione pie fcribit Tertullianus I. adverfus Marcionem: Nos definimus DEUM primò naturâ cognofcendam, dehinc doctrina recognofcendum: natura ex operibus, doctrina ex prædicationibus. Et de Refurrect. Carnis idem: Præmiffit tibi naturam magiftram, fubmiffurus & Prophetiam; quo facilius credas Prophetiæ, difcipulus Naturæ.)

Qua Vitia opponuntur Pietati?

Pietati generatim opponuntur *Impietas*, vitiorum maximum; per quod homo alienus eft a vera Dei Cognitione & Cultu eidem rite præftando. Speciatim huc pertinent *Atheismus Polytheismus, Idololatria, Superftitiofitas &c.*

An

*2. Vero Pietas (quatenus sum-
ur pro Virtute ; qua Deum rite
agnoscimus & colimus) inter Vir-
tutes in Ethica Philosophica
recte numeratur?*

Omnino : (1) Quia omnes ho-
mines non tantum Jure Naturæ sunt
obligati ad colendum Deum ; sed &
omnes, modo sint sanæ mentis,
communi sensu fatentur, *Deum co-
lum esse*. De quo principio pra-
terea, sicut & aliis, jure suo agit Phi-
losophus Practicus. (2) Quia ple-
rumque Philosophorum gentilium (ut
testatur Cicero, aliique) Pietatem non
tantum in numerum Virtutum rece-
perunt, sed & eam primo posuere
sunt. (3) Quia Virtus hæc non
tantum futuræ vitæ, sed & præsentis
utilitatem promovet; 1. Tim. IV. 8.
in societate humana ac civili usus
; effectus habet longe maximos.

B 2

(Cic.

(Cic. 1. de Nat. Deor. Pietate sublata, fides etiam & societas generis humani tollatur necesse est. Numa Pompilius res duas magnopere pertinere ad felicitatem Reip. existimavit, Pietatem & Justitiam. Quid, quod ipse Aristoteles VII. Polit. 8. Cultum divinum ex eorum numero esse docet, sine quibus Civitas consistere non potest.)

Exempla.

Pietatis exempla & Sacris sunt *He-noch, David, Josaphat, Simeon*, Luc. II. 25. *Cornelius*, Act. X. 2. alique. Ex ordine Gentilium *Socrates, Numa Pompilius, Seneca* &c. Ex Imperatoribus Christianis *Constantinus M., Theodosius I. & II*; quorum posterior aulam suam instituit veluti Scholam in qua ad pietatem se suosque exercuit, observans ordine distributa tempora lectionum, hymnorum, jejuniorum &c. Vid. *Socrates* Lib. VII. *Histor. Eccles.* c. 22. & *Niceph.* Lib. XIV. c. 3.

(Hæc breviter de Pietate, in qua omnes illæ Virtutes, quæ Deum respiciunt, (ut Dilectio Dei, Timor Dei, Celebratio Nominis divini

divini &c.) tanquam Partes potentiales,
comprehenduntur.)

*10 praecepto continentur Offi-
cia Hominis erga Seipsum?*

*Hoc: Vive erga te ipsum tempe-
ter!* Nimirum ex praescripto Le-
gis Naturalis Homo erga seipsum ita
gerere debet, ut rebus, quibus ad
conservationem indiget, h. e. bo-
ni corporis ac fortunæ, ordinate
moderateque utatur; inque rebus
indis voluptatem, in adversis do-
rem temperet. Circa Bona Cor-
poris & Fortunæ versatur Tempe-
rantia; circa adversa Fortitudo.

*10 in significato sumitur hic
Temperantia?*

in latiore in significato, Veteribus
ignoto; pro Virtute, qua tem-
perat voluptates, dolores & cupidi-
tes nostras, occupata vel circa Res
naturales, vel circa Fortunæ Bonas.

E 3

Qua-

Quatenus occupatur circa *Res Naturales*, sub se comprehendit Frugalitatem, Castitatem, Sedulitatem, & huic junctam Vigilantiam. Quatenus occupatur in Fortunæ bonis, ea complectitur ratione Opum & Pecuniarum, *Αυτάρκειαν* (Sufficienciam) & Parsimoniam; ratione Honorum, Modestiam.

Quid est Frugalitas?

Frugalitas est temperantia in Cibo ac Potu; sive, Virtus in sumendo Cibo ac Potu modum præscribens. Frugalitas in sumendo cibo, vocatur Abstinencia; in sumendo potu, Sobrietas. *objectum* ejus sunt Esculentæ & Potulenta: indeque afficientes palatum & gulam nostram voluptates.

Quodnam est Officium Viri Frugalis?

In sumendo cibo ac potu, habeat ratio-

rationem (1) *Quantitatis*, ut tantum capiat, quantum stomachus commodè concoquere, corporique alendo, & functionibus animi rectè subeundis, permitti potest; (2) *Qualitatis*, ne esculenta ac potulenta summat noxia, nimis pretiosa, aut turpium voluptatum flammæ excitantia: (3) *Finis*, qui est valetudinis ac vitæ conservatio: (4) *Temporis*, *Locis* & *Modi*. Conf, Siracid. XXXI. v. 12. & seqq.

Utatur etiam Jejunio sano; h. e. abstineat quandoque a cibo & potu præter solitum: sicque corpus coercet, ut rationi facilius pareat, & ad exercitia Pietatis animus reddatur altior.)

Quæ Vitia Virtuti huic opponuntur?

Frugalitati opponitur *Intemperantia in Cibo ac Potu*. Quæ in cibo per expressum peccat, vocatur *Voracitas*; quæ in potu, *Bibacitas*; cuius

jus pedissequa est Ebrietas. *Nimia* a cibo ac potu *Abſtinentia* rarius requeritur. *

* Deprehenditur in avaris quibusdam & ſanctitatem ſimulantibus; de quibus vid. Ef. LIX. 5. & Coloſſ. II. 23. Referri huc etiam poſſunt, qui ἀνορεγῆτες ſeu *inedia* vitæ ſuæ ſilum abruperunt; ut *Articulus* apud Corn. Nep. Vit. c. ult. *Cornelius Rufus* & *Silins Italicus*, apud Plin. jun. Lib. I. Ep. 12. & Lib. III. Ep. 7.

Exempla Frugalitatis.

Daniel cum ſociis ſuis, Dan. I. v. 8. & ſeqq. *Hanna*, Luc. II. 37. *Socrates*, qui per omnem ætatem vixit frugaliffime: dicere ſolitus, Alios vivere, ut edant, ſe vero edere, ut vivat. *Xenocratis* caſeolus, & *Platonis* cœnulae, de cibo frugali, ſed ſalutari-
bus colloquiis condito, proverbiiſ circumferuntur. De *Romuli* abſtinentia vid. Gellius Lib. XI. c. 14. *Julius*

lius Cæsar vini parcissimus fuit; de quo verbum est Catonis: Unum ex omnibus Cæsarem ad evertendam Remp. sobrium accessisse, *Carolus M.* in cibo potuque temperans, ebrietatem in quocunque homine, nedum in se ac suis, plurimum abominabatur; teste Eginharto in *Vit. Ferdinandus I.* Imperator, vino nunquam superatus; de quo vid. *Theatr. Christ. Matthiæ* Cap. II, in *Vit. domestica*, pag. 1083.

Quid est Castitas?

Est temperantia circa Venerem: sive Virtus, quæ Veneris appetitum & usum moderatur. *Objectum* ejus sunt res, quæ Venerem excitare possunt; nec non ipse Veneris usus.

(Castitas, dum vitat sermones & gestus ardorem Venerem provocantes, appellatur Pudicitia; dum ab ipso Veneris actu se continet, dicitur Continentia.)

E 5

Quod

*Quod est Officium hominis
Casti?*

Ratione *Pudicitia* cohibeat oculos, aures, linguam, manus, aliaque membra sua, ne quidquam videat, audiat, loquatur aut agat, quod vel in se, vel in aliis illiciti amoris desiderium incendere possit. Ratione *Continentia*, non solum ab omni illicito Veneris usu se contineat, sed & licita in conjugio Venere parce ac verecunde utatur.

Quae Vitia opponuntur Castitati?

Generatim ei opponitur Libido: Pudicitiae Impudicitia; Continentiae Incontinentia. *Libido* est in animo potissimum: *Impudicitia* cernitur in verbis & gestibus obscenis: *Incontinentia* circa ipsos actus Veneris illicitos versatur, v. g. scortationem, adulterium &c. *Nimia Veneris adversatio* rarius invenitur.*

(*Refec-

(*Referunt huc *Originem*, qui ad vitandam Venerem seipsum castrasse dicitur. Et *Diogenem Cynicum*, qui cum aliquando feminam de arbore pensilem vidisset, dixisse fertur: *Utinam omnes arbores tales ferrent fructus.*)

Exempla Castitatis?

Joseph ab uxore *Potipharis* se continens, Genes. c. XXXIX. *Hiob*, cap. XXXI. 1. *Susanna* *Jojakimi* uxor. *Alexander* a *Darii* conjuge & filiabus pulcherrimis abstinens. *Germani veteres*, qui soli barbarorum singulis uxoribus contenti, & quorum casta & severa erant matrimonia. Tacit. Germ. c. 18. 19. Add. *Lipsius* Lib. II. Monit. & Exemph. Polit. Cap. 17. ubi & *Cyrus*, & *Scipio Africanus* & *Maximilianus I. Imp.* alique hac a Virtute laudantur.

Quid est Sedulitas?

Est laboris & quietis moderatrix ;
five Virtus, per quam operas ac labores personæ ac officio nostro convenientes alacriter suscipimus & constanter perficimus. *Objectum* ejus sunt labores & opera vocationi nostræ propria & necessaria: eaque, veluti decet, suscipienda, continuanda, perficienda.

*Quod est Officium hominis
Seduli?*

In laborando habeat cum primis rationem (1) *Objecti* ; ut operetur manibus, quod bonum est ; 1. Tim. VI. 18. h. e. laboribus honestis, Deo gratis, sibi que & proximo utilibus & convenientibus, se exerceat. (2) *Finis* : laboret, ut se suosque honeste alere, aliisque benefacere possit. (3) *Temporis & Modi*. Non tractet opera manuum, tempore cultui divino aut

aut quieti destinato : & si fatigatus fuerit, corpus pariter & animum recreer, secundum Poëtæ monitum:

*Interpone tuis interdum gaudia
curis,*

*ut possis animo quemvis perferre
laborem!*

Major post otia virtus!

*Quæ Vitia opponuntur Se-
dulitati?*

(1) *Desidia* seu *Otiositas*, vitium in laborando deficiens, & ea, quæ nostri sunt officij, negligens. (2) *Diligentia nimia & morosa*, vitium in laborando modum excedens: & majores, quam opus est, labores in re quapiam ponens. Ubi notetur illud Scipioni apud Cic. II. de Oratore: *Non amo nimium diligentes!*

Quid est Vigilantia?

Soror Sedulitatis Vigilantia, est
E 7 Somni

Somni & Vigiliæ moderatrix. Hominis itaque Vigilantis officium est, non plus temporis somno impendere, quam ad recreandas vires diurno labore prostratas requiritur; nec pro sua tantum, sed & aliorum salute alacriter excubare.

(Decet proinde Virtus hæc imprimis (1) Principes aliosque Magistratus, qui vocantur ac esse debent Vigiles & Custodes salutis publicæ. (2) Pastores & Inspectores Ecclesiarum, qui hinc dici solent Vigilantissimi. (3) Patres & matresfamilias. (4) Studiosos bonarum artium, qui norint, Auroram Musæ amicam.)

Quodnam Vitium ei opponitur?

Somnolentia, non involuntaria illa seu morbose corporis affectio, de qua consuli debent Medici; sed voluntaria ac vituperabilis, qua quis ultra modum naturæ convenientem somno indulget; nec suis nec aliorum commodis invigilat.

Exem-

Exempla Sedulitatis & Vigilantia?

Jacob Patriarcha. Genes. XXXI. v. 6. & 40. *Paulus*, 2. Theffal. III. 8. & 2. Cor. VI. v. 5. *Demosthenes*, cujus enthymemata lucernam olebant : quique plus olei (lucubrando) quam vini consumpsit. *Cleanthis* etiam & *Aristophanis* lucernæ hodieque celebrantur ab eruditis. *Vespasianus*, qui, cum dysenteria laboraret, reprehensus a medicis, quod nihilominus imperatoria munera obiret, Imperatorem, ait, stantem oportet mori. Add. Valer. Max. Lib. IIX. Cap. 7. quod agit de Studio & Industria *Catonum* Majoris & Uticensis, *Pythagora*, *Chrysippi* & aliorum.

Quid est Αὐτάρευνα sive Sufficiencia?

Αὐτάρευνα (Germ. Die Vergnüglichteit) est Virtus divitiarum appetitum

titum & studium moderans; ac faciens, ut bonis præsentibus contenti acquiescāmus. *Objectum* ejus sunt Opes ac Divitiæ, quatenus in his appetendis ac possidendis modus est tenendus.

(Virtutem hanc commendat Apostolus, scribens 1. Tim. VI. v. 6. 7. 8. *ἵνα προσιμῶς μὴ γὰρ ἡ ἐπιθυμία πλεονέκτησις*: Est magnus quæstus Pietas cum Sufficiētia &c. Ac Cic. de Senectute: Contentum rebus suis esse, maximæ sunt certissimæque divitiæ.)

Quod est Officium Hominis rebus suis Contenti?

Ut contentus sit bonis Dei benignitate sibi concessis, nec cæco divitiarum amore abreptus animum ad parandas illicitis modis opes appellat. Itaque non appetit bona aliena & ad se non pertinentia, non inhonesta; sed ea tantum, quæ ad vitam suam suorumque sine molestia ac dedecore transigendam sunt necessaria.

Quæ

Quæ vitia hic sunt fugienda?

(1) *Avaritia* (φιλοχρηματία) vitium, quo homo nimis est appetens divitiarum, easque corradendi insatiabili trahitur cupiditate. (2) *Pecunia ac divitiarum contemtus*, (ἀφιλοχρηματία) vitium, quo homo de necessariis vitæ bonis & opibus juste acquirendis curam nullam suscipit. Parit vitium hoc filias duas admodum deformes: Ignaviam in officio, & foedam Paupertatem.

(Avaritia hic sumitur, quatenus refertur ad nos & non ad alium; hoc enim posteriore modo sumta opponitur Liberalitati, & rectius dicitur Illiberalitas ἀνελιγερία, quæ nihil aut parum aliis dat commodatque de bonis suis.)

Exempla τῆς Αὐταρκείας.

Omnia huc referri possunt eorum supra commemoratorum, qui affectui Desiderii & Cupiditatis modum posuerunt; ut (a) *Agur*, Proverb.

XXX.

XXX. v. 7. 8. 9. (b) *Paulus*, ad Philipp. IV. 11. 12. Quibus addatur (c) *Samuel*, cujus insignis exstat oratio ad universum Israël's populum 1. Sam. XII. v. 2. 3. seqq. (d) *Corycius* ille senex apud Virgilium Lib. IV. Georgic. qui cum paucâ ruris jugera, nec illa quidem segeti adeo opportuna, possideret, tamen,

*Regum æquabat opes animis, seraque re-
vertens
nocte domum, dapibus mensas onerabat
inemptis.*

(e) *Erasmus* Lib. XXII. Epist. 5, scribens: *Utinam sic liceat sumtus moderari, ut morienti nec proprium as, nec alienum supersit: præterquam quod huic ubicunque reponendo corpusculum sit opus.*

Quid est Parsimonia?

Est Virtus, quæ conservandarum opum nostrarum studium moderatur

tur. *Objectum* ejus sunt Opes nostræ, ac sumtus, cum primis Oeconomici, (in victum, amictum, suppellectilem, ædificiorum structuram &c. impendendi) quatenus in his erogandis, in opibus vero conservandis, modus est tenendus.

(Virtus hæc Seneca vocatur scientia vitandi sumtus supervacuos; aut ars re familiari moderate utendi, Lib. II, de Benef. c. 34.)

Quod est Officium hominis Parci?

Ut res & facultates suas diligenter custodiat, utiliter collocet, frugaliter vivat, emacitatem & sponfiones temerarias evitet; sumtus, ubi Pietas, Honestas & Necessitas postulant, circumspicte impendat, minus vero necessarios temperet aut intermit-
tat.

(Notetur hic dictum Ciceronis: O Dii immortales! Non intelligunt homines, quam magnum vestigal sit parsimonia. Paradox. ult.)

242.

Quæ Vitia opponuntur Parsimonia?

(1.) *Sumtuositas*, sive inepta & supervacanea sumtum profusio. (2) *Sordida Tenacitas*, h. e. indecora & intempestiva parsimonia iis in rebus, quæ ad Pietatem, Necessitatem & Statum hominis tuendum, pertinent.

(Hæc Theophrasto vocatur *μικρολογία* sive *Sordida Parsimonia*; Cap. XI. Character.)

Exempla Parsimonia.

(a) *Servator* jubens, ut discipuli fragmenta panum & piscium colligant, & (b) *Discipuli* mandato huic parentes ac parsimoniam colentes; Joh. VI. 12. 13. (c) *Joseph*, colligens fruges, & levandæ annonæ caritatis causa asservans; Genes. XLI. 33. &c. seqq. (a) *Marcus Cato*, qui, suo exemplo, patrem familiâs vult vendacem, non emacem esse; & cujus dictum

dictum est apud Senecam: *Emas, non quod opus est, sed quod necesse est.*

Quod non opus est, asse carum est.

(e) Ipse *Seneca*, qui suum *Parfimoniae* amorem ac rationem describit graphice de *Tranquill. Animi* Cap. I. *Tenet me summus amor Parfimoniae, fateor. Placet non in ambitionem cubile compositum, non ex arcula prolata vestis &c.* (f) *Pomp. Atticus*, de quo *Corn. Nepos* in *Vit.* cap. 13. scribit: *Neque vero minus ille vir, bonus paterfamilias habitus est quam civis: nam cum esset pecuniosus, nemo illo minus fuit emax, minus adificator.*

Quid est Modestia?

Est Virtus appetitum & studium honoris moderans. *Objectum* ejus sunt Honores appetendi & fugiendi; siue majores sint, siue mediocres.

Aristo-

(Aristoteles circa Honores duas versari Virtutes docet, Magnanimitatem ac Modestiam; illam circa Honores majores, hanc circa mediocres & minores. Sed Gradus Objecti non variant Speciem. Alii Magnanimitatem Fortitudinis speciem esse malunt, quam illius Virtutis, quæ appetitum honoris moderatur. Ita Cic. III. Tuscul. Necesse est, ait, qui sit fortis, eundem esse magnanimi. Et Cl. Beermannus in I. in Moral. Cap. XV. §. IX. Magnanimitas non solo Honorum, sed generaliori ambitu Virtutum aliarumque metienda est, ac partem Constantiæ constituit &c.)

Quod est Officium Viri Modesti?

Vir Modestus (1) Honores ambit moderate, & eo, quo decet, modo; non per vim, dolum, munera, malas artes, &c. Nec Honorem expetit per se, sed ut testimonium virtutis suæ, & quatenus per eum idoneus redditur ad promovendam proximi salutem dignitates meritis ac virtutibus suis altiores; interdum & honores

nones fugit ac recusat, non ut suae tantum tranquillitati & otio consulat; sed quod animadvertat, se Deo aut Reip. in iis servire vel penitus, vel hoc saltem tempore, non posse.

Quae Vitia opponuntur Modestia?

(1) *Ambitio*, vitium in appetendis & consecrandis honoribus modum excedens; (2) *Nimius honorum contemptus*, cum honores, quibus tamen ab aliis digni judicamur, fugimus ac præfracte aspernamur. Illud vitium est satis obvium; hoc*rarum, idque sæpius ab animo abjecto aut pervicaci proveniens.

(*Quia omnes fere natura honoris & gloriæ sumus cupidi. Referri tamen huc potest *Ephrem Syrus*, Ecclesiæ Edessenæ Diaconus, qui ad Episcopatum electus, primo stultitiam simulavit, dein aufugit: teste Sozomeno.)

Extr.

Exempla Modestiae.

(a) *Moses*, qui cum populo Dei maluit affligi & exul fieri, quam pro filio Pharaonis haberi, & magnis apud Aegyptios honoribus frui. (b) *Christus* Servator, qui fuit humilis corde, Matth. XI, 29; & cum populus eum Regem eligere vellet, fugit in montem ipse solus. Joh. VI. 15. (c) *Pythagoras*, qui noluit appellari σοφός, quod Sapientiae laudem Deo soli relinquendam esse censeret, sed φιλόσοφος nominari maluit. (d) *Julius Agricola*: de quo socero suo Tacitus: *Nec Agricola unquam in suam famam gestis exsultavit; ad auctorem & ducem, minister, fortunam referebat: ita virtute in obsequendo, verecundia in predicando, extra invidiam, nec extra gloriam erat.* in Vit. c. 8. (e) *Fridericus* Sapiens, Elector Saxoniae, qui ultro oblatum Imperium recusavit, & Carolo V. de-
cre-

crevit; præterea oblatam sibi ab Hispanis ob id magnam pecuniæ summam constantissime rejicit. Sleidan. Lib. I. de Stat. Relig. p. 26.

Quid est Fortitudo?

Est Metus ac Fiduciæ moderatrix; five est Virtus, per quam excelsum invictumque arduis in rebus animum gerimus. *Objectum* ejus sunt ea, quæ metum ac fiduciam tum domi, tum militiæ, afferre possunt. Estque adeo duplex; *Togata*, quæ & Domestica, ac *Sagata*, quæ & Bellica appellatur. *Togata* a toga, qua Romani pacis tempore utebantur; (hinc Toga metonymice pro Pacis insigni) *Sagata* a sago, indumento militari, denominatur.

Quid est Fortitudo Togata?

Est Virtus, qua quis magno animo despicit vel moderatur ea, quæ

F

me.

metum & fiduciam afferre possunt in adēundis & perferendis laboribus ac periculis extra militiam, honestatis & publicæ utilitatis gratia. *Obiectum* ejus primarium sunt τὰ φοβερά formidabilia, mala nimirum & pericula, extra bellum intrepide ad-eunda ac ferenda; secundarium τὰ θαρραλέα, sive ea, quæ fiduciam afferunt; ut Divitiæ, Honores, Potentia &c. Quorum blandimentis non capitur vir fortis, memor illius: *Nemo confidat nimium secundis.*

*Quod est Officium Viri in Toga
Fortis?*

Aggreditur is toleratque adversa & pericula varia, domi & extra militiam imminencia, aut jam incumbentia, tanto animi robore, ut nullis minis aut pœnis ab honesto proposito dimoveri possit.* Adeoque in foro, curia, & alibi, ea, quæ sentit, libere

bere dicit, ac sæpe verbis consiliis-
que suis res majores, quam alii armis,
gerit. Cœterum & Mala tam Publica
(qualia sunt bellum, Pestis, Fames,
Inundationes &c.) quam Privata (ut
sunt Exilium, Carcer, Paupertas,
Morbi domesticorum & amicorum
Orbitas,) quando mutare ac impedi-
re non licet, magno fert animo ac
volens sequitur, quoque ipsum di-
vina duxerit providentia. Quin &
Mortem, etiam in pace, pro Rep. aut
asserenda sanguine suo cœlestis do-
ctrinæ veritate, publice aut in lectu-
lo** obeundam, fortiter excipit; non
ut rem omnium terribilissimam,
sed ut transitum ad vitam melio-
rem. Denique nec nimis æstimat
magnas divitias & honores; mul-
to minus his, idque genus aliis
fortunæ blandimentis, intumescit.
Quadrant proinde in illum verba
ista apud Livium: *Is demum vir erit,*

*cujus animum nec prospera fortuna
suo flatu efferet, nec adversa infringet.*
Lib. XLV, c. 8.

(* Secundum illud Horatii Lib. III. Od. 3. Justum
& tenacem propositi virum, Non civium ar-
dor prava jubentium, Non vultus instantiis
tyranni, mente quatit solida &c.

** Seneca Epist. 78. Est Virtuti etiam domi ac in
lectulo locus. Non tantum arma & acies dant
argumenta alacris animi indomitique terrori-
bus. Et in vestimentis virtus apparet.)

*Quæ Vitia opponuntur Fortitu-
dini Togatæ?*

(1) *Audacia* sive *Confidentia* ea,
qua quis extra militiam privatim ac
publice, plus confidit, quam par est,
Cui cognata est *Durities*, quando
nonnulli, sive ex belluino quodam
stupore, sive obstinatione animi, ci-
tra necessitatem & honestatem,
summis se doloribus ac periculis ob-
jiciunt. *æ.* (2) *Timiditas* sive *Molli-
ties animi*; qua quis calamitatibus
ac

ac doloribus, qui ex rectæ rationis dictamine ferri debebant ac poterant, succumbit. *b*

(a Veluti *Celta* olim, nec ruinas parietum, nec ædium incendia fugientes, marisque fluctibus strictis gladiis occurrentes; apud *Ælian. Lib. XII. Var. Histor. c. 23.*

(b Huc αὐτόχειρες referendi, qui morborum ac ærumnarum cædio & quadam animi mollicie, vitæ suæ filum abrumpunt; graviter adversus Jus Naturale ac Civile delinquentes.)

Quid est Fortitudo Sagata sive Bellica?

Est Virtus, qua quis magno animo despicit vel moderatur ea, quæ metum & fiduciam afferre possunt in adeundis ac sustinendis malis atque periculis bellicis, honestatis ac publicæ utilitatis gratia. *Objectum* ejus sunt Pericula & Mors bellica,

F 3 non

non temere sed circumspecte ac fortiter obeunda.

*Quod est Officium Viri in Sago
Fortis?*

Livii verbis, *Facere & Pati fortia*; sive prudenter ac mascule adire ac perferre mala in bello obvenire solita. Adit vero Vir Fortis Pericula bellica non quævis, sed quæ sunt honesta, laudem conciliantia; inque publicum utilia, videlicet ad patriæ, religionis ac libertatis defensionem facientia; neque temere, viribus tantum ac copiis suis confidens, sed cum consilio & ratione ea aggreditur. Non recedit a statione sua, nec facile capessit fugam, nisi hanc plus commodi Reip. afferre cernat, quam mortem. Dein Terribilia quoque constanter perfert; estque, ubi opus, inedia, æstus, alboris, vigiliarum patiens: ac vulnera etiam, captivitatem

tem, imo ipsam mortem, fert fortiter; dulce ad eorum putans, pro patria mori.

(Ex dictis paret, Fortitudinem tum Togatam tum Sagatam dividi posse in Propulsantem ac Tolerantem. Propulsans versatur circa aggredienda fortiter Mala, sive domestica, sive bellica: Tolerans versatur circa eadem mala utraque fortiter sustinenda; estque hæc nihil aliud quam Patientia.)

Quæ Vitia opponuntur Fortitudini Sagatæ?

Audacia itidem & *Timiditas*. Audacia hic loci est vitium in pericula bellica temere se conjiciens; Timiditas, vitium pericula bellica fugiens. Illa Virtuti est similior; indeque Fortitudinis simia vocari solet.

Exempla Fortitudinis Togatæ & Patientiæ?

(a) Cicero, qui Catilinæ furoribus non solum mascule se opposuit, sed & propterea a Clodio hujusque so-

ciis in Exilium pulsus, omnes inde manantes novercantis fortune injurias fortiter sustinuit. Hinc Plinio dicitur *primus in Toga triumphum linguaue lauream meritus: imò omnibus triumphis lauream adeptus majorem*, Lib. XII. Hist. Nat. c. 30. (b) *Cato*, qui quater & quadragesies in foro causam dixit adversus iniquas criminationes, & semper absolutus est. (c) *Socrates, Phocion, Seneca* & alii, qui Mala publica & privata eodem vultu pertulerunt. Inprimis vero heroicæ Patientiæ Exempla huc pertinent; *Hiobi, Davidis, Danielis*, hujusque *sociorum* in fornacem conjectorum, *Fratrum Maccabeorum*; ipsius *Christi, Apostolorum*, præsertim, *Pauli, Stephani, Laurentii*, aliorumque SS. Martyrum.

Exem.

Exempla Fortitudinis Sagata.

Ex sacris *Josua*, *David*, *Judas Maccabeus*; e civilibus historiis *Alexander M.* de quo vid. *Curtius*; *Jul. Cesar*, de quo consulantur ipsius *Commentarii*, & *Orat. Cic. pro M. Marcello*; *Pompejus*, de quo vid. *Orat. Cic. pro L. Manil.* item *Miltiades*, *Themestocles*, *Epaminondas*, *Hannibal* & alii apud *Corn. Nepotem*. E juniore historia, *Carolus M.* *Otto M.* *Rudolphus I.* *Carolus V.* *Gustavus Adolphus* & *Carolus Gustavus* Reges *Sveciæ*, *Friedericus Wilhelmus* *Elect. Brandenburg.* aliique plures.

(Fortitudo Sagata sive Bellica tum Nos ipsos, tum alios homines respicit; imo est Politica magis, quam Ethica virtus, & ad perniciem clademque hominum & plurimum comparata. Sique Concordia ut Justitia ubique (inter Christianos saltem) obtinerent, possemus Virtute hac omnino supersedere.)

*Quanam Fortitudo videtur
præstantior, Togata an
Sagata?*

Respondeo verbis Poëtæ: *Fortior
est, qui se, quam qui vastissima vincit
mænia. Atque istis Tullii: Cedant
arma togæ; concedat laurea lingua!*
Conf. Lib. I. Offic. c. 22.

*Quo Præcepto continentur Of-
ficia aliis hominibus debita?*

Hoc: *Vive erga alios juste ac so-
cialiter.*

Quid est Iustitia?

Est Virtus suum cuique tribuens,
& quod jus exigit, præstans. Hinc
& JCris dicitur constans & perpetua
voluntas suum cuique tribuendi.

Quotuplex est Iustitia!

Universalis & Particularis.

Quid

Quid est Justitia Universalis?

Est virtutum complexus, suum cuique tribuens, non tantum in distribuendo, commutando, aliisque actionibus stricto jure debitis, sed & in cæteris omnibus officii nostri (erga proximum) partibus, lege saltem Charitatis Humanitatisque debitis.

(Dicitur etiam Obedientia omnibus legibus præstita; sive totius Vitæ integritas & innocentia, legibus conformis. Quam qui pro viribus sectatur, vir inter homines (nam coram Deo nemo est innocens) integer, justus & innocens audit.)

Quodnam ejus est Oppositum?

Injustitia universalis, vitiorum complexus, suum cuique, quod ex lege tum Justitiæ cum Charitatis debebatur, denegans.

(Dicitur & Inobedientia contra leges; nec pars tantum malitiæ, sed tota malitia.)

Quid est Justitia Particularis?

Est Virtus suum cuique speciatim

F 6 in

in distribuendo & commutando tribuens; sive, quæ *Æqualitatem* servat in rerum distributione & commutatione stricto jure* debita. *Objectum* ejus sunt bona externa, prout respectu aliorum considerantur; pecuniæ imprimis & res in commercium venientes. Vulgo dividitur in Distributivam & Commutativam.

(* Stricto (sive perfecto) jure debetur, quod per vim, (in statu naturali) aut intentata in foro actione, (in statu civili) exigere alter potest, e. g. Rei ablatae restitutionem. Non stricto (sive imperfecto) jure debentur, quæ alter per vim, aut intentata in foro actione, exigere non potest. e. g. Consilium, Beneficium, & alia humanitatis officia. Hanc distinctionem nonnulli sic efferunt: Deberi alia aliis ex lege Justitiæ, alia ex lege Charitatis.)

Quid est Justitia Distributiva?

Quæ in rebus distribuendis suum cuique tribuit, æqualitatem ut plurimum* comparatam servans; e. g. in societate negotiatoria, ubi inæquales

quales conferuntur pecuniæ, ibi sane in lucro & damno partes quoque pro rata fieri debent.

(* Dico, Æqualitatem ut plurimum Comparatam; nam Æqualia interdum conferunt socii, & tunc Æqualitas simplex in distributione erit observanda. — Peripatetici & alii huc etiam referunt præmiorum & Onerum publicorum distributionem. Sed hæc (uti & Poenarum irrogatio) ad justitiam Rectorem Prudentiamque Politicam pertinet. Nos in Ethicis Justitiam consideramus, quatenus decet Virum bonum in se spectatum, extra Magistratus aut Judicis dignitatem constitutum.)

Quid est Justitia Commutativa?

Quæ in Contractibus & rebus commutandis suum cuique tribuit, simplicem æqualitatem servans. Contractus hic intelliguntur Bilaterales, qui fiunt inter utramque contrahentium partem volentem, ut sunt Emtio-Venditio, Locatio-Conductio &c.

Quod est Officium Viri Iusti?

Vt omne illud præstet ac tribuat proximo suo, quod vel imperfecto vel perfecto sive stricto jure ipsi debetur; ac speciatim in rebus tum distribuendis tum commutandis, emendis, vendendis, depositis vel mutuo acceptis reddendis, pactis & promissis servandis, ita se gerat, ut neminem ulla ratione defraudet, & alios quoque ab injustitia pro virili revocet; neque res alienas, vel vi vel dolo malo, clam aut aperte, ad se pertrahat, sicque ab omni furto, rapina, contumelia & damno aliis danda abstineat, & injuriam potius patiatur, quam alteri inferat.

Quodnam est Oppositum Justitiae Particularis?

Injustitia particularis, vitium in distribuendis & commutandis rebus æqualitatem violans.

Exem-

Exempla Justitia Universalis?

Huc pertinent ii, qui in Sacris dicuntur *Justi*, & mandata Dei custodientes, ut *Abraham, Josua, David*; inprimis *Zacharias & Elisabeth*, Luc. I. 6. E civilibus historiis *Socrates*, qui privatim ac publice erga cunctos ex legum præscripto se gessit, teste *Xenophonte*. *Aristides*, vocatus *Iustus*, quia nihil in vita ejus reprehendi poterat; testibus *Plutarcho & Corn. Nepote* in *Vit. Phocion*, qui ex integritate vitæ cognomen *Boni* accepit. *Prisci Romani*, de quibus *Sallustius* in *Catil. c. 9. Jus bonumque apud eos non legibus magis quam natura valebat*,

Exempla Justitia Particularis?

Iterum *Abraham* agens cum *Ephrone*, & quærens conjugii suæ mortuæ sepulturam, *Genes. XXIII.*

13. 16. *Jacob*, justitiam ac fidem suam profitens, & de Labani soceri injustitia conquerens; Genes. XXXI. 6. 7. item v. 37. 38. & seqq. *Joseph* Ægyptiis fame pressis frumenta primum justo argenti precio, dein legitima armentorum & agrorum permutatione vendens, Genes. XLVII. 14. & seqq. *Tobias*, II. 21. *Hermes* Ægyptius, qui nunquam non justum pretium pro merce solvit, ac sæpe plus dedit, quam postulatum erat, si venditor visus est bonitatem mercis non satis expendisse. *Q. Scævola*, qui cum postulasset, ut sibi fundus, cuius emtor erat, semel indicaretur, idque venditor fecisset, dixit, se pluris aestimare; addiditque centum milia. Cic. III. Offic. c. 15.

Quid est Veracitas?

Est Virtus, qua, quod animo sentimus, ore, gestu factisque profite-
mur,

mur. *Objectum* ejus est Verum, de se, aliisque personis & rebus, tum in communi conversatione, tum in foro ac judicio, in servandis promissis, contractibus, perhibendis testimoniis ac juramentis, ore, gestu & factis exprimendum.

(Quoniam Vera dicimus nunc in conversatione quotidiana, nunc in foro & judicio, restitutionis dandis &c. hinc Veracitas a nonnullis dividitur in Homileticam & Justitiam. Vid. præter alios Henr. Uffelmannus Lib. de Jure, quo Homo homini in sermone obligatur, Cap. IV. n. 7. De Homiletica potissimum in Opere Nicomachio agit Aristoteles, qui eadem, præter Jactantiam, opponit Dissimulationem; cum ramen Dissimulatio sæpe prudentiam laudemque involvat. Notum est Symbolum Friderici Enobarbi & Sigismundi Imperatorum: Nescit regnare, qui nescit dissimulare. Atque ipse Aristoteles inter characteres Viri sui Magnanimi numerat, quod debeat esse Dissimulator.)

Quod est Officium Viri Veracis?

Vir verax in sermonibus vel voce
vel

vel scripto prolatiæ omnem iactantiam : vanitatem & mendacia, quam maxime detestatur ; atque hæc ipsa neque excogitat & spargit, neque ab aliis excogitata & prolata latius diffeminat : ex adverso autem res, quæ dicendæ sunt, & quas salva conscientia ac prudentia dicere potest ac tenetur, privatim & publice, præsertim in iudicio, prout sunt, vel sicut gestas illas novit, coram iis, qui verum ex ipso intelligendi ius habent, fideliter enunciat ; præterea in iuramentis, testimoniis perhibendis, servandis promissis, contractibus & pactis conventis, veritati ac fidei summo opere studet, gloriæ divinæ illustrandæ ac iustitiæ promovendæ caussa.

Quodnam Vitium hic fugiendum ?

Amentiente libido ; qua vel ex vana

na jactantia, vel dolo malo & desti-
nata animi malitia, coram aliis, qui
jus habent verum ex nobis cogno-
scendi, diversa ab animi nostri sen-
tentia notitiaque proferre solemus,
eo fine, ut ipsis noceamus atque il-
ludamus. *Actus* vitii hujus sunt
Mendacia injuriosa ac perniciofa,*
v.g. fidei in contractibus violatio,
calumniæ, falsa testimonia, perju-
ria &c.

(* Atque adeo hic discrimen inter Mendacium
Perniciosum seu proprie dictum, & Falſilo-
quium inculpatum, probe notandum: ad
quod posterius Mendacia Jocosæ & officiosa,
a Scholasticis sic dicta, referri solent. Vid.
H. Grot. de J. B. & P. Lib. III. cap. I. §. XI.
& seqq. Pufendorf. de J. N. & G. Lib. IV. cap. I.
§. 8. & 9, B. Dürr. Instit. Eth. Part. III. Sect. II.
Cap. IX. & Problem. LXXIII.)

Exempla Veracitatis?

Ipse *Christus*, Via, Veritas & Vita,
Joh. XIV. 6. & coram Pilato testans
veritatem, Joh. XIX. 37. *David*
Psalm.

Pſalm. CXIX. 163. *Antiqui Perſæ, qui in mendacio ter deprehenſo ſilentium perpetuum imponebant, & ab omnibus Politicis ac honeſtis negotiis talem repudiabant. Achilles, qui, perhibente Homero, ut inferni portas deteſtatus eſt mendacium. Xenocrates, de quo Diog. Laërtius, Lib. IV. Tanta, inquit, illius verbis fides habebatur, ut, cum injurati nullius teſtimonium admitteretur, huic ſoli remiſerint Athenienſes juſjurandum, Epaminondas & Atticus; quorum ille ne joco quidem falſum loquebatur; hic mendacium neque dixit, neque audire potuit, eo nomine vel maxime ab amicis cultus. Romani veteres, qui falſum dicentes teſtimonium e ſaxo Tarpejo ejiciebant. Vid. Gellius Lib. XX. c. 1.*

(Sub Veracitate etiam communiter comprehenduntur Taciturnitas & Urbanitas. Urbanitas vero circa ludos & jocos verſans, an cum ceteris virtutibus paria faciat, non pauci ex ipſis etiam Philoſophis & Theologis dubi-

dubitant, B. Gerhardus in Schola Pietatis illam præterit; & Ambrosius Lib. I. Offic. cap. 23. istam ab Ecclesia vult remotam. Atque ea certe non cuivis homini, nec nisi tempore rariore, convenit. Nos infra, acturi de Decero, quædam de illa proferemus.)

Quid est Taciturnitas?

Est Virtus, quæ frenat linguam, ac docet tacere id, quod tacendum est. *Objectum* ejus est sermo opportune premendus, ac intra rectæ rationis limites cohibendus.

Quod est Officium Viri Taciturni?

Tacere, cum est tacendum. Adeoque arcana sibi concredita, atque alia id genus silenda, quorum nempe occultatio non adversatur gloriæ divinæ, justitiæ, proximique salutis, item illa, quæ rixas & lites parere, quæ contemtum & infamiam sibi & aliis conciliare possent, quæque im-

pia

pia, blasphema & indecora sunt, quorum denique nondum certam satis consecutus est notitiam, prudenter premit silentio: nec effutit temere, quicquid in buccam venit; sed necessaria tantum, utilia ac tempestiva loquitur, h. e. quæ personis, loco ac tempori sunt accomodata; & semper, quantum rei quidem & auditorum fert ratio, sermonis brevitati studet.

(A nonnullis triplex commendatur Silentium:

- (1) Modestiz, quando tacemus, cum loqui non convenit vel ob ætatem, vel sexum, vel ob reverentiam erga eos, qui loquuntur.
 (2) Prudentiz, quando tacemus, invidiz, inimicitiz, aut alterius periculi declinandæ causa. (3) Necessitatis, quando arcana reticemus, & sermonem inhibemus propter gloriam Dei, bonum publicum & datam silentii fidem.)

Qua Vitia opponuntur Taciturnitati?

- (1) *Garrulitas*, vitium, quo quis secreta effutit, aut inutilia & intempesti-

peſtivaloquitur. (2) *Nimium* & in-
tempeſtivum *Silentium*, quo tace-
mus, cum honeſte, utiliter ac decore
loqui poſſimus ac debeamus.

Exempla Taciturnitatis.

David, Pfalm. XXXIX. 1. 2. 10. *Abigail*, 1. Sam. XXV. 36. *Judith*, ſu-
um celans conſilium, donec caput
Holofernſis abſciſſum Bethuliam re-
portaffet; Lib. Judith. IIX. 33. *Soſia*
ille Terentianus, in quo herus ſem-
per intellexit ſitas fidem & taciturni-
tatem; Adr. Aët. I. Sc. I. *Arcopagi-
ta*, a quibus ortum adagium: *Areo-
pagita taciturnior*; quod arcana il-
li diligentiffime continerent. *Papy-
rius* prætextatus, qui quam argute
matrem ſecreta Senatus expiſcan-
tem deluſerit, legi poteſt apud Gelli-
um Lib. I. N. A. c. 23. *Carolus V.* qui
arcana ſua conſilia tam ſancta celavit
fide, ut nec vultu nec ore unquam
prodi-

prodiderit. Quo nomine etiam *Gustavus Adolphus* Rex Sveciæ, hodiernus Gallorum Rex *Ludovicus XIV.* alique commendandi.

Quid est Gratitude?

Est Virtus, qua præstita nobis beneficia agnoscimus, prædicamus, ac pro virili rependimus. *Objectum* ejus sunt accepta Beneficia, & Signa voluntatis ac facti, quibus beneficiorum memoria declaratur.

(Referri potest, certo respectu, Virtus hæc ad Veracitatem & Justitiam, Per illam agnoscimus beneficia, eaque nullo modo diffinimus; per hanc id, quod accepimus, compensare nitimur.)

Quod est officium hominis Grati?

Homo gratus benefacta sibi ab aliis hominibus, speciatim Parentibus, Dominis, Patronis & Amicis, benevole exhibita, grato agnoscit animo,

mo, eaque iusto loco, tempore, modoque debito prædicat; nec verbis tantum & sincero affectu pro illis gratias Evergetis suis agit: habetque sed & opere & facto, si adsit facultas eadem rependere, gratiamque omni officio ac studio referre annititur: si vero referendi facultas desit, Deum rogat, ut beneficia sibi præstita benefactoribus tum in hac, tum in futura vita cumulate compense.

Quodnam Vitium opponitur

Gratitudini?

Ingratitudo Gr. Ἀχαρισία, quando accepta beneficia non agnoscimus, nec prædicamus, nec referimus. Est vitium hoc turpissimum, nec hominū ingrato tantum, sed & aliis miseris, quam maxime nocens.

(Nimīa gratitudo vel non datur facile; vel si datur, non est adeo vituperanda: dum Cicero nos in referenda gratia imitari vult agros fertiles, plus multo afferentes, quam accipiunt;

G

runt;

tunc ; & Hesiodus majore mensura , si modo possis , reddere jubet.)

Exempla Gratitude.

Tobias senior ac junior, gratum testati animum erga fidum in itinere comitem; Tob. XII. 1. 2. seqq. *Paulus* gratus erga Philippenses, Philipp. IV. 15. & seqq. erga Onesiphorum hujusque familiam, 2. Timoth. I. 16. seqq. *Alexander M.* erga Præceptorem Aristotelem, dum non tantum regie illum remuneravit, collatis ipsi in solam animalium historiam talentis octoginta, sed & plus Philosopho huic, quam patri Philippo, se debere professus est. *Diogenes*, qui, cum pecuniam ab amico Carisio acceptam refundere non posset, bene ipsi precatus est his verbis: *Dii qui per a facta vident, dent tibi longe meliora & præstantiora, quam fuerunt, quæ in me collata sunt!* Exempla -

rum nubem eorum, qui grati fuerunt in Patriam, Parentes & alios, exhibebit Valerius Max. Lib. V. cap. 2. 4. & 6.

(Nunc sequuntur Virtutes, docentes præstare ea, quæ aliis ex lege Charitatis debentur.)

Quid est Liberalitas?

Est Virtus, qua opes atque operas nostras cum aliis benigne, ut oportet, communicamus. *Objectum* ejus sunt non tantum Pecuniæ, sed res omnes, quarum pretium numo æstimari solet; quo etiam referenda sunt Bona animi cum aliis benigne communicanda, ut Consilium, Informatio &c.

Quod est Officium Viri Liberalis?

Cum, secundum Poëtam, res sit ingeniosa dare, multaue habeat cautiones; Vir liberalis diligentem

gerit curam observandarum circumstantiarum, *Persona*, tum accipientis tum dantis; item *Quantitatis*, *Qualitatis*, *Temporis*, *Loci* & *Finis*. Dat proinde dignis, ac præcipue domesticis fidei, quandoque etiam extraneis ac indignis, ut hominibus & egenis; dat, quantum indigentia accipientis efflagitat, & ratio facultatum suarum permittit; dat cum iudicio animoque hilari; dat cito ac in tempore; non ad ostentationem laudemque propriam, aut lucrum, sed ad illustrandam Dei gloriam, & promovendam proximi salutem.

Quæ Vitia Liberalitati opponuntur?

(1) *Prodigientia* seu Prodigalitas, vitium, quo pecunias & beneficia nostra projicimus magis quam damus, nullo habito selectu aut ratione circumstantiarum modo dictarum,

num. (2) *Illiberaliter*, Gr. Ἀνελευ-
 θερία, vitium proprie consistens in
 nihil aut parum dando, seu commo-
 dando aliis de bonis nostris.

Gradus eminens Liberalitatis vo-
 catur *Magnificencia*, virtus in ma-
 gnis sumtibus & largitionibus occu-
 pata, sed nisi magnæ ejusmodi largi-
 tiones fiant in res honestas & utiles,
 v. g. in veræ religionis & bonarum
 artium incrementa, in pauperum
 subsidium & similia, vituperium po-
 tius quam laudem merentur.

Exempla Liberalitatis.

Hiob, de se testans, quod pater fue-
 rit pauperum; cap. XXIX. 16. *Cor-
 nelius*, centurio religiosus, multas-
 que plebi eleemosynas erogans,
 Act. X. 2. *Ptolemaus Philadelphus*, &
Ptolemaus, filius, Reges Ægyptiorum,
 quorum ille summa cum volupta-
 te amicos suos ditavit; hic vero
 G 3 adeo

adeo beneficus fuit in omnes, ut *Evergeta* inde sit cognominatus. *Cimon* Atheniensis, de quo vid. Corn. Nepos. cap. IV. n. 1. 2. *Gillias* Agrigentinus, de quo consulatur Valerius Max. Lib. IV. cap. 8. ubi plura Exempla huc pertinentia reperiuntur. *Magnificentia* laudem sibi acquisiverunt *Salomo*, qui templum exstruit magnificentissimum; *Augustus*, qui Romam accepit lateritiam, marmoream reliquit. *Constantinus*, *Carolus*, *Otto*, cognomen *Magni* promeriti, non minus sacrarum impensarum, quam bellicorum facinorum splendore.

Quid est Hospitalitas?

Est Virtus in hospitibus excipendis, tractandis & dimittendis, modum ac decorum observans. *Objectum* ejus sunt Hospites rite excipienda, tractandi ac dimittendi.

Quod

Quod est Officium Viri Hospitalis?

Vir hospitalis, peregrinos & hospites, notos ac ignotos, maxime tamen cognatos & fidei suæ confor-tes, pia benevolentia omnibusque hospitalibus officiis complectitur; eos nimirum reverenter & hilariter in ædes suas recipiendo, ratione cibi, potus, aliorumque commoditatum, comiter ac liberaliter, prout facultates suæ ferunt, tractando, denique, quando velint, amice & benigne eos dimittendo.

Hospitis vero, sive ejus, qui hospitio excipitur, officia sunt (1) Venire in tempore; (2) Esse moderatum, non garrulum, non curiosum. (3) Boni consulere, quæ exhibita fuerint (4) Fugere voracitatem, ebrietatem, aliosque mores rusticos & ineptos. (5) Mature discedere. Etenim *post tres saepe dies vilescit piscis & hospes.*

*Quanam sunt Hospitalitatis
Opposita?*

Πολυξενία & Αξενία. Illa est viti-
um in recipiendis & tractandis ho-
spitibus modum excedens; quando
nimio Hospitalitatis studio limites
excedimus Honestatis, Frugalitatis
& Prudentiæ. * Hac (Inhospitalitas)
est, quando advenæ hospitio prohi-
bentur; vel admissi male tractantur
aut trucidantur. **

* Vid. Siracid. XI. 31. & Quæst. Ber-
neggeri CXXV. in Germ. Tacit.

** Ita peccarunt Sodomita, Genes. XIX.
4. & seqq. Aegyptii, Sap. XIX. 12. 13.
Taurici, qui hospites Dianæ immo-
larunt.

Exempla Hospitalitatis,
Abraham, Genes. XVIII. & seqq.
Martha & Maria, Luc. X. 38. Lydia,
Act. XVI. 15. Christiani veteres,
quorum multi voverunt domum
suam

suam esse hospitalem omnibus sanctis advenientibus; quæ sunt verba Augustini in Psalm. 75. Prisci Germani, majores nostri; de quibus Tacitus in Germ. c. 21. Convictibus & hospitibus non aliæ gens fusus indulget. Quemcunque mortalium arcere recto, nefas habetur &c. Add. Jul. Cæsar. Lib. VI. 1. de B. G. c. 23. Cydon Corinthius, adeo fuit hospitalis, ut proverbio locum fecerit: Semper aliquis in Cydonis domo. De Cimonis Atheniensis hospitalitate vid. Cic. 11. Off. c. 18. & Corn. Nep. in Vit. c. 4.

Quid est Humanitas?

Est Virtus, per quam homo in compellendo & audiendo facilem & affabilem se præbet, cumque aliis placide & sine offensione conversatur. Objectum ejus sunt Dicta & Facta, quibus in conversatione aliis placere ac displicere possumus.

G 5

Quod

*Quod est Officium Viri Hu-
mani?*

Vir humanus erga notos & igno-
tos, in congressibus, colloquiis & a-
liis vitæ actionibus, suavem, amabi-
lem & accessu facilem se præbet,
vultum non austerum, sed serenum
ac permixta gravitate comem exhi-
bet; libenter alios salutatur, & cuilibet
pro sua ætate, statu, dignitate, decen-
tem tribuit honorem & amorem;
moribus agrestibus nemini est mo-
lestus, nec voce contentiosa perti-
naciter sua defendit, sed aliis, ubi
honeste licet, cedit facile: si vero vi-
deat eorum, quibuscum conversa-
tur, dicta aut facta in Deum vel bo-
nos mores peccare, comiter illos
monet, imò reprehendit; sic tamen,
ut reprehensionis asperitatem, ver-
borum lenitate emolliat.

Qua-

*Quæ Vitia Virtuti huic oppo-
nuntur ?*

(1) *Affentatio*, vitium, quo præter modum ac rationem honestatis, in omnibus dictis et factis nostris placere studemus iis, quibuscum versamur: quod qui faciunt spe offæ aut lucelli, dicuntur κόλακες, parafiti, gnathones. (2) *Inhumanitas* five Morositas, cum aditu difficiles, vultu tetrici, voce contentiosi, nihil pensi habemus, ut in conversando simus jucundi.

Exempla Humanitatis.

Salvator noster φιλόανθρωπος, Psal. XLV. 3. Eccl. XLII. 2. seqq. *Jonathan*, qui a Davide amabilis & decorus valde in vita sua dicitur, 2. Sam. I. 23. *Titius Vespasianus*, qui neminem a vultu tristem discedere passus, & ob summam humanitatem, *Amor ac*

delicia generis humani appellatus est. Atticus, de quo Corn. Nepos in Vit. Ejus comitas, inquit, non sine severitate erat, neque gravitas sine facilitate: ut difficile esset intellectu, utrum cum amici magis vererentur, quam amarent. cap. 15. De Agricola socero suo Tacitus: Nec illi, quod est rarissimum, aut facilitas auctoritatem, aut severitas amorem diminuit. Vit. cap. 9. Quo etiam elogio magnat Bilibaldum Pirckheimerum Ritterhusius in Vita p. 15.

Quid est Mansuetudo?

Est Virtus, quæ iram moderatur. *Objectum* ejus Ira, & omnia, quæ iram excitare solent, ut injuriæ, damna, offensiones, contemptus nostri nostrorumque &c.

Quodnam est Officium Viri Mansueti?

Iram convenienter & adductiore freno

freno moderari, ne peccet; & in furorem ultionemve illicitam erumpat. Vir itaque mansuetus non irascitur Deo, non magistratui, parentibus, doctoribus, suum facientibus officium & vitia reprehendentibus; sed illorum præcepta patienter capessit: nec irascitur temere ac leves causas, nec justo diutius, & ut solem patiatur occidere super iram suam; nec tam improbis hominibus ipsis, quam horum vitiis, ita ut illos potius dextre informet, placideque corripiat. Denique iram aut indignationem, juste licet conceptam, facile remittit ac deponit, præsertim si alterum delicti poeniteat, & culpam is deprecetur.

Quodnam Vitium Mansuetudini opponitur?

Iracundia, cum iræ plus, quam par est, indulgemus; unde odia, injuriæ, homicidia, & malorum lerna.

(In defectu Mansuetudini ab Aristotele etiam opponitur *ἀργησία*, Ira Vacuitas. Sed an hæc vitium sit, dubitant cordatiores. Quo enim longius ira abest ab actionibus & consiliis nostris, eo melius ista conficiuntur. Impedit ira animum, ne possit cernere verum. Add. Senec. Lib. I. de Ira c. ult. Ac Cicero optat, utique Reip. præsum, legum similes sint, quæ ad puniendum non ira, sed æquitate ducuntur. l. Offic. c. 25. versus fin.)

Exempla Mansuetudinis?

Moses, qui vir mitissimus prædicatur super omnes homines in terra; Num. XII. 3. *David*, maledicta & lapides Simei miti excipiens animo, 2. Sam. XVI. 10 *Christus*, qui mansuetus & humilis corde dicitur, Matth. XI. 19. *Cyrus* & *Agessilaus*, quorum tanta mansuetudo & clementia prædicatur a Xenephonte & aliis, ut in summo imperio non modo nihil sævum & crudele fecerint, sed etiam ne verbum quidem asperius protulerint. *Pericles*, qui cum lychno domum deduci eum iussit, a quo per totum

torum diem in foro convitiis profusus erat. *Socratis* etiam & *Phocionis* mansuetudo in vulgus nota. E *Cæsaribus* heic laudandi *Augustus* *M. Antoninus* Philosophus; ex *Austriacis* plerique omnes in primis *divi Ferdinandi* tres, & *Leopoldus* noster augustissimus.

Quid est Misericordia?

Est Virtus, qua fortunam aliorum adversam, lugemus, eamque benevolentia & ope nostra, quantum possumus, relevamus. *Objectum* ejus sunt Mala aliorum graviora & fortuna adversa, eaque benevolentia nostra ac ope vel arcenda vel sublevanda.

Quod est Officium Viri Misericordis?

Vir misericors hominum miserrorum ac pauperum h. e. in afflictione.

one, morbo, exilio, errore gravi aut egestate constitutorum, conditione & calamitate facile commovetur, eorum sortem adversam luget, eandemque consilio & auxilio suo arce-re vel sublevare saltem annititur; adeoque pia consolatione et opera afflictos erigit, oppressorum causam tuetur; iis, quibus jure nocere posset, parcit; ægrotis; mutilis, senio confectis, exulibus, aliisque miseris & egenis, pro virili, facultatibus suis, vestibus aut medicamentis succurrit, errantes in viam reducit: vel, si hæc ipse fortassis efficere non potest, apud alios pro illis intercedit, & iis, quocunque modo potest, opitulatur.

(Numeratur Misericordia a quibusdam inter Affectus. Sed nobis hic non est tam affectus, quam miserationis effectus, & habitus educatione & usu confirmatus, quo, ad præscriptum rectæ rationis, præstamus id, quod Misericordia præstare jubet. Cicero pro Ligario: Nulla de Virtutibus admirabilior nec gratior Misericordia. Homines enim ad Deos, nulla re propius accedunt, quam salu-

tem

tem hominibus dando. Nihil habet Fortuna magis, quam ut possis, nihil habet Natura melius, quam ut velis servare.)

Quæ sunt Opposita?

(1) *Immisericordia*, vitium, quo alienis malis non tristamur, neque commovemur ad juvandum; quod fit, cum vis vel non parcit, ubi parcendum esset, sed acerbius in alterum consuluit; vel, cum alterum afflictum videt, ei non succurrit. (2) *Nimia Mollities*, quando miseremur ac parcimus, ubi non est opus.*

(* Id quod sæpe tam publice quam privatim est noxium. Notum illud Catonis: Ista vobis mansuetudo & misericordia, si illi arma ceperint, in miseriam vertes! Sallust. Bell. Catil. c. 52.

Exempla Misericordia.

Christus, ac DEUS ejusdem *Pater*, Luc. VI. 36. Marc. IIX. 2. *Pharaonis filia*, miserta Mosis pusionis Exod. II. 6. seqq. *Samaritanus* ille Luc. X. 33. seqq.

seqq. *Dido*, cujus effatum est apud Virgilium I. *Aeneid.* *Non ignara mala miseris succurrere disco.* *Cyrus*, Croesi jam rogo impositi suamque infelicitatem deplorantis, misertus. *Aristoteles*, qui cum reprehenderetur, quod homini nequam eleemosynam dedisset; respondit: Non mores, sed hominem miseratus sum.

Quid est Amicitia?

Est Virtus * consistens in reciproca & efficaci hominum duorum vel paucorum benevolentia, ex mutuo consensu ac virtutis similitudine ** orta & confirmata, ad honesta quavis officia rectius ac facilius obeunda, consilia item & auxilia in rebus secundis et adversis fideliter praestanda. *Objectum*, sunt viri boni, iique pauci, ac horum bona & commoda promptis officiis, consiliis & auxiliis, mutuo procuranda.

(*Henr.

(* Henr. Morus in Enchir. Ethico Lib. II, c. 8 §. 14. scribit: Vera amicitia nihil sanctius est, nihil divinius, qua & ipsa Virtus est, (non minus quam Humanitas vel Hospitalitas) solusque inter eos reperitur, qui reliquis virtutibus sunt præditi. Et B. Gerhardus in Schola Pieratis Lib. IV. c. 17. eam inter Virtutes ex Charitate profluentes numerat.

(* Intelligimus itaque hic Amicitiam Veram & Honestam, quæ est inter viros bonos ac virtute similes.)

Quod est Officium Veri Amici?

Amicus verus non impiorum congressus, non prava sectatur sodalitia, sed paucorum bonorum, quorum mores ac fidem prudenter prius exploraverat, familiaritate delectatur, eamque blanda voluntatis consensione, perseverante amoris fervore, dulci morum suavitate, in regendis secretis taciturnitate, fide, candore, ac prompta officiorum vicissitudine, alit, conservat; amico-
rum

rum dicta & facta meliorem in partem interpretatur, lætis in rebus cum iis lætatur, in adversis tristatur; in his illos non deserit, sed omni opera ac studio juvat, peccantes corrigit, nec amicitiae vinculum dissolvit, nisi alter a virtute ad insanabilem improbitatem desciverit.

Qua sunt Amicitia Opposita?

Ἀφιλία, *Inimicitia*; & Πολυφιλία, qua labōrassē dicitur Scipio Africanus, qui non facile a foro discessit, quam amicum sibi comparasset. Notandum hic istud sapientum monitum: *Nec sis multorum, nec sis nullius amicus!*

Exempla Vera Amicitia?

Jonathan & David; Gregorius Nazianzenus & Basilus; Pylades & Orestes; Alexander & Hephæstion; Æneas & Achates apud Virgilium;
Damon

Damon & Pythias, Scipio & Lælius, Cicero & Pomponius Atticus. Vid. Cic. Epistolæ ad Attic. & Lib. III Offic. c. 10. Idem passim in Lælio seu Lib. de Amicitia; Valerius Max. Lib. IV. c. 7. aliique.

Amicitia sive filia sive adjunctum est *Concordia*, per quam homo tranquille & concorditer cum aliis vivere promptus est. Huic inprimis dent operam *Conjuges*, qui uti sunt una caro, ita sint anima una; item *Fratres ac Sorores; Cognati & Affines; Vicini, Amici, Collegæ; Imperantes* etiam ac *parentes*, ipsique *Cives* inter se: est enim *Concordia* maximum civitatis ornamentum atque præsidium. Opponitur *Concordiæ Discordia*, ac turpis etiam inter malos *Concordia*, quales e.g. est inter latrones.

(Hætenus de Virtutum Natura & Officiis:
 nunc, quia Virtutis laus omnis in actione
 consistit, dispiciendum, quomodo actiones
 vitæ dirigi, suisque temporibus dispensari o-
 porteat. Quod ipsum Prudentiæ negotium
 est. Unde hæc Virtutum moderatrix, & a
 Cic. Lib. V. de Fin. Ars vitæ appellatur.)

Quid est Prudentia?

Est Virtutum quasi anima & re-
 etrix, quæ bona a malis, utilia a no-
 xiis discernit, expetenda & fugienda
 præscribit, totamque vitam mode-
 ratur. Vel secundum nonnullos, bre-
 vius: Est habitus agendi ea, quæ ho-
 mini bona sunt ac salutaria. *Obje-
 ctum* ejus sunt τὰ πρακτὰ, h. e. om-
 nia ea, quæ homini ad bene & cir-
 cumspecte agendum & vivendum
 sunt necessaria.

Quod est Officium Prudentiæ?

Officium Prudentiæ in eo con-
 sistit, ut quis possit sibi & aliis bene ac
 utiliter in rebus agendi prospicere
 atque

atque consulere. Hoc ut rite præstet Vir Prudens, debet (1) Universalia Vitæ recte instituendæ præcepta, atque adeo verum vitæ finem, nosse. (2) Vero fine cognito & constituto, media recta, ad illum consequendum utilia, reperire ac dirigere. (3) In agendo, circumstantiis Personæ, Objecti, Finis, Modi, Temporis & Loci se accommodare. (4) Inter duo plurave bona aut mala delectum recte instituere. (5) Præterita recordari, præsentia ordinare, futura prævidere. (6) Consilia salutaria invenire, inventa tegere, atque, ubi opus, celeriter exequi.

Quæ sunt Media ad comparandam Prudentiam necessaria?

(1) Naturalis ingenii & iudicii perspicacia ac solertia, quæ ea, quæ ad scopum propositum pertinent, acute,

acute cernuntur, & celeriter investigantur. (2) Doctrina, imprimis Studium Ethices, Politices & Historiarum. (3) Peregrinatio & Conversatio cum Viris Prudentibus. (4) Assidua in rebus agendis Exercitatio & Experientia; quæ maximum ad comparandam Prudentiam robur habet.

Quomodo dividi solet Prudentia?

In Privatam & Communem.

Quanam dicitur Prudentia Privata?

Qua quis sibi suisque commodis recte prospicit.

Hæc ad Ethicem proprie pertinet, ac sequentes præscribit regulas: (1) Certum diligere vitæ genus; (2) In eo vitæ genere actiones omnes ad Virtutis normam, ex præscripto legum, componere. (3) Nil temere aggere.

aggredi; nec subire onus, cui non sis ferendo. (4) Res, earumque pretia probe perpendere. (5) Tempus & occasionem captare. (6) Non temere credere, nec cuivis fidere. (4) Alienis negotiis haud facile se immiscere. (8) Cautè, ubi opus, simulare ac dissimulare &c.

Quenam dicitur Prudentia

Communis?

Qua consulimus & prospicimus quæ sunt bona & utilia aliis.

Dividitur hæc in *Oeconomicam*, qua quis familiæ, & *Politicam*, qua quis Reipubl. totique civitati circumspicte consulit & prodest. *Politica* species tres constituuntur: (1) *Legislatoria*, quæ leges condit, formamque gubernandi præscribit. (2) *Consultatrix* sive *Senatoria*, quæ de futuris Reip. negotiis deliberat. (3) *Judiciaria*, quæ de præteritis iudicat.

H

& jus

& jus dicit. His addi potest Prudentia *Militaris*; de qua, & reliquis tribus, agitur in Politica & Jurisprudencia.

Quæ sunt Opposita Prudentiæ?

Privative opponitur *Imprudentia*, qua res aggredimur sine ulla deliberatione, nullisque consideratis circumstantiis. Contrarie opponitur *Calliditas* seu *Versutia*, qua sub specie justæ rectique alios fallimus.

(Notetur hic, quod nemo sit verè prudens, nisi idem sit vir bonus; qui vero bonus non est, & habitu tamen bene agendi præditus videtur, Astutus potius & Callidus dicendus, quam Prudens.)

Exempla Prudentiæ.

Joseph, Pharaoni consulens de futura annonæ ubertate & caritate, Genes. XLI. *Jethro*, Moysis socer, videns difficile hujus regimen, consilio ipsum juvans ac suadens, ut viros pro-

probatae fidei ac pietatis eligat, & ad
hos partem gubernationis devolvat;
Exod. XVIII. Themistocles, qui celeriter,
quæ opus erant, reperiebat; neque minus
in rebus gerendis quam excogitandis
promptus. *Corn. Nep. Vit. c. I. Cato major*, prudentia
Oeconomica, circa educationem liberorum
& rei familiaris curam, excellens. *Moses*
Israëuitarum, *Solon Atheniensium*,
Lycurgus Lacedæmoniorum legislatores.
Salomo prudenter judicans ex amoris affectu
de genuina pusionis dissecandi matrem.
i. Regum III; ac cæteroquin etiam
sapientissime imperans. E rebus publicis
integris, hodieque florentibus, Prudentiæ
laudem merito sibi vindicat *Serenissima Resp. Veneta*,
hujusque æmula illustris *Noribergensis*;
cujus insigne quondam ornamentum.
Antonius Tucherus, a *Friderico III. Imp.*
urbem ingressus, & effusam

populi multitudinem mirante, interrogatus. Quo ingenio & arte tanta multitudo sine tumultu & seditione regi & contineri possit? respondit. *Placidis verbis, & gravibus pa-*
nis.

(Ad *Ἀρετολογίαν*, & doctrinam de Prudentia, pertinet quoque, coronidis loco, doctrina de Decoro.)

Quid est Decorum?

Decorum est externi totius corporis habitus, motus, vestitus, sermonis etiam & gestuum in conversatione, ad munditiam & decentem elegantiam conformatio, pro diverso hominum statu, tempore ac loco, Varians.

(Decorum Gr. dicitur τὸ πρέπον, ἀπὸ τοῦ πρέπειν decere; & hoc a περιπατεῖν, observare, cum cura prosequi. Doctrina huc in plerisque Ethicis omittitur, sed male. Fusius illam pertractat Cicero Lib. I. Offic. versus fin. Theophrastus in Characteribus Ethicis, Jo. Casa in Galateol. Erasmus in libello de Civilitate morum, alique. Fr. Bar,

Bac. de Verulamio Serm. fidel. LII. in viro civili, ait, Conservatio ejusque regimen (utcumque in exterioribus occupetur) si non summum, at certe eximium locum invenit.)

*Quomodo differt Decorum
ab Honesto?*

Respondet Cicero, *id dictu difficile esse, & facilius intelligi, quam explanari posse. Decorum enim ea vis est, ut ab Honesto non queat separari. Nam quod decet honestum est; & quod honestum est, decet.

(* Lib. I. Offic. c. 27. Edit. Grav. Ibidemque addit; Ut venustas & pulchritudo corporis secerni non potest a valetudine: sic decorum totum quidem est cum virtute confusum; sed mente & cogitatione distinguitur.

*Explicam mihi tamen, quantum
feri potest, Differentiam Honesti & Decorum?*

(1) Differt Decorum ab Honesto, ut necessariam consequens, non tam tempore, quam nostro concipiendi

piendi modo. (2.) Quæ honestatis sunt, magis videntur recondita; quæ Decor, in omnium oculos ac sensum incurrunt. (3.) Honestum ipsam essentiam hominis rationalem ac socialem afficit; Decorum tantum ad illius bene esse facit, quatenus singularem homini in vita civili addit commendationem. Adeoque (4.) quæ ad Honestatem spectant, homini necessario sunt observanda, nisi pro malo ac scelerato haberi velit: Decorum arbitrium fere est, nec ejus intermissione viri mali nota cuidam inuri solet; sed hominis tantum incivilis ac morosi. (5.) Quid Honestum sit, apodicticis rationibus ostendi potest; Decorum fere non nisi opinione hominum nititur,

*Quas ergo regulas præscribis
Decorum, ratione Corporis, hu-
jusque Compositionis &
Motus?*

Corpus æquo libramine sit ere-
ctum. *Caput* valde ac sæpe nimis
non est quatiendum, ne videaris
rigidi Catonis instar omnia impro-
bare. Impexo esse capite, rustica-
num est.

Vultus tuus sit tranquillus, muni-
dus, serenus. *Frons* non torva &
in rugas contracta; sed exporrecta,
mentem sibi bene consciam & inge-
nium liberale præ se ferens.

Oculi sint placidi ac verecundi;
non vagi ac volubiles, quod est ho-
minum lascivorum; non limi, quod
suspiciosorum & insidias molien-
tium; non immodice diducti, quod
est stolidorum; non torvi, qui sunt
signum truculentiae. *Supercilia* non

H4 sint

sint nimis hirsuta, nec in altum sublata, qualia spirant arrogantiam.

Nares non sint diductæ, aut clarespirantes; non stillantes ac sordidæ, sed purgentur sedulo, non tamen veste aut digito, sed strophio Crispæ *nasum*, irrisorum & sannionum.

Gena pictæ sunt verecundia & colore nativo, non fuco aut cerussa. Inflare *buccas*, fastus indicium est; easdem dimittere, hominis animum despondentis.

Os non foeteat; ne chiet, quod est morionum; sed leniter osculantibus se invicem labris conjunctum sit. Mordere *labra*, iratorum est; porrecta *lingua* alterum deridere, scurtile. Careant rubigine *dentes*; oraque suscepta mane laventur aqua. Ovid.

Cervix non sit erecta nimis & rigida, neque tamen in terram depressa;

pressa; neve in dextrum aut lævum vergat latus: hypocriticum enim est, nisi colloquium aut aliud simile id postulet.

Humeri pari libramine sunt temperandi, non contrahendi, non demittendi; neque brachia in tergum retorquenda, cum id sapiat dominium.

Manus puræ sunt ac diligenter lotæ; *ungues* secti ac purgari

Membra, quæ natura ipsa contexit atque abdidit, honeste sunt velanda, non dispicienda, aut incivilter tangenda; quod Judæi strictè solent observare.

Genibus non divaricatis, sed modice diductis, sedeas, neque *pedibus* formam crucis repræsentantes. Dextro pede in femur sinistrum injecto sedere, Regum veterum mos erat, sed hodie improbatus. Ludere pedibus in sella, puerile.

H5

Eun-

*Fundo non nimis festines; nec tamen lente nimis, ac ut proverbium habet, Junonium ingrediaris. * Non attrahendi pedes, nec summis eorum digitis incedendum.*

(* Cic. l. Offic. cap. 36: Cavendum est, ne aut tarditatibus, ut utamur in gressu mollioribus, ut pomparum ferculis similes esse videamur: aut in festinationibus suscipiamus nimias celeritates: quæ cum fiunt, anhelitus movetur, vultus mutantur, ora toquentur: ex quibus magna significatio sit, non adesse constantiam.

*Quæ de Cultu ac Vestitu hic
notanda?*

Quoniam certus modus hic præscribi non potest, eò quod non omnium par est fortuna vel dignitas, magna etiam nationum diversitas, ac temporum vicissitudo; capropter generatim monendum, ut Decori studiosus decentem amet *vestimentorum* elegantiam, ita, ut neq; supra dignitatem & facultatem sint
splen.

splendida, neque etiam sordida, attrita, luculenta. In Cultu præterea corporis, morem civium & popularium suorum quisque imitetur, nisi velit se publicis omnium moribus opponere; quod seni quidem magis, quam juvenibus ignosci solet. Denique & Luctus, Festivitatum & Tempestatis, (æstivæ puta vel hybernæ) rationem habeat.

Qua de Sermone observanda?

Sermo sit lenis ac sedatus, non clamorosus, qualis est agricolarum, nec adeo pressus, ut ad aures ejus, cui loqueris, haut perveniat. Non sit præceps ac mentem præcurrens, sed articulatus & explanatus. Absint juramenta minus necessaria, blasphemiarum, mendacia, aniles, impiæ atque obscenæ nugæ. Narrantes aliquid ne interpellemus, donec sermonem absolverint; nec verba loquentibus commodemus,

*Qua de Urbanitate ac Jocis hic
Speciatim notanda?*

Joci sunt rari, nec nisi tempore læto ac facili Minerva prolati; nec sint obscœni aut maledici, sed ingeniosi ac liberales, hoc est, libero homine digni. Idem monent, qui duplicem ajunt esse salem, *Mercurii & Momii*: Illum vocant facetias elegantes & argutas; hunc vero jocos mordaces, molestos ac turpes. Adhæc cum superioribus jocandum est caute, cum inferioribus parce, cum æqualibus libere, modeste tamen, ne insultare iis videamur.

Qua de Gestibus addenda?

Gestus sint sermoni ac personæ accommodati; qua in parte oculi & manus præcipuum sustinent officium. Verum hæc, uti cætera omnia, citra odiosam affectationem. *Oscitatione* quantum licet, abstinendum.

Impro-

Improbatur quoque *cachinnus* effusus, nec non Sardonius. Viri senio vel religione venerandi, aut honore alioqui digni, reverenter salutandi. Feminis etiam honestis ac nobilibus honor deferendus ac prærogativa præ viris concedenda.

Plura ejusmodi præcepta vid. in Erasmi libello de Civil. Mor. Christiani Weisii Ethica Germ. Cap. ult. de Decoro; & Dissert. mea de Civilitate morum, in Theatr. Virt. ab Aristotele omiff. p. 164. & seqq.

Decoro quid opponitur?

Indecorum * seu Morum Incivilitas, per quam homo in externo corporis habitu, motu, sermone & gestu ineleganter se perit, & jam commemoratis in rebus decorum negligit.

(* Characterem ejus suaviter depingit Theophrastus in Charact. Eth. Ccp. XII. & XX. Incivilitatis rei sunt Cato, qui in publicum sæpe sine calceis prodibat. Vid. Horat. Lib. I. Epist. 19. v. 12. & seqq. Patrocles, quise per vitam omnem non lavisse dicitur.)

*Exempla eorum, qui Decoro
& Civilitati studuerunt.*

*Jonathan, qui a Davide prædicatur decorus valde in vita sua & amabilis super amorem mulierum, 2. Sam. I. 23, 26. Aristippus, cui Plato dixit: Tibi uni & chlamydem & pannum ferre datum est! Ac Horatius de eodem: Omnis Aristippum decuit color, & status, & res. Lib. I. Epist. 17. Alcibiades, de quo Corn. Nepos Idem, inquit, cum tempus posceret, laboriosus, patiens, liberalis, splendidus, non minus in victu quam vita, affabilis, blandus, temporibus callidissime inseruiens; cap. I. De hodierna Civilitatis schola Gallia, ejusque incolis politioribus, Barclajus in Icone Animorum scribit: Nullis mortalibus indoles ad speciem virilis elegantie magis facta, Oris intrepidi habitus motusque, & gestus, qui totum corpus desent &c. cap. III. Ac de Poliarcho suo
idem*

idem scribit in Argenide: *Eminet oris decor, & amœna gratia genius; cujus virtute omnes ipsius motus, omnes nutus placent.* Lib. I.

(Erasmus de Civil. Mor. puer. p. m. § : Non infior, hanc esse crassissimam Philosophiæ partem : sed ea, ut sunt hodie mortalium judicia, plurimum conducit & ad conciliandam benevolentiam, & ad præclaras illas animi dotes oculis hominum commendandas. Et b. Jac. Thomafius in Not. ad Philos. Præf. Tab. XIII. p. 17 : Homileticæ Virtutes (Humanitas imprimis & Urbanitas) comparatione Justitiæ, & similitum virtutum majoris momenti sunt exiles, quia vitia iis contraria, modo non conjuncta sint cum vitiis gravioris subselli, non eddunt hominem statim politice malum seu improbum, pœnæque civili obnoxium. Nam neque leges civiles solent de Virtutibus homileticis præcipere; sed hoc munus est alterius doctrinæ, quæ dat præcepta de Civilitate morum. Hæc præcepta si quis violat, non improbus statim aut nequam vocatur, sed incivilis, aut barbaro vocabulo Grobrianus.)

PARS POSTERIOR

de

EUDÆMONO-
LOGIA

five

PRÆMIIS VIRTUTIS,

in quibus consistit Hominis
Felicitas.

A *Eudæmonologiam*, hoc est, Doctrinam
de Virtutibus seu Recta Vita,
excipit *Eudæmonologia*, hoc est, Do-
ctrina de *Virtutum præmiis*, quæ
constituunt Beatam hominis Vitam
seu Felicitatem.

*Quenam verior est Sententia
de hominis Summo Bono ac
Felicitate?*

Omnes Philosophi cordatiores in
eo consentiunt, quod *Summum* ho-
minis *Bonum* debeat esse hominis
proprium & ab eodem impetrabile;
per

per se, nec propter aliud, expetendum; constans & immutabile; sibi aliisque sufficiens; optimum, perfectissimum, jucundissimum &c. Quæ sane conditiones in nullum aliud Bonum cadunt, quam in solum DEUM; utpote qui est ipsum Bonum, *αὐτὰρ ἀθὲν*, Bonum summum ac perfectissimum, sempiternum, per ac propter se appetendum, sibi aliisque sufficiens, & quod indigentiam nostram prorsus explere, nostrumque appetitum plene ac plane satiare potest.

(Non igitur Summum hominis Bonum querendum est in Voluptate Corporis Divitis, Honoribus &c. utpote bonis fragilibus, inconstantibus, imperfectis, sibi & aliis minime sufficientibus. Nec in Virtute; nam præstantius omni Virtute Bonum DEUS est; fatente ipso Aristotele 2. M. M. c. 9. Dein Virtus non expetitur propter se, sed propter aliud; nempe propter vitam Beatam consequendam. Id quod recte observat Lactantius Lib. III. Inst. cap. 12. scribens: Stoici negant, sine Virtute effici quenquam Beatum posse. Ergo Virtutis

*Fundo non nimis festines; nec tamen lente nimis, ac ut proverbium habet, Junonium ingrediaris. * Non attrahendi pedes, nec summis eorum digitis incedendum.*

(* Cic. l. Offic. cap. 36: Cavendum est, ne aut tarditatibus, ut utamur in gressu mollioribus, ut pomparum ferculis similes esse videamur; aut in festinationibus suscipiamus nimias celeritates: quæ cum fiunt, anhelitus movetur, vultus mutantur, ora toquentur: ex quibus magna significatio sit, non adesse constantiam.

*Quæ de Cultu ac Vestitu hic
notanda?*

Quoniam certus modus hic præscribi non potest, eò quod non omnium par est fortuna vel dignitas, magna etiam nationum diversitas, ac temporum vicissitudo; capropter generatim monendum, ut Decori studiosus decentem amet *vestimentorum* elegantiam, ita, ut neq; supra dignitatem & facultatem sint
splen.

splendida, neque etiam sordida, attrita, luculenta. In Cultu præterea corporis, morem civium & popularium suorum quisque imitetur, nisi velit se publicis omnium moribus opponere; quod seni quidem magis, quam juvenibus ignosci solet. Denique & Luctus, Festivitatum & Tempestatis, (æstivæ puta vel hybernæ) rationem habeat.

Qua de Sermone observanda?

Sermo sit lenis ac sedatus, non clamorosus, qualis est agricolarum, nec adeo pressus, ut ad aures ejus, cui loqueris, haut perveniat. Non sit præceps ac mentem præcurrens, sed articulatus & explanatus. Absint juramenta minus necessaria, blasphemiarum, mendacia, aniles, impiæ atque obscenæ nugæ. Narrantes aliquid ne interpellemus, donec sermonem absolverint; nec verba loquentibus commodemus.

*Quæ de Urbanitate ac Jocis hic
Speciatim notanda?*

Joci sunt rari, nec nisi tempore læto ac facili Minerva prolati; nec sint obsceni aut maledici, sed ingeniosi ac liberales, hoc est, libero homine digni. Idem monent, qui duplicem ajunt esse salem, *Mercurii* & *Momi*: Illum vocant facetias elegantes & argutas; hunc vero jocos mordaces, molestos ac turpes. Adhæc cum superioribus jocandum est caute, cum inferioribus parce, cum æqualibus libere, modeste tamen, ne insultare iis videamur.

Quæ de Gestibus addenda?

Gestus sint sermoni ac personæ accommodati; qua in parte oculi & manus præcipuum sustinent officium. Verum hæc, uti cætera omnia, citra odiosam affectationem. *Oscitatione* quantum licet, abstinendum. Impro-

Improbatur quoque *cachinnus* effusus, nec non *Sardonius*. Viri senio vel religione venerandi, aut honore alioqui digni, reverenter salutandi. Feminis etiam honestis ac nobilibus honor deferendus ac prærogativa præ viris concedenda.

Plura ejusmodi præcepta vid. in Erasmi libello de Civil. Mor. Christiani Weisii Ethica Germ. Cap. ult. de Decoro; & Dissert. mea de Civilitate morum, in Theatr. Virt. ab Aristotele omiff. p. 164. & seqq.

Decoro quid opponitur?

Indecorum * seu Morum Incivilitas, per quam homo in externo corporis habitu, motu, sermone & gestu ineleganter se perit, & jam commemoratis in rebus decorum negligit.

(* Characterem ejus suaviter depingit Theophrastus in Charact. Eth. Ccp. XII. & XX. Incivilitatis rei sunt Cato, qui in publicum sæpe sine calceis prodibat. Vid. Horat. Lib. I. Epist. 19. v. 12. & seqq. Patrocles, quise per vitam omnem non lavisse dicitur.)

*Exempla eorum, qui Decoro
& Civilitati studuerunt.*

Jonathan, qui a Davide prædicatur decorus valde in vita sua & amabilis super amorem mulierum, 2. Sam. I. 23. 26. Aristippus, cui Plato dixit: Tibi uni & chlamydem & pannum ferre datum est! Ac Horatius de eodem: Omnis Aristippum decuit color, & status, & res, Lib. I. Epist. 17. Alcibiades, de quo Corn. Nepos Idem, inquit, cum tempus posceret, laboriosus, patiens, liberalis, splendidus, non minus in victu quam vita, affabilis, blandus, temporibus callidissime inserviens; cap. I. De hodierna Civilitatis schola Gallia, ejusque incolis politioribus, Barclajus in Icone Animorum scribit: Nullis mortalibus indoles ad speciem virilis elegantia magis facta. Oris intrepidi habitus motusque, & gestus, qui totum corpus desent &c, cap. III. Ac de Poliarcho suo
idem

idem scribit in Argenide: *Eminet oris decor, & amœna gratia genius; cujus virtute omnes ipsius motus, omnes nutus placent.* Lib. I.

(Erasmus de Civil. Mor. puer. p. m. 5 : Non infior, hanc esse crassissimam Philosophiæ partem : sed ea, ut sunt hodie mortalium judicia, plurimum conducit & ad conciliandam benevolentiam, & ad præclaras illas animi dotes oculis hominum commendandas. Et b. Jac. Thomafius in Not. ad Philos. Pract. Tab. XIII. p. 17 : Homileticæ Virtutes (Humanitas imprimis & Urbanitas) comparatione Justitiæ, & similitum virtutum majoris momenti sunt exiles, quia vitia his contraria, modo non conjuncta sint cum vitiis gravioris sublelli, non eddunt hominem statim politice malum seu improbum, pœnæque civili obnoxium. Nam neque leges civiles solent de Virtutibus homileticis præcipere; sed hoc munus est alterius doctrinæ, quæ dat præcepta de Civilitate morum. Hæc præcepta si quis violat, non improbus statim aut nequam vocatur, sed incivilis, aut barbarus vocabulo Grobianus.)

PARS POSTERIOR

de

EVDÆMONO-
LOGIA

five

PRÆMIIS VIRTUTIS,

in quibus consistit Hominiſ
Felicitas.

A *Retologiam*, hoc est, Doctrinam
de Virtutibus seu Recta Vita,
excipit *Evdæmonologia*, hoc est, Do-
ctrina de *Virtutum præmiis*, quæ
constituunt Beatam hominis Vitam
seu Felicitatem.

*Quenam verior est Sententia
de hominis Summo Bono ac
Felicitate?*

Omnes Philosophi cordatiores in
eo consentiunt, quod *Summum* ho-
minis *Bonum* debeat esse hominis
proprium & ab eodem impetrabile;
per

per se, nec propter aliud, expetendum; constans & immutabile; sibi aliisque sufficiens; optimum, perfectissimum, jucundissimum &c. Quæ sane conditiones in nullum aliud Bonum cadunt, quam in solum DEUM; utpote qui est ipsum Bonum, *αὐτάγαθόν*, Bonum summum ac perfectissimum, sempiternum, per ac propter se appetendum, sibi aliisque sufficiens, & quod indigentiam nostram prorsus explere, nostrumque appetitum plene ac plane satiare potest.

(Non igitur Summum hominis Bonum querendum est in Voluptate Corporis Divitis, Honoribus &c. utpote bonis fragilibus, inconstantibus, imperfectis, sibi & aliis minime sufficientibus. Nec in Virtute; nam præstantius omni Virtute Bonum DEUS est; fatente ipso Aristotele 1. M. M. c. 9. Dein Virtus non expetitur propter se, sed propter aliud; nempe propter Vitam Beatam consequendam. Id quod recte observat Lactantius Lib. III. Inst. cap. 12. scribens: Stoici negant, sine Virtute effici quenquam Beatum posse. Ergo Virtutis

tutis præmium. Beata Vita est, si Virtus (ut recte dictum) beatam vitam facit. Non est igitur, ut ajunt, propter se ipsam Virtus experenda, sed propter Vitam Beatam, quæ Virtutem necessario sequitur. Ipse Cicero V. Tusc. Quæst. diserte docet, quod Vita beata Virtute conficiatur: & Arrianus ad Epictetum cap. IV. quod Virtutis finis & effectus sit Felicitas. Conf. quæ supra dictæ sunt de Causâ Finali Virtutum,

Quod Summum hominis Bonum collorandum sit in DEO, docens quoque Phil. Moræus de Verit. Relig. Christ. cap. 19. El. Schedius de Diis Germ. Syngramm. I. c. 2, Ving. Placcius in Comment. ad Verulam. Lib. 7. de Augm. Scient. Mor. p. 236. & seqq. Heerebord. Colleg. Eth. Disp. III. & IV. Hamelius Philos. Mor. Tract. I. Dis. 1. & 2. allique.)

*Quanam est differentia inter
Summum Bonum & Felicitatem
hominis?*

Summum Bonum est res, quæ nos beat, totque ac tantas habet perfectiones, ut sui perceptione & communione plenam & perennem afferat satietatem; nempe DEUS, Beatitu-

itudinis nostræ Caussa. Ipsa vero *Beatitudo* seu *Felicitas* nostra in Boni illius summi perceptione ac fruitio-
ne consistit, quæ vocatur *Amicitia*
& conjunctio cum Deo.*

(*Sebast Foxius in *Compendio Ethices* ex Pla-
tone, Aristotele, aliisque concinnato scri-
bit: Plato duplex Summum Bonum agno-
vit: unum Primum, quod sit sedes & obje-
ctum nostræ Felicitatis i. e. DEUM. Alter-
um non ex se, sed ex illius Communionem
Bonum, h. e. nostram Felicitatem. At-
que illud quidem summo honore dignum,
Supremum ac Verum Bonum appellat;
hoc autem. Nostrium primi Boni partici-
patione Bonum esse; ideoque divinum ac
pulcherrimum quiddam appellat. Lib. I.
c. 5. B. Augustinus Lib. IIX. de C. D.
cap. 9: Ipsum verum ac Summum Bonum
Plato dicit DEUM; unde vult Philosophum
esse amatorem DEI; ut, quoniam Philo-
sophia ad Beatam vitam tendit, fruens DEO
sit beatus, qui Deum amaverit. Et Cap. præ-
ced. 8: Cedant Philosophi omnes Platonici,
qui non dixerunt, Beatum esse hominem
fruentem corpore, vel fruentem animo, sed
fruentem Deo.)

His

*His præmissis, dicas nunc, quæ
sint Virtutis Præmia?*

(1) Amicitia & Conjunctio
cum DEO.

Hanc esse Virtutis præmium, &
S. Scriptura docet, & Ratio confir-
mat. DEUS quondam Abrahamo
dixit: *Ego sum Deus sufficiens; ambu-
la coram me, & esto integer: & da-
bo fœdus meum* (æternam pacem &
amicitiam) *inter te & me!* Genes.
XVII. 2. & Cap. XV. *Ne metuas Ab-
ram; ego clypeus tuus, merces tua ma-
gna valde!* v. 1. Johannes Aposto-
lus, *Si in luce ambulamus*, ait, *sicut
ipse (Deus) est in luce, communio-
nem habemus cum eo mutuam.* I. Epist.
I. 7. Et Christus apud Joannem.
Vos amici mei eritis, inquit, *si feceritis,
quacunque ego mando vobis!* Cap.
XV. 14.

Dein Ratio quoque docet inter
Deum

eum & veræ Virtutis cultorem in-
 cedere communionem & amo-
 rem mutuum. Vir Bonus amat
 eum *amore Obedientiæ*, amando
 gem ac voluntatem Dei. Deus
 nat virum bonum *amore Benevo-*
lentiæ, quo illum, ut suum, imagi-
 nis sua signatum; agnoscit, favoris-
 ie & gratiæ suæ beneficiis cumulat
 beat, ad laudem gloriosæ suæ bo-
 tatis. Hinc Plato in Philebo quæ-
 rit: *Vir justus & probus nonne Deo a-*
micus est? Et Seneca, *inter bonos vi-*
s ac Deum amicitia est, ait, *concilian-*
Virtute. *Amicitiam dico? imo*
iam necessitudo & similitudo. Lib. de
 ovid. c. 1. Quid? quod ipse Aristot-
 les Lib. X. Nic. Cap. IIX. edit. Ra-
 iel. n. 53. scribat? *Qui in fungen-*
s vita muneribus, gerit se consen-
nea menti, atque hanc reveretur,
rectissime affectus videtur esse, &
in probabile est, Deo esse amicissi-
mum.

nolit, sequatur hilaritas continua & latitia alto ex alto veniens, ut qua suis gaudeat, nec majora domesticis cupiat. c. 4. B. Ambrosius II. Offic. c. I. Beatam vitam efficiunt Tranquillitas conscientia & Securitas innocentia.

(3.) Vera Sapientia, quæ est rerum divinarum & humanarum, præsertim quæ Finem & Officium hominis spectant, scientia.

Hæc ex perpetuo Virtutis amore & cultu non potest non oriri. Eaque sicut in animam malevolam non intrat, ita piæ atque ornatae virtutibus animæ lumen est ac decus; etsi nunc majore, nunc minore lucis gradu exsplendescat. *Henr. Morus Enchir. Eth. Lib. III. c. 9. p. m. 208. Sapientia, inquit, perfecta Virtutis genuinus fructus merito est habendus.*

4. Hon

exterius eos contemnere haud erubescunt, interiorius tamen benignius de illis sentire coguntur. Hinc fit, ut de facto non alii, quam viri probi, quos Pietas, Justitia, Prudentia, aliaque Virtutes exornant, prae exteris ad publica munia eligantur, aut saltem sub titulis hisce colantur ac commendentur.)

(5.) Nobilitas ;

Quæ cum sit duplex *Virtutis* & *generis*, prior inseparabiliter cum Virtute & Felicitate connexa ; imo etiam posterioris Nobilitatis fons atque origo est Virtus : etsi hinc illa non semper sequi soleat.

(5.) Cordonis Sanitas, Temperantiæ cum primis, Mansuetudinis, aliarumque Virtutum filia.

Sicut enim plerumque corpus nostrum debilitatur ebrietate & iniuria, enervatur indomita libidine, uritur flammis iræ, marcescit odio invidia, aliaque sentit innumera arborum genera : ita dum ani-

mus a vitiis istis ac perturbationibus purgatur, suæque sanitati restituitur, ipse simul corporis ut plurimum hinc efflorescit vigor ac sanitas,

(7) Divitiæ, saltem mediocres, sumtusq; ad vitam necessarii.

Etsi enim Vir bonus per fraudes malasque artes divitias corradere nesciat, indeque paupertatem sæpe sororem habeat; non tamen ad inopiam ita damnatus esse credi debet, quin modo ipse velit, ditescere etiam possit. Sunt enim honestæ ditescendi rationes, etiam ex Virtutis penu depromptæ; e. g. Diligentia, Fides, Frugalitas etc. ut recte hinc exclamet Cicero: *O dii immortales, non intelligunt homines, quam magnum vestigal sit parsimonia!* Vid. H. Mor. Enchir. Ethic. Lib. III. c. 9. §. 20.

(8.) Virorum bonorum cum sui similibus Amicitia.

Sola

Sola enim Virtus veras conciliat Amicitias, & conservat; quæ cum se extulit, (prout egregie hac de re differit apud Ciceronem Lælius) lumenque ostendit suum, & idem aspexit agnovitque in alio, ad id se ad-movet, vicissimque accipit illud, quod in altero est; ex quo exardescit *Amor* sive *Amicitia*. Sane Viri boni, quorum est idem velle, idem nolle, & quibus idem omnibus propositum, Deo obedire, hujusque gloriæ amplificandæ servire, non possunt non se invicem agnoscere, amare, si-bique mutuo quam optime velle. Cic. de Amicit. *Nihil est amabilius virtute, nihil quod magis alliciat homines ad diligendum: quippe cum propter virtutem & probitatem eos etiam, quos nunquam vidimus, quodammodo diligamus.*

Quanam Differentia de Præmiis hisce notanda?

Hæc sunt potissima Virtutis Præ-
mia

mia, Felicitatem nostram constitu-
entia; quæ singula tamén non eo-
dem *necessitatis* gradu cum illa co-
hærent. *Amicitia cum Deo & Tran-*
quillitas animi, plane hinc videntur
sejungi ac divelli non posse; neque
fortassis etiam *Vera Sapientia*, ut &
Honor & Nobilitas, certo in significatu
sumta. Coëtera abesse possunt, &
frequenter etiam absunt: ut *Sanitas*
corporis, grandes *Divitiæ & Amici*.

(Hinc prior illa a Philareto aliisque, Præmia, Vir-
tuti Essentialia, posteriora Accidentalibus nun-
cupantur.)

Exempla eorum, qui Virtutis
Præmia sunt consecuti.

E Judaica gente, Patriarchæ *Ab-*
rahamus, Isaacus, Jacobus, Josephus;
item *Josua, David, Salomo, &c.* quos
Deus non solum intima sua digna-
tus est amicitia, animiq; tranquilla-
te & generositate, sed & singulari sa-
pientia, honoribus, opibusque, in ad-
mirationem universi terrarum or-
bis, cumulavit, beavitque. E gen-
tibus

ibus five paganis * hic forsan haud
 prætereundi sunt *Romani*, ad quorum
 imperium constituendum contendi-
 disse *Virtus* & *Fortuna* videntur; ju-
 dicio Flori in Hist. in Proëm. & quo-
 rum *Virtutibus mercedem terrenam, glo-*
riam excellentissimi imperii Deus reddi-
dit; fatente Augustino Lib. V. de C. D.
 c. 15. Præ cæteris vero huc referen-
 di *Numa, Camillus, Metellus Macedo-*
nicus, Scipiones, Augustus & Traja-
nus, a quibus orta illa Imperatori-
 bus acclamandi formula: *Sis felicitior*
Augusto, melior Trajano! E Chri-
 stianis *Constantinus M.* quem, teste
 laudato Augustino Lib. de C. D. c.
 25. *Deus tantis terrenis implevit mu-*
neribus quanta optare nullus auderet.
 Cui, si opus foret, jungere possemus
 quamplurimos Imperatores, præ-
 cipue Augustissimum nostrum
 LEOPOLDUM, *Pium & Felicem*,
 aliosque Principes; & in nostra
 etiam

etiam patria Viros generosos ac honoratos, quorum Virtutis, Felicitatis, Gloriaeque splendorem omnis prædicabit ætas, ipsaque æternitas semper intuebitur.

(*Notandum hic, hominem fidelem ac renatum de arctiore Amicitia & ardentiore amore Dei mutuo certius omnino sibi gratulari posse, quam ethnicos sive paganos: interea tamen & hos, si vitia fugiunt, ac virtutes, impulsu innatae legis, sectantur, v. g. honorant parentes, temperanter ac iuste vivunt &c. Deo non displicere. Nam in quavis genere, qui timet Deum, & operatur iustitiam acceptus est illi; Aðtor. X. 35. Conf. Exod. I. 10. 21. de Obstetricibus Ægyptiorum. Dicis: Ethnici versantur & extra Ecclesiam, & salvifica fide carent, adeoque Deo nea placere, nec salvari possunt. Resp. Ad posterius (ut salvari) quod attines, sciendum, non hic de remuneratione æterna, sed temporali, nec de futuræ, sed hujus vitæ premiis sermonem esse. Quid post hanc vitam expectandum sit ethnicis, Theologus judicat, non Ethicus. Interim placent etiam Deo bona gentilium, his in terris ple viventium, opera ut auctori naturæ; eth non placent ut auctori gratiæ. Vid. Aretologia mea Christiana pag. 6. & 7.

S. D. G.

PROLUSIO
ACADEMICA

de

INSULA FORTV-
NATA AB ARETO-
PHILO QVÆSITA ET
INVENTA,

niversæ Morum Philoso-
phiæ Summam complectens,
eaque

b auspiciis Prælectionum publi-
carum ad Opus Aristotelis Ni-
comachium habendarum
olim recitata.

*Auditores genere & doctrina
 nobilissimi florentissimique!*

Quod felix faustumque sit vobis
 mihiq; me nunc iterum reci-
 pio hanc in cathedram, & lo-
 cias vobiscum, DEO juvante, vires
 jungo; ad excolendum porro studium
 Philosophiæ Moralis; quæ Tullius
 vitæ ducem, virtutum indagatricem,
 vitiorum expultricem vocat; non ne-
 mo alius, vitæ nostræ gnomonem, a-
 ctionum regulam, affectuum mode-
 ratricem, animorum imperatricem:
 sine qua non domus ulla aut muni-
 cipium, civitas aut respublica, gens aut
 natio, populus aut regio, mundus ipse
 aut rerum natura stare potest; unde
 leges exortæ, unde vitæ tranquillitas,
 unde omnis denique humana Fe-
 licitas ac Beatitudo. Scientiæ ve-
 ro hujus præcepta non sine fructu
 haurire queunt ex Aristotelico Libro-
 rum Nicomachiorum Opere; cujus
 dædaleam structuram ut feliciore pe-
 de

de ingredi possetis, exhibui vobis sub finem anni præteriti Introductionem; ac nonnulla de Librorum Nicomachiorum auctore, Inscriptione, Versionibus, Commentatoribus, aliisque, uti par erat, præmissi. Nunc antequam ipsi operi dextre ac perspicue explicando admoveamus manum, dissertatione quadam, florido ac Poëtico propiore dicendi genere conscripta, præludere placet de *Insula Fortunata ab Aretophilo quaesita & inventa. Per Fortunatam Insulam* intelligo veram his in terris Felicitatem; per *Aretophilum*, Ethices ac Virtutis studiosum. Huic in itinere (præter frequentem precum ad Deum fundendarum usum) tres adjungam comites, *Eugeniam Palladium & Herculem*, h. e. bonam naturæ indolem, Doctrinam & Exercitationem. Tres enim hæc Virtutum Moralium Causas Humanas cōstituunt Philosophi Vos, Auditores nobilissimi lectissimique, ut & orationis meæ & itineris Aretophili cursum

sum, benevola vestra attentione, tanquam optatissimis remis velisque adjuvare velitis, majorem in modum contendo.

Memoriæ nonnemo prodidit potiora anni præteriti Memorabilia. Unum omisit præ cæteris commemorandum, quod e Græcia per literas mecum communicavit Mercurius. Docuerat publice Athenis in Lyceo felix cerebri Philosophus, nomine Palladius, insigni non minus acumine mentis quam admiranda facundia, ex Lib. I. Nicom. quod Omnia bonum appetant, Summique Boni cognitio homini in vita quam maxime utilis sit & necessaria. Laudaverat insuper Insulam Fortunatam, sive cœlestia his in terris veræ Felicitatis tempe, ipsos Alcinoi & Hesperidum hortos amœnitate sua longe superantia. Placuerat quidem audientibus omnibus accuratissima æque ac jucundissima prælectio; apud paucos tamen rei commendatæ crescebat desiderium. Ita plerumque, dum verborum Veneres

res illudunt auribus, in animos haud penetrant rerum argumenta. Unus Aretophilus Boni illius fruendi magna inflammabatur appetitione. Ergo inter spissam auditorum Lyceo egredientium catervam, circumspicere primum, num quem animadverteret, cui hæssisset a lectione stimulus, & qui paria spiraret desideria: tum vero etiam sciscitari aperte, liberetne Summi illius Boni tam magnifice dilaudati, Intulæque Fortunatæ experiri delicias, ejusdemque investigandæ suscipere laborem? Sed incassum. Neminem unum ardor urebat veræ quærendæ Felicitatis. Itaque tacita commotus indignatione repetebat domum, fusisque ardentem ad DEUM precibus (succurrebat enim illi illud Epicteti apud Arrianum, *DEI memento! hunc adiutorem advocato & commilitonem; ut solent nauta, qui in tempestatibus invocant Castorem & Pollucem!* ad iter hoc se comparans, rem omnem, ac speciatim animi sui decretum, enarrabat Eugeniæ, sorori

I 6

sua

mia, Felicitatem nostram constitu-
entia; quæ singula tamen non eo-
dem *necessitatis* gradu cum illa co-
hærent. *Amicitia cum Deo & Tran-*
quillitas animi, plane hinc videntur
sejungi ac divelli non posse; neque
fortassis etiam *Vera Sapientia*, ut &
Honor & Nobilitas, certo in significatu
sumta. Coetera abesse possunt, &
frequenter etiam absunt: ut *Sanitas*
corporis, grandes *Divitiæ & Amici*.

(Hinc priori illa a Philareto aliisque, Præmia, Vir-
tuti Essentialia, posteriora Accidentaliter nun-
cupantur.)

Exempla eorum, qui Virtutis
Præmia sunt consecuti.

E Judaica gente, Patriarchæ Ab-
rahamus, Isaacus, Jacobus, Josephus;
item Josua, David, Salomo, &c. quos
Deus non solum intima sua digna-
tus est amicitia, animiq; tranquillita-
te & generositate, sed & singulari sa-
pientia, honoribus, opibusque, in ad-
mirationem universi terrarum or-
bis, cumulavit, beavitque. E gen-
tibus

tibus sive paganis * hic forsitan haud
prætereundi sunt *Romani*, ad quorum
imperium constituendum contendi-
sse *Virtus* & *Fortuna* videntur; ju-
dicio Flori in Hist. in Procem. & quo-
rum *Virtutibus mercedem terrenam, glo-
riam excellentissimi imperii Deus reddi-
dit*; fatente Augustino Lib. V. de C. D.
c. 15. Præ cæteris vero huc referen-
di *Numa, Camillus, Metellus Macedo-
nicus, Scipiones, Augustus & Traja-
nus*, a quibus orta illa Imperatori-
bus acclamandi formula: *Sis felicitior
Augusto, melior Trajano!* E Chri-
stianis *Constantinus M.* quem, teste
laudato Augustino Lib. de C. D. c.
25. *Deus tantis terrenis implevis mu-
neribus quanta optare nullus auderet.*
Cui, si opus foret, jungere possemus
quamplurimos Imperatores, præ-
cipue Augustissimum nostrum
LEOPOLDUM, *Pium & Felicem*,
aliosque Principes; & in nostra
etiam

etiam patria Viros generosos ac honoratos, quorum Virtutis, Felicitatis, Gloriæque splendorem omnis prædicabit ætas, ipsaque æternitas semper intuebitur.

(*Norandum hic, hominem fidelem ac renatum de arctiore Amicitia & ardentiore amore Dei mutuo certius omnino sibi gratulari posse, quam ethnicos sive paganos: interea tamen & hos, si vitia fugiunt, ac virtutes, impulsu innata legis, sectantur, y. g. honorant parentes, temperanter ac iuste vivunt &c. Deo non displicere. Nam in quavis genere, qui timet Deum, & operatur iustitiam acceptus est illi; Aðtor. X. 35. Conf. Exod. I. 20. 21. de Obstetricibus Ægyptiorum. Dicis: Ethnici versantur & extra Ecclesiam, & salvifica fide carent, adeoque Deo nea placere, nec salvari possunt. Resp. Ad posterius (ut salvari) quod attinet, sciendum, non hic de remuneratione æterna, sed temporali, nec de futuro, sed hujus vitæ præmiis sermonem esse. Quid post hanc vitam expectandum sit ethnicis, Theologus judicat, non Ethicus. Interim placent etiam Deo bona gentilium, his in terris viventium, opera ut auctori naturæ; et si non placent ut auctori gratiæ. Vid. Aretologia mea Christiana pag. 6. & 7.

S. D. G.


PROLUSIO
ACADEMICA

de

INSVLA FORTV-
NATA AB ARETO-
PHILO QVÆSITA ET
INVENTA,

Universæ Morum Philoso-
phiæ Summam complectens,
eaeque

Sub auspiciis Prælectionum publi-
carum ad Opus Aristotelis Ni-
comachium habendarum
olim recitata.



*Auditores genere & doctrina
nobilissimi florentissimique!*

Quod felix faustumque sit vobis
mihiq; me nunc iterum reci-
pio hanc in cathedram, & To-
cias vobiscum, DEO juvante, vires
jungo; ad excolendum porro studium
Philosophiæ Moralis; quæ Tullius
vitæ ducem, virtutum indagatricem,
vitiis expultricem vocat; non ne-
mo alius, vitæ nostræ gnomonem, a-
ctionum regulam, affectuum mode-
ratricem, animorum imperatricem:
sine qua non domus ulla aut municipi-
um, civitas aut respublica, gens aut
natio, populus aut regio, mundus ipse
aut rerum natura stare potest; unde
legēs exortæ, unde vitæ tranquillitas,
unde omnis denique humana Fe-
licitas ac Beatitudo. Scientiæ ve-
ro hujus præcepta non sine fructu
haurire queunt ex Aristotelico Libro-
rum Nicomachiorum Opere; cujus
dædaleam structuram ut feliciore pe-
de

de ingredi possetis, exhibui vobis sub finem anni præteriti Introductionem; ac nonnulla de Librorum Nicomachiorum Auctore, Inscriptione, Versionibus, Commentatoribus, aliisque, uti par erat, præmisi. Nunc antequam ipsi operi dextre ac perspicue explicando admoveamus manum, dissertatione quadam, florido ac Poëtico propiore dicendi genere conscripta, præludere placet de *Insula Fortunata ab Aretophilo quasita & inventa. Per Fortunatam Insulam* intelligo veram his in terris Felicitatem; per *Aretophilum*, Ethices ac Virtutis studiosum. Huic in itinere (præter frequentem precium ad Deum fundendarum usum) tres adjungam comites, *Eugeniam Palladium & Herculem*, h. e. bonam naturæ indolem, Doctrinam & Exercitationem. Tres enim hæc Virtutum Moralium Causas Humanas cōstituunt Philosophi Vos, Auditores nobilissimi lectissimique, ut & orationis meæ & itineris Aretophili cursum

sum, benevola vestra attentione, tanquam optatissimis remis velisque adjuvare velitis, majorem in modum con-
tendo.

Memoriæ non nemo prodidit potiora anni præteriti Memorabilia. Unum omisit præ cæteris commemorandum, quod e Græcia per literas mecum communicavit Mercurius. Docuerat publice Athenis in Lyceo felix cerebri Philosophus, nomine Palladius, insigni non minus acumine mentis quam admiranda facundia, ex Lib. I. Nicom. quod Omnia bonum appetant, Summique Boni cognitio homini in vitam maxime utilis sit & necessaria. Laudaverat insuper Insulam Fortunatam, sive cœlestia his in terris veræ Felicitatis tempe, ipsos Alcinoi & Hesperidum hortos amœnitate sua longe superantia. Placuerat quidem audientibus omnibus accuratissima æque ac jucundissima prælectio; apud paucos tamen rei commendatæ crescebat desiderium. Ita plerumque, dum verborum Veneres

res illudunt auribus, in animos haud penetrant rerum argumenta. Unus Aretophilus Boni illius fruendi magna inflammabatur appetitione. Ergo inter spissam auditorum Lyceo egredientium catervam, circumspicere primum, num quem animadverteret, cui hæssisset a lectione stimulus, & qui paria spiraret desideria: tum vero etiam sciscitari aperte, liberetne Summi illius Boni tam magnifice dilaudati, Insulæque Fortunatæ experiri delicias, ejusdemque investigandæ suscipere laborem? Sed incassum. Neminem unum ardor urebat veræ quærendæ Felicitatis. Itaque tacita commotus indignatione repetebat domum, fusisque ardentem ad DEUM precibus (succurrebat enim illi illud Epicteti apud Arrianum, *DEI memento! hunc adiutorem advocato & com-militonem; ut solent nautæ, qui in tempestatibus invocant Castorem & Pollucem!* ad iter hoc se comparans, rem omnem, ac speciatim animi sui decretum, enarrabat Eugeniæ, sorori

I 6

suæ

suæ a teneris unguiculis conjunctissima. Hæc nobile fratris propositum laudare, illum stimulare, impellere, longe majorem Boni tantopere prædicati cupiditatem accendere. Bene ac sapienter facis, inquit, frater mi, quod eximiam illam & generosam indolem, quam a majoribus hæreditario traxisti sanguine, vili intertia post fornicem corrumpi non sinas. Cogitas nempe, quantis imaginibus oneris, quot & quanta nomina sustineas!

*Est in juvene, in equis patrum
virtus; nec imbelem feroces
progenerant aquila columbam.*

Quin & ipsa tandem, mundi mulieris, annonæ, cæterique ad iter apparatus incuriosa, unâ cum fratris oculis chariore se dat in viam: & qua semita ad ortum Solis procedit, ambo iter auspicantur. Nondum oculis absceserunt Athenarum turres, & jam in urbe rumor increbuit Aretophilum patrios reliquisse Lares, & nupera Philosophi concione accensum, ad Fortunam

tunatam Insulam iter suscepisse. Isque ipse nuntias ad Palladii aures mox ad-
volabat ; qui , quod Aretophili ani-
mo , quæ aliis erant sola aurium deli-
nimenta , calcar addidissent ad quæ-
rendam *Eudamorian* , quanta perfunde-
batur lætitia , tanta simul sollicitabatur
cura , Aretophilum fortasse , juvenem
adhuc , viæque ignarum , a recto Iti-
neris tramite aberraturum. In pedes
igitur se conjicere Præceptor fidelissi-
mus , discipulum properanter inse-
qui , eum , veluti pastor , quærere ovi-
culam , statimque postridie invenire.
Silvula erat jucundis vestita arbore-
tis , variosque inter calles amœno er-
rore in juga sua surgebat & deprime-
batur. Illuc placebat Aretophilo
cum *Eugenia* divertere , primum , ut
locum formam curiosis lustraret ocu-
lis , dein ut fessum quoddammodo cor-
pusculum sopore modico inter arbo-
rum umbras componeret. Placidum
itaque capiebat somnum , ex quo tamen
non multo post ab adventante Palla-
dio suscitabatur ; qui , Ecquid agis ,

exclamabat, Aretophile? Quis Deus, aut quis ventus te huc adegit? Expergefactus juvenis, ac vocis probe gnarus, ô Numen faxit, ut ne procul sit Palladius! ingeminat. Et jam a tergo stantem respiciens, surgit, veneratur, amplectitur, remque aperit omnem, se nimirum cultissima ipsius doctrina stimulum, una cum sorore Eugenia Insulam quærere tam graphice nuper descriptam; & cum sint ignari viarum, jamque incerti, an colles isti sint conscendendi, an progrediendum in vallibus, ipsum divina plane virgula, ac veluti locum tempusque cœundi condixissent, huc pervenisse. Adhæc rogat, ut lumen de suo accendat lumine, comiter viam monstret; spondetque, se, cum sorore, sine ulla secuturum controversia. Approbat Palladius laudabile mentis propositum, & se, quod Ulyssi Minerva futurum promittit; porrigit dextram, addit animum, omni que sopore ab oculis absterfo, Non hinc tantum colliculi & saxa sterilia, sed longe

longemajores exsuperandæ sunt difficultates: esto tamen bono animo; duce DEO crebrius invocando, meque comite, omnia oppugnabis & expugnabis discrimina! dixit; & ut facundia sua, inter eundem scandendumque uteretur Aretophilus pro vehiculo, porro est sermocinatus: Bonum factum, Aretophile! quod mature inquiras in scopum illum, ad quem omnes vitæ nostræ actiones debent collineare. Sequeris nempe monitum Poëtæ:

*Est aliquid, quo tendis, & in quo dirigis
arcum?*

*An passim sequeris corvos testaque
lutoque
securus quo pes ferat, atque ex tempore
vivis?*

*Hebeborum frustra, cum jam cutis agra
tumebit.
poscentes videas; venienti occurrite
morbo!*

Inditus est omnium mortalium animis boni cujusdam appetitus. Ut elementa propendent ad centrum, helio-

heliotropium ad Solem, fertum ad magnetem, magnes ad polum; ita hominum actiones tendunt ad finem; sed non ad unum. Propellitur miles in campum, fert esuriem ac sitim, excubias & pericula, madet cruore & sanguine, ut prædam sortiatur & gloriam ac victoriam. Currit mercator per adriaticum Tyrrhenumque mare, per tot naufragiis infamem Oceanum; pugnat cum procellis ac tempestatibus, Syrtibus obluatur & Acrocerauniis, ut colligat sibi opes ac divitias. Paucorum conatus est, paucorum cogitatio, qui ad veram pertingere possunt Felicitatem. Non diffiteor, arduum esse iter ad Insulam illam Fortunatam, multisque obnoxium difficultatibus. Est enim hæc similis opulentæ isti Scythiæ regioni, sed quam armati custodiunt gryphes; horto Hesperio, sed ad quem venenatus draco pervigilat; campis Elysiis, sed qui trifauce latratu Cerberi præmuniuntur; tranquillo portui, sed per æstuantem maris tempestates obtinendo;

do;

do, sereno diei, sed ad quem nisi per densam noctis caliginem pervenitur. Te tamen ab illius amore non prohibeant gryphes, non avertat draco, non absterreat Cerberus, non remorentur tempestates, non confundat caligo: quin tandem occupes hanc regionem, ingrediaris hunc hortum, emetiaris hunc campum, obtineas hunc portum, fruaris hoc die! Mellea hujus & aliorum colloquiorum suavitas edulcabat non tantum collis ascensum, sed & breviorē reddebat spatiosam nec inamœnam illam planitiem, quæ se porro ad horrendum senio nemus extendebat. Hujus ad ingressum herosæ magnitudinis Vir cubabat, seminudus, ac leonina pelle amictus, severa fronte, oculis in civitates abeuntibus, callosis manibus, latis humerorum tractibus, verbo, Gignanti quem homini similior. Ad cujus aspectum cum Aretophilo albescerent labra, Quid hæres attonitus? inquit, Hercules sum, Laboris ac Virtutis frater. Utrique assuevisti a teneris.

Non

Non ego verbis mentis tuæ interpre-
tibus! Ex illorum relatione jam co-
gnovi, quæ animum tuum coquant
desideria, qui itineris suscepti causa
sit. Frater ille meus ac soror huc me
miserunt, ut tertium me tibi comi-
tem adjungerem: sine quo pertinge-
re eò vii poteris, quo tendis! Obstu-
puit tantæ Heroris affabilitate Areto-
philus; cumque multas agere vellet
gratias de cura sui causa suscepta,
sermonem interrupuit Hercules, ma-
numque prehensens, Abstine, ait,
verbis; ac factis meditata prosequere!
Et quia per infestam latronibus
silvam transeundum est, clavam hanc
accipe, quâ tot confecti monstra Ego
hasta communiam dextram, quâ sæpe
Martem, sæpe Palladem, sum comita-
tus. Armis hic opus: sed & opus
meo auxilio!

O silva funestum theatrum

tot juvenum tragicaque scena

ploranda fragis!

Quænam erga tantorum malorum
hac in silva causa? subjecit Aretophi-
lus:

Ius: Quis hostis tantæ crudelitatis? An mihi paria formidanda sunt discrimina? Præstabit igitur cœptis desistere, quam ea audere, quæ superare non possim! Hæc dicenti pallor ora, tremor artus occupabat; cum blando arrisu Hercules: Ne metue, inquit, Aretophile; per eadem quidem enitendum tibi pericula, sed feliciore successu. Multis malorum suorum causa fuit Juventus, uti latentium periculorum ignara, ita coercendis freni impatiens. Dum sine duce, sine comitibus aggressi sunt iter hoc, amplexi sunt pro virgine cervam, & incauti perierunt. Tu vero quid times? Eugenia, Palladius & ego tecum! *Venies, videbis, vinces!*

Hæc dum diceret, præcipitavit repente dies, & sepultus Oceano Phœbus silvæ noctem geminavit. Ac primum fuisset per abeuntes in latibula semitas aberrare, nisi Hercules toties a setritum callem probe calluisset. Sive metus tamen, sive cuatela fuit Aretophili, oculos per ipsos tenebras circum-

circumferebat gnaviter, si quid forte vel sævum occurreret, vel amabile obviaret. Cum eminus conspicaretur lumen de fenestra ignoti ædificii promicans, interrogabat comites, num hic forsan ad silvæ marginem jam essent constituti? Multum, inquit Hercules, viæ adhuc superest, donec ad istud perveniatur palatium, in quo habitant crudeles illæ belluæ, *Hedone & Poneria*, quæ lucum infamant cædibus, totque dispergunt funera, quæ hic spectantes, si faveret dies navibus tamen mox invitus senties, Indolles illarum est blandiri, jocari, ridere; & quicquid oblectamenti vel oculum fascinat, vel aures occupat, vel palatum inescat, solent objicere, dæmonasque amplecti, ut strangulent. Subjecit altero ex latere Palladius: Multa ex me audivisti de periculoso Ulyssis itinere de Circe, de Sirenibus. Hic, hic habitat famosa ista Circe, cujus poculo fascinati mortales, brutorum stabulis mancipantur; hic blandientes

res habitant Sirenes, quæ fallaci suadela peregrinantibus rationis lumen extinguunt, ut ad scopulos non observatos infami tumultentur naufragio. Cave ergo, cave earum captari blandimentis; & crede mihi, mella, quæ propinant, fella sunt, quæ ubi suaviter per ora illapsa fuerint, viscera intimiora crudeliter dilaniant. Illarum arrisio est irrisio, qua Virtutum actiones & miracula in ludibrium vertunt. Illarum joci sunt foci, quibus tandem omnis amasiorum suorum splendor in cinerem exurit. Illarum munera funera sunt, & cumuli tumuli, quibus amatores ipsarum vivi etiam sepeliuntur. Qua ergo ratione, qua via evadam ego portentorum horum furorem? inquit Aretophilus. Cui Hercules: Hæc quam a me accepisti, clava,

Erymanthiam vastificam abjecit belluam;

*hæc a Tartarea tenebrica abstractum
plaga*

tricina

tricipitem eduxit hydra generatum canem.

*Hæc interemit tortu multiplicabili
draconem, auriferam obtutu observantem
arboreæ:*

hæc ista quoque prosternet monstra.
Tu modo intentum mihi, intentum
Palladio oculum & animum habe!

Ubi sensum palatii imminuerunt
foribus, ecce illic profiliit mille Gany-
medium & Cupidinum accensas faces
manibus ferentium agmine stipata
mulier, habitu comto ac specioso,
quali Helena Paridi suo obviam præ-
cessisse dicitur. Frons illi ampla ra-
dices capillorum retro flectens crines
ignibus & novaculis crispatis, tricatis,
quadratis, violisque inflexi, rosisque
innexi; supercilia rasa, & fallaci sti-
bio coarctata: oculi prægrandes & lu-
dibundi, fulgurantes pupillæ, genæ
pictæ, osculum angustum, cervix alba
& gemmarum deliciis ferox, mamillæ
nudæ, & in frontispicio pectoris ad ten-
tandam spectatorum pudicitiam pro-
minentes, vestis versicolor, atque inve-

verecunde supra furas volitans,
ec amice salutatoſ, hoſpites per
ille verborum veneres & ſermonis
andimenta invitat, velint ſubire
ſtum & noctem ſecuram ducere.
on detrectarunt diu hoſpites; quos
on tam alliciebant invitantiſ leno-
inia, quam deſignati facinoriſ ac cæ-
iſ opportunitas. Sequuntur ergo,
ngrediuntur: & ecce ad introitum,
tantuſ lyræ, mulierum chori, vina,
icui, mella, & quicquid calcaverant,
roſa erat. Juraffeſ Aretophiluſ, ſe
nunc appuſſum ad Inſulam Fortuna-
tam, niſi ex Palladio jam didiciſſet,
hoc eſſe domicilium *Hedoneſ* ſeu *Volu-
ptatiſ*, juratæ Virtutiſ inimicæ. Intuſ
abſcendebant in ſemetipſa conclavia,
& longo ordine alterum altero ex-
cipiebatur. Ac primum quidem erat
conclave Veneriſ; in quo Amoreſ,
Deliciæ, Leporeſ, Riſuſ, Joci, cætera-
que Hilaritatiſ illiceſ. Solio inſide-
bat Regina Venus, & juxta illam cu-
babant late circum, mollibuſ lectu-
liſ inſtrati, Priapuſ, ſubjuguſ, Vir-
ginenſiſ,

ginensis, & reliqua obscœna nomina. Disputabat inter hæc Aristippus de Summo Bono, consistente in voluptate corporis; atque ingeminabat suum Thalassio! Thalassio! In altero conclavi Baccho litabant & Cereri epulones, lurcones, Heliogabali & Apicii. Aderat cum Saturitate soror Ebrietas, crine fluxo, rubentis Auroræ vultu; & manu thyrsum quatiebat. Quid multis? Luxus hic Sybariticus, cupediæ Asiaticæ, & catenata Symposiacorum hilaria. In tertio nil nisi aurum, argentum, gemmæ, gazæ Arabum, patrimonia Cræsi Crassique, talenta Midæ, Tagi Pactolique arenæ, & mille Persarum, Indorum, Pervanorum, Brasiliensium thesauri. In quarto fulgidæ micabant coronæ, sceptræ, diademata, purpuræ, tiaræ, paludamenta; aliaque honorum insignia. Et quis omnia enumeret? Ad postremum ubi perventum, ex quo longior conclavium series in alterum regię latus aperiebatur, ecce illic occurrit ingredientibus
mulier

mulier alia, etiam reginæ instar, splendide vestito gynæceo, atque ingenti ancillarum, plerarumque tamen larvatarum, stipata grege. Hæc heroæ, ut videbatur, staturæ Camilla, & ipsa peruncta stibio, tinctisque superciliis, vultu ad modestiam violenter composito & comi affatu, sed brevi, hospites ad interiora deducit penetralia. Inter eundem insusurrabat Palladius Aretophilo in aurem, hanc *Poneriam* esse, sive *Malitiam*; comites vero varia esse vitia, sub larvis virtutum incautos fallentia. Nôsti, inquit, Sene-cæ illud: *Vitia nobis sub Virtutum nomina obrepunt. Temeritas sub titulo Fortitudinis latet, Moderatio vocatur ignavia; pro cauto timidus accipitur; in his magno periculo erramus.* Mox conclave pandebatur plusquam regio instructum apparatu; mensa varias epularum scenas exhibebat, crateres insuper aureos, argenteos, & vasa ex pretiosiore quaque argilla testacea, vitra etiam capacissima, hospitum saluti consecrata. Instat ficta comitate Poneria, ut vel modico cibo ac potu restaurent vires, quo-

K

blan-

blandior somnus succedat. Excusant hospites priorum noctium vigilias, & stomachi his inassueti nauseam; spondent tamen, si non gravis sit hodie domina, sequentem in diem se hisce fru-
turos. Læta responso Poneria, quod diurno furore & cædibus patratis lassæ ad somnum jam inclinaret, interea vero tempus nancisceretur in crastinum differendi victimas, alterius in lateris recessibus tumentia plumis strata monstrat, quibus ad mollem soporem invicentur. Ergo quietæ noctis voto salutaros deserit hospites, & ad sua sese recipit conclavia. Mandat interim medicarum parari vinum, quo ad crastinas epulas temulentiam infundat hospitibus tandemque solita credelitate conficiat.

Verum Aretophilo somni oblivionem fecerant sollicitudo atque haud dubia instantis periculi argumenta; magis tamen desiderium patranda cædis, quam instinctu Herculis moliebatur. Ergo brevi consilio rem omnem digerunt, occasionem explorant, tempus, quo in somnum cadat Poneria, operiuntur. Forte
dum

dum aulae submovent a fenestris, in librum incidit Aretophilus, cujus a fronte titulus :

Ars evertendi Regnum virtutis.

Quem dum legeret, Mira, inquit Palladius, reperies Aretophile, & quæ qualiaque dogmata sint Poneræ vel ex indice intelliges. Legit proinde juvenis funestum indicem, volante tamen oculo, sine ordine, & ut pagellæ venerant in manus: v. g.

Quod Deus cuique sua sit mens, suusque genius.

Eam religionem sequendam esse, in qua laute, quis possit vivere.

Felicitatem mundanam consistere vel in Voluptate corporis, vel in Divitiis, vel in Honoribus, prout cuique libitum fuerit.

Quod siâa virtute aque feliciter gubernentur regna, quam vera.

Quod seu vi seu dolo opprimendus sit, quisquis præ te ad felicitatem nitatur.

K 2

Quod

*Quod otium juventuti sit indulgendum,
& exterminanda omnia literarum
studia.*

*Pocula letitiae sine discrimine esse li-
cita, etiam amatoria, abortum
promoventia & propinquantia vene-
num.*

*Lupanaria & prostibula tolerari omnino
debere.*

*Magnam esse laudem fingere vultum, si-
mulare, dissimulare: & qui fallere
nescit ac mentiri, sapientis nomen haud
mereri.*

*In omnibus actionibus semper respi-
ciendum esse commodum privatum.*

Hæc & hujus farinæ plura cum legis-
set Aretophilus, indignatione tandem
commotus, noxium impiumque libel-
lum vi, qua potuit, in minuta dilacerat,
& non sine intima Palladii voluptate,
per fenestram ventis in mare Ca-
spium ferenda folia dispergit, ac
mille diris tam nefariæ doctrinæ
auctorem infectatur. Hoc dum
agit,

agit, ecce profunda ē fossa, in quam
 prospicere licebat e fenestra, audit
 moribundi hominis gemitus & ejula-
 tus. Quem inclamat Aretophilus :
 Quid tu ? quo vulnere jaces aut infor-
 tunio ? Is ululante voce : Heu juve-
 nem me infelicem ! Fortunatam quæ-
 sivi Insulam ; in miseræ barathrum in-
 cidi. Inebriavit me Hedone, hucque
 præcipitem egit Poneria. Et ecce
 morior ! Non mea unius hæc clades est ;
 jacent peremti mille, quos error suus
 huc pertulit. Ivi sine duce, ducem se-
 cutus atatem, quæ ut delectabilium
 est avida, ita eventuum est improvida.
 O quisquis es ignotus hospes, vel gra-
 dum reprime, vel expertos duces assu-
 me ! Moriente commoneo ; meo pe-
 riculo sape ! dixit & expiravit. Ubi mox
 Palladius ad Aretophilum : Hunc ha-
 bent exitum, qui nos fugiunt duces.

*Molle ostentat iter via lata ; sed ulti-
 ma meta
 præcipitat captos, voluitque per ardua
 saxa !*

Disce , Aretophile , & duces pati & sequi!

Interea vero nox ad gallicinium pervenerat ; & sopor altus regiam omnem ad silentium composuerat . Solus audiebatur ronchorum tractus ; & is , quantum ex cubiculorum compage argui poterat , a Reginae conclavi videbatur prodire . Ergo tempus designato facinori jam adesse rati , de obtruncandâ Poneria amice conjurant ; & ad regiâ conclavis fores nullo custode munitas , duceronchorum sono , perveniunt . Attollit summo silentio pessulum Eugenia ; spectantq ; per reductas jam fores , *Poneriam* ad tenuem lychnum libro (Speculum Vitiorum erat) incubantem ; quod forte vel inopinantem somnus oppreserat , antequam vestimenta poneret ; vel , quod credibile magis arbitrabatur , ut maturnis se ad meditatam hospitum cædem expediret . Tum Palladius & Hercules tacite in aurem Aretophilo :

Nunc animos , nunc sume pares ad grandia facta

vires !

*vires! Herculeamque fero capiti imprò-
me clavam!*

*Casaque Lethæis succedat victima flam-
mis!*

Admoverunt pedem silente passu;
Hinc Palladius consistit minace telo, in-
de Hercules appressa ad latus dormien-
tis hasta, ut, si forte expergeret, re-
pente adacto vulnere opprimeretur.
Aretophilus interim expeditissime cla-
vam librat, tantaque vi Poneriæ capiti
imprimit, ut dispersum late cerebrum
parietibus adhæserit. Stitit ronchos
aufugiens spiritus, & corpus, ut erat a
fella in mensam inclinatum, man-
sue immotum. Confestim nemine obser-
vante recedunt, & oppressulatis foribus
ad sua redeunt animosiores. Hic Are-
tophilus rubrica inscripsit Julianum
istud, VENI, VIDI, VICI.

VENI

ducente & comitante EVGENIA;

VIDI

*circumspecto ac intento in PALLADIUM
oculo;*

K4

VICI

VICI

Virtute clavaque HERCULEA.

*Quicumque sequeris,
sine ducibus his iter hoc non ingre-
dere*

*Hoc monstri genus ex Hydra semine
est;*

*Quotannis occiditur, & quotannis
repullulat.*

Dum vero de virili hoc facinore Eugenia, Palladius & Hercules Aretophilo gratulantur, visa est Aurora ad horizon-
tis limbum radiorum suorum explicare
primitias. Ergo monet Hercules col-
ligere vasa, & iter proseguere. Ad palatii
posticum iterum nullus vigil, excubiæ
nullæ; pertinace tamen sera mordentes
sefe valvæ egressum prohibebant. Fores
Insania, cujus curæ concreditus erat po-
sterior ædium aditus, molli digito pul-
sat Aretophilus; sed quæ in adultum
diem sternere assueverat, sonitum non
accepit. Pulsat violentius clava, & mo-
mento recedunt valvæ. Evigilaturam
credebant; quæ tamen nihil turbata,
utram-

utramque in aurem dormiebeat. Jacabant circumcirca Furor, Rixæ, Vomitus Morbi.

*Et subita Mortes, atque intestata
Seneſtus.*

Perimere & hanc licuiſſet colluviem, niſi eam tam late toto orbe diffuſam cogitaſſent, ut ſingulis horis nova inde malorum lerna emanaret. Ergo clavem de menſa accipit Aretophilus, ac majores palatii fores aperit, ut cum comitibus abit, excedit.

Nulla mora obſtabat amplius, nullum ab his monſtris periculum metuendum. Et jam e ſilvæ margine per modicam camporum planitiem primo diluculo progredientibus objiciebat ſe mons horridus & imprimis altus, cujus aditus aſper & per anguſtus, cacumen vero ſtructura magnifica cernebatur coronatum. Hæc ad Domicilium Virtutis via eſt, ait Aretophilo Palladius.

*qua dextrum petit ardua caſtem,
difficilemque aditum primum ſpectantibus
offert;*

K 5

ſed

*sed requiem præbet fessis in vertice sum-
ma.*

Unicum hoc discrimen adhuc superan-
dum, & rupes ista, quam vides, magno
animo conscendenda. Nosti illud:

Gaudent sudoribus artes,

*& sua difficilem reddunt ad limina
cursum.*

Ita pariter Virtutes; quarum laureæ
non veniunt dormientibus nec palmæ
otiosis. Eundem per noctes ad diem, per
labores ad quietem, per aspera ad astra.
Dumque sole jam orto monti appropin-
quarent, Invia, pergit Palladius Virtu-
ti nulla est via; atque ea nobilium ani-
morum indoles, quæ magis arduum est
ad gloriæ culmen iter, eo ardentius, ad
fastigium eniti. Jamque inter scanden-
dum Hercules porrigebat manum, ut-
que bono esset animo, hortabatur Are-
tophilum; Palladius vero epera protra-
xerat Cebetis Tabulam, atque interim
mallitis verborum globis, sesamo qua-
si atque papavere sparsis, ejus partem
impri-

imprimis postremam explicabat, quæ viam pariter asperam ac præruptam ad Salutis domicilium pandit; ubi geminæ tamen sorores. superius in rupe stantes, Tolerantia & Continentia, manus ad ascendentes alacriter extendunt, & una cum Fiducia, Fortitudine, Consolatione & Animositatē, expeditam dein viam ad laudatum exoptatumque domicilium ostendant. Dumque inter dulcia hæc sapientis doctrinæ & suadæ lenocinia masculaque pariter Herculis hortamina & solamina, ad rupis supremam eamque difficillimam aditu partem pertigissent, suaviter ac modulate cecinit Eugenia:

Labor constat, quicquid amabile est;

Bello triumphus, metaque cursibus.

lucta corona, portus ira

Oceani, decimeque fluctu.

Sudore constat, quicquid amabile est.

Intende gressum, qui petis arduam

Virtutis arcem ; intende gressum !

Ut pyriis animata nimbis.

*Gravi reclusam torquet anhelitu
pestem nitrati machina pulveris,
ruptoque querens are callem
fulmineo lacerata sternit :*

*Fatalis ictu mania : Pectoris
sic gloriosi pervius invias
tentare metas urget ardor,
Caucasea Rhodopesque firment :*

*Seu valla cautes , murus abeneo
seu duplicatus terreat aggere
irrupit audax , perque stratas
indomitus volitat ruinas.*

*Sudore constat , quicquid amabile est.
Firmate gressus ! Surgite , surgite !
Quicumque non parcat labori,
grande feret pretium , coronam.*

Postquam hæc jucunde scienterque
decantasset Eugenia , jamque culmen
montis feliciter superatum esset, parum
adhuc viæ, sed æque ac planæ, restabat,
quæ Aretophilum hujusque comites ad
magni-

magnificum Virtutis domicilium recta deducebat. Æstum solis solabantur proceræ palmæ ac lauri, quæ scenarum in modum pulcherrimo ordine utrinque surgebant, & fluitante sua cæsarie mites flagellabant Favonios. Propinquior jam augustæ moli Aretophilus Inscriptionem, quam superne Tabula ex ære polito ostendebat, cupidius lustravit perlegitque oculis.

DOMICILIUM VIRTUTIS

in monte positum, & hinc orbi expositum.

*Huc adeste hospites,
quibus caput integrum est.*

*Non timete vertiginem,
qui Virtutis callem inceditis;*

*per angusta & angusta,
per spinas ad rosas,
per saxa & vepres,*

*ad palmas laurusque ducit.
Aureus hic mons est,*

animis aurum, non manibus, eruite!

Sacra hæc aurifames est.

Perle&is hisce, summa reverentia aper-
tam intravit januam Aretophilus, & in
atrio inter plures alias Apellis & Parr-
hasii picturas, duodecim Herculis la-
bores exquisita arte & industria depi-
ctos admiratus est. Hos tibi (Hercules
ajebat Aretophilo) Palladius inter-
pretabitur; ego in Fortitudinis concla-
ve me interim recipiam, patronam me-
am, ea, quam ipsi debeo, fide veneratu-
rus. Qui dum paulisper discesserat. Ergo
oculos animumque arrige Aretophile
inquit Palladius, & e certaminibus Her-
culis, quorum ille, cum clavâ tibi suam
in itinere commodasset mentionem jam
injecerat, addisce, tibi quod ex usu fiet.
Nempe enim Hercules perdomuit Leo-
nem Nemæum; nos impetum animi
iræque furorem franis & catenis com-
pescamus. Hercules dimicavit cum hy-
dra Lernæa; nos cum mendaciis falsis-
que do&toribus gloriosum certamen
subeamus. Hercules aprum superavit
Ery-

Erymanthium; nos stuporem ingenii, traditatemque & inscitiam exsuperemus. Hercules cervam occidit Cerauniam; nos timiditatem, metum, desidiam, propulsemus. Hercules aves profligavit Stymphalicas; nos arrogantiam & jactationem fugemus, spesque aureas & inanes abjiciamus. Hercules bellavit cum Amazonibus; nos audaciæ & intemperantiæ bellum indicamus. Hercules Augiæ stabulum repurgavit; nos a vitiorum sordibus, immundarum voluptatum cœno, & errorum fœditate, mentes animosque nostros perpergemus. Hercules taurum in luctatione cum Antæo compressit; nos petulantiam, superbiam, perturbationum insolentiam ac tumorem, frangamus, debilemus. Hercules equos prostravit Diomedæos; nos cum libidine, lascivia & ferocia, magno animo delustemur. Hercules in pugna Geryonem vicit tricorporeum; nos pugnemus cum triplici monstro, concupiscentia carnis, concupiscentiæ oculorum, & superbia vitæ. Hercules conficta-

fiētatus est cum dracone ante hortos
Hesperidum; nos cum dracone Sty-
gio, veram beatitatem nobis inviden-
te, fortiter conflitemur. Hercules
depugnavit cum Cerbero tricipite; nos
cum mala fama, mala conscientia & de-
spiratione decretemus.

*Certandum est; nulli veniunt sine Marte
triumphi,*

*& nisi certanti nulla corona da-
tur.*

*Est Deus, est ather pretium certaminis:
hujus;*

*hec faciant pugnam præmia tanta:
levem.*

Quæ cum edisseruisset Palladius, Me-
moriam, inquit Aretophilus, contineo
has duodecim Herculis Ærumas, ab
Ausonio rotunde descriptas:

*Prima Cleonæi tolerata ærumna:
Leonis.*

*Proxima Lernaam ferro & face con-
tudit hydram.*

Mox

Mox Erymantheum vis tertia per-
culit aprum.

Aripedis quarto tulit aurea cor-
nua cervi.

Stymphalidas pepulis volucres di-
scrimine quinto.

Thrëiciam sexto spoliavit Amazo-
na baltheo.

Septima in Augëis stabulis impen-
sa laboris.

Octava expulso numeratur adorea
tauro.

In Diomedeis victoria nona qua-
drigis.

Geryone extincto decimam dat Ibe-
ria palmam.

Undecimo mala Hesperidum distri-
cta triumpho.

Cerberus externi suprema est meta
laboris.

Posthæc in Domicilii interiora ubi pe-
netrassent, deprehendebant ante fores
habitaculorum quæ, Virtutes incolunt,
harum

harum imagines a Zeuxide scitissime pictas, singularum formam & habitum repræsentantes. Ubi præ cæteris omnibus conspiciendam se præbuit PIETAS, matrona capite alata, tunica nigra talarum induta, dextra crucem, sinistra thuribulum tenens. Succedebant reliquæ ordine Aristotelico: ac primum quidem FORTITUDO, heroina quernio ferto coronata, militari sago induta, & paludamento in tergum reiecto, hastam dextra elevans; ævoque brachio firma in basi quiescens. Deinde TEMPERANTIA, virago frondibus pinum (arboris casta olim Sacerdotum templa ornantis) redimita, alba veste amicta, vinum aquæ miscens. LIBERALITAS, puella hilari fronte, alata dextra catenam auream, sinistra Cornu copiarum tenens. MAGNIFICENTIA, ut regina, veste aurea adornata, & imperiali cincta diademate, pecuniam populo large spargens. MAGNANIMITAS rictu leonis pro casside tecta, dextra sceptrum, sinistra aquilam præferens, Solis radios irretorto

torto vultu intuentem ; ac pede globum terræ calcans. **MODESTIA**, puella gratiosa, habitu simplici sed honesto coronas aliquot humi inversas, & plura *εμψλιακ* despiciens ; sunt in proxima instrumenta varia, gnomon, circulus, cribrum & rastrum, antiquitus ipsi tributa. **MANSUETUDO**, oleagino ornata ferto, agnum tenellum ulnis fovens. **HUMANITAS**, virgo hilari vultu, veste candida floribus conspersa, sertum myrteum capite, manibus catellum blandientem mulcens. **VERACITAS**, nuda brachia & lacertos, sed & proxima pars pectoris patet ; cæterum velo cincta subtilissimo, dextra speculum, sinistra Solem complectitur : capiti columba insidet. **LIBERITAS**, veste recta versicolore, linguam sale condiens. **JUSTITIA**, reginæ instar, aureo coronata diademate, velatis candida fascia oculis, dextra nudatum gladium ; sinistra bilancem ferens. Ab altero latere curiosiores Aretophili oculos ad sui spectaculum trahebant Virtutes aliæ præstant.

stantissimæ, a Stagirita silentio prætermis-
 sæ: videlicet *FORTITUDO* *TOGATA*,
 heroïno splendente Romanorum to-
 ga induta, quæ leonem a dextris se-
 dentem moderatur freno, sinistra co-
 lumnâ amplectitur. *CLEMENTIA*,
 benignissimæ principis instar, argen-
 teo amictu adornata, dextra olive
 ram gerens, læva mulcens Del-
 phinum, cujus viscera felle dicuntur
 carere; antepedes jacent gladii, flagel-
 la, fasces consulares, *Αὐτάρχεια*, seu
SUFFICIENTIA, mulier brachiis
 & pedibus nuda, modica honestaque
 tunica, manu thymbram sive sature-
 jam gestans, & comitata chamæleon-
 te; quod animal vento ali ac vivere,
 sibi que adeo sufficere, creditur.
TACITURNITAS, matrona ora indi-
 cem apprimens, tecta veste auribus
 oculisque plena, & annulum gestans
 signatorium, cui figura Harpe cratisi in-
 sculpta *SEDULITAS*, puella lau-
 ro coronata, vestem succincta, alte-
 ra manu calcar sustinens, altera ho-
 rologium. *CHARITAS*, sive Phi-
 lan-

anthropia, virgo ridibundo amabili-
 ue vultu, toga rubra aureisque inter-
 incta flammulis amicta, stans ad ar-
 gentem Vestæ focum, ac pusionem
 suaviter osculans. *CONCORDIA*,
 lexta sagittas aliquot albo fune colli-
 gatas, læva cornu Amaltheæ gerens;
 caput oleaginea cingit corolla. *HOS-
 PITALITAS*, mulier liberali fa-
 cie, sermo velata ex latis platani foliis
 contexto, quæ arbor divertentes sub
 e peregrinatores umbra gratissima re-
 creare solet; manu altera capaciorem
 cyphum, altera dimidiatam gestat tes-
 eram. *GARTITUDO*, puella fi-
 lo stipata cane, dextra manu ferens
 iconiam, sinistra indicem intendens
 ad agrum fertilem, qui plus reddit,
 quam accepit. Ad plura ejusmodi
 virtutum, ut *Parfimonia*, *Officiositas*,
Misericordia &c. simulacra lustranda
 cum oculos animumque appellebat. A-
 etophilus, ecce *Pietas*, *Humanitas*, &
Hospitalitas suis egressæ habitaculis,
 hospitem novum, una cum comiti-
 bus, comiter excipiunt, eosque si-
 mul

mul in elegantem mundamque diætam
introducunt, ubi jam congregatæ sta-
bant Virtutes cæteræ, ac redux & Saga-
tæ Fortitudinis Latus stipans Hercules.
Processerunt ordine suo omnes, am-
plexæ Aretophilum, & ex eo quæren-
tes, quo nomine quave patria esset?
An præteres errore vel consilio huc
appulisset? Ille ex Græcia se venire
respondit, arasque & focos patrios in-
dicavit; adhæc nomen, genus, itine-
ris hujus caussas, comites, exantla-
tos in eo labores ac pericula, adeo
meditate distincteque commemoravit,
ut, præter suadæ dulcedinem, juvenis
hujus ætas, forma, habitus & arcanus
luminum vigor, omnibus perplaceret.
Mox *Hospitalitas* gratissimorum hospi-
tum pedes lavare, ungere, ac blandis
mellitisque verbis eos ad capiendum
cibum potumque invitare; quo vi-
res lassitudine fractæ reficerentur. Ac-
cubuerunt post paulo omnes, & Pietas
ac Temperantia sedendo latera cinxe-
runt Aretophili; Fortitudo gemina
Her-

Herculi, Veracitas Palladio, Charitas
& Humanitas Eugenia comites se præ-
buerunt. Frugi ac nidibus aderat epu-
larum apparatus, in luxum tamen mi-
nime diffuens. Non hic cernitur ales
Phasiacis petita Colchis, atque Afræ
volucres, & ultimis ab oris attractus
scarus, inquit Temperantia Aretophi-
lo; qui promte illi respondebat ex
Seneca: suo Ecquid opus est tot arti-
bus ventri servientibus? quid merca-
turis? quid vastatione silvarum? quid
profundi perscrutatione? Passim sup-
petunt alimenta, quæ rerum natura
omnibus locis disposuit. Placet cibus,
quem nec parent familiæ, nec spectent;
non ante multos imperatus dies, nec
multorum manibus ministratus sed pa-
rabilis facilisque, nihil habens accersiti
pretiosive, nec patrimonio gravis nec
corpori, nec rediturus, quæ intraverat.
Neque adest quidem, subjungit Pietas,
vinum Cæcubum, non Falernum, non
Lesbium, nec præsto sunt veteris po-
cula Massici; bona tamen esto animo,
Areto-

Aretophile, & Craterem hunc mysticum accine, fabuloso illo Mercurii longe dulciorem; hoc enim nostro animus, si quid in eo mali residuum, purgandus est ac divinitati immergendus. Hoc ex cratere qui bibit, non sitiet amplius; & nascetur inde fons aquæ salientis in vitam sempiternam. Sumsit eum hospes venerabundus; & ab haustu illo omnis in oculis caligo, omnis in genibus lassitudo, omnes in mente perturbationum reliquæ extinctæ. Pergebat verò amplius loquendo Pietas, ac de Amore Dei, sive Officiis hominis erga Deum, fuse differebat; quam exceperunt Temperantia, de Officiis hominis erga se ipsum, & Charitas de Amore erga proximum, pie sapienterque sermocinantes; atque Aretophili simul progressus hoc in studiorum studio cautissime explorantes. O quam pulchrum illud, quam dulce secretum! quam sancti Socraticique sermones! quantum ibi sapientiæ, probitatis, quantum antiquitatis, quæ facta, quos viros

viros audias! quibus præceptis imbu-
are! Ita colloquiis suavissimis vesp-
era extendebatur, & quanquam longis-
simus dies, cito condebatur. Soluta
convivio, post decantatas Divino Nu-
mini grates, dum ex hospitibus que-
rebat Hospitalitas, an membra quieti
dare vellent? animo secum volvit,
& clare mox recitavit Aretophilus
ἀνδράσι illam Πυθαγορικὴν:

*Vir bonus & sapiens, qualem vix
repperit unum
millibus e multis hominum consultus
Apollo,
Iudex ipse sui, totum se explorat ad
unguem.*

*Nec prius in dulcem declinat lumi-
na somnum,
omnia quam longi reputaverit acta
diei.*

*Qua prætergressus? quid gestum in
tempore? quid non?
Cur isti facto decus absuit aut ratio
illi?*

*Quid mihi præteritum? cur hac sen-
sientia sedit?*

harum imagines a Zeuxide scitissime pictas, singularum formam & habitum repræsentantes. Ubi præ cæteris omnibus conspiciendam se præbuit PIETAS, matrona capite alata, tunica nigra talaribus induta, dextra crucem, sinistra thuribulum tenens. Succedebant reliquæ ordine Aristotelico: ac primum quidem FORTITUDO, heroina quernō ferto coronata, militari sago induta, & paludamento in tergum reiecto, hastam dextra elevans; ævoque brachio firma in basi quiescens. Dein TEMPERANTIA, virago frondibus pini (arboris casta olim Sacerdotum templa ornantis) redimita, alba veste amicta, vinum aquæ miscens. LIBERALITAS, puella hilari fronte, alata dextra catenam auream, sinistra Cornu copiarum tenens. MAGNIFICENTIA, ut regina, veste aurea adornata, & imperiali cincta diademate, pecuniam populo large spargens. MAGNANIMITAS rictu leonis pro casside tecta, dextra sceptrum, sinistra aquilam præferens, Solis radios irre-torto

torto vultu intuentem ; ac pede globum terræ calcans. **MODESTIA**, puella gratiosa, habitu simplici sed honesto coronas aliquot humi inversas, & plura *ἐμύχια* despiciens ; sunt in proxima instrumenta varia, gnomon, circulus, cribrum & rastrum, antiquitus ipsi tributa. **MANSUETUDO**, oleagino ornata ferto, agnum tenellum ulnis fovens. **HUMANITAS**, virgo hilari vultu, veste candida floribus conspersa, sertum myrteum capite, manibus catellum blandientem mulcens. **VERACITAS**, nuda brachia & lacertos, sed & proxima pars pectoris patet ; cæterum velo cincta subtilissimo, dextra speculum, sinistra Solem complectitur : capiti columba insidet. **LIBERITAS**, veste tecta versicolore, linguam sale condiens. **JUSTITIA**, reginæ instar, aureo coronata diademate, velatis candida fascia oculis, dextra nudatum gladium ; sinistra bilancem ferens. Ab altero latere curiosiores Aretophili oculos ad sui spectaculum trahebant Virtutes aliæ præstan-

stantissimæ, a Stagirita silentio prætermis-
 sæ: videlicet *FORTITUDO TOGATA*,
 heroïno splendente Romanorum to-
 ga induta, quæ leonem a dextris se-
 dentem moderatur freno, sinistra co-
 lumnâ amplectitur. *CLEMENTIA*,
 benignissimæ principis instar, argen-
 teo amictu adornata, dextra olivæ
 ramum gerens, læva mulcens Del-
 phinum, cujus viscera felle dicuntur
 carere; antepedes jacent gladii, flagel-
 la, fasces consulares, *Αὐτάρχεια*, seu
SUFFICIENTIA, mulier brachiis
 & pedibus nuda, modica honestaque
 tunica, manu thymbram sive sature-
 jam gestans, & comitata chamæleon-
 te; quod animal vento ali ac vivere,
 sibi que adeo sufficere, creditur.
TACITURNITAS, matrona ora indi-
 cem apprimens, testâ veste auribus
 oculisque plena, & annulum gestans
 signatorium, cui figura Harpocratis in-
 sculpta *SEDLITAS*, puella lau-
 ro coronata, vestem succincta, alte-
 ra manu calcar sustinens, altera ho-
 rologium. *CHARITAS*, sive Phi-
 lan-

anthropia, virgo ridibundo amabili-
 que vultu, toga rubra aureisque inter-
 tineta flammulis amicta, stans ad ar-
 dentem Vestæ focum, ac pusionem
 suaviter osculans. *CONCORDIA*,
 dextra sagittas aliquot albo fune colli-
 gatas, læva cornu Amaltheæ gerens;
 caput oleaginea cingit corolla. *HOS-
 PITALITAS*, mulier liberali fa-
 cie, sermo velata ex latis platani foliis
 contexto, quæ arbor divertentes sub
 se peregrinatores umbra gratissima re-
 creare solet; manu altera capaciorem
 scyphum, altera dimidiatam gestat tes-
 seram. *GARTITUDO*, puella fi-
 do stipata cane, dextra manu ferens
 ciconiam, sinistra indicem intendens
 ad agrum fertilem, qui plus reddit,
 quam accepit. Ad plura ejusmodi
 Virtutum, ut *Parfimonia*, *Officiositatis*,
Misericordia &c. simulacra lustranda
 dum oculos animumque appellebat. A-
 retophilus, ecce *Pietas*, *Humanitas*, &
Hospitalitas suis egressæ habitaculis,
 hospitem novum, una cum comiti-
 bus, comiter excipiunt, eosque si-
 mul

mul in elegantem mundamque diætam
introducunt, ubi jam congregatæ sta-
bant Virtutes cæteræ, ac redux & Saga-
tæ Fortitudinis Latus stipans Hercules.
Procefferunt ordinæ suo omnes, am-
plexæ Aretophilum, & ex eo quæren-
tes, quo nomine quave patria esset?
An præteres errore vel consilio huc
appulisset? Ille ex Græcia se venire
respondit, arasque & focos patrios in-
dicavit; adhæc nomen, genus, itine-
ris hujus causas, comites, exantla-
tos in eo labores ac pericula, adeo
meditate distincteque commemoravit,
ut, præter suadæ dulcedinem, juvenis
hujus ætas, forma, habitus & arcanus
luminum vigor, omnibus perplaceret.
Mox *Hospitalitas* gratissimorum hospi-
tumpedes lavare, ungere, ac blandis
mellitisque verbis eos ad capiendum
cibum potumque invitare, quo vi-
res lassitudine fractæ reficerentur. Ac-
cubuerunt post paulo omnes, & Pietas
ac Temperantia sedendo latera cinxe-
runt Aretophili; Fortitudo gemina
Her-

Herculi, Veracitas Palladio, Charitas
& Humanitas Eugeniam comites se præ-
buerunt. Frugi ac nidibus aderat epu-
larum apparatus, in luxum tamen mi-
nime diffuens. Non hic cernitur ales
Phasiacis petita Colchis, atque Afræ
volucres, & ultimis ab oris attractus
scarus, inquit Temperantia Arctophi-
lo; qui promte illi respondebat ex
Seneca: suo Ecquid opus est tot arti-
bus ventri servientibus? quid merca-
turis? quid vastatione silvarum? quid
profundi perscrutatione? Passim sup-
petunt alimenta, quæ rerum natura
omnibus locis disposuit. Placet cibus,
quem nec parent familiæ, nec spectent;
non ante multos imperatus dies, nec
multorum manibus ministratus sed pa-
rabilis facilisque, nihil habens accersiti
pretiosive, nec patrimonio gravis nec
corpori, nec rediturus, quæ intraverat.
Neque adest quidem, subjungit Pietas,
vinum Cæcubum, non Falernum, non
Lesbium, nec præsto sunt veteris po-
cula Massici; bona tamen esto animo,
Arcto-

Aretophile, & Craterem hunc mysticum accine, fabuloso illo Mercurii longe dulciorem; hoc enim nostro animus, si quid in eo mali residuum, purgandus est ac divinitati immergendus. Hoc ex cratere qui bibit, non sitiet amplius; & nascetur inde fons aquæ salientis in vitam sempiternam. Sumsit eum hospes venerabundus; & ab hau-
stu illo omnis in oculis caligo, omnis in genibus lassitudo, omnes in mente perturbationum reliquæ extinctæ. Pergebat vero amplius loquendo Pietas, ac de Amore Dei, sive Officiis hominis erga Deum, fuse differebat; quam exceperunt Temperantia, de Officiis hominis erga se ipsum, & Charitas de Amore erga proximum, pie sapienterque sermocinantes; atque Aretophili simul progressus hoc in studiorum studio cautissime explorantes. O quam pulchrum illud, quam dulce secretum! quam sancti Socraticique sermones! quantum ibi sapientiæ, probitatis, quantum antiquitatis, quæ facta, quos
VIROS

viros audias! quibus præceptis imbu-
are! Ita colloquiis suavissimis vesp-
ra extendebatur, & quanquam longis-
simus dies, cito condebatur. Soluta
convivio, post decantatas Divino Nu-
mini grates, dum ex hospitibus que-
rebat. Hospitalitas, an membra quieti
dare vellent? animo secum volvit,
& clare mox recitavit Aretophilus
αὐριόσιον illam Πυθαγορικὴν:

*Vir bonus & sapiens, qualem vix
repperit unum*

*millibus e multis hominum consultus
Apollo,*

*Judex ipse sui, satum se explorat ad
unguem.*

*Nec prius in dulcem declinat lumi-
na somnum,*

*omnia quam longi reputaverit acta
diei.*

*Qua prætergressus? quid gestum in
tempore? quid non?*

*Cur isti facto decus absuit aut ratio
illi?*

*Quid mihi præteritum? cur hac sen-
tensia sedit?*

L

Quid

Quid volui, quod nolle bonum foret? Utile honestum sur malus antetuli? Sic dicta & facta per omnia ingrediens, ortoque a vespere cuncta revolvens, offensus pravis, dat palmam & præmia rectis.

Comprobavit universa Virtutum corona hoc & alia multa egregiæ indolis ac vitæ specimina, quæ ex Aretophilî sermonibus & factis luculenter satis animadverterat. Proinde Justitia, loco omnium, debita ipsi spondit præmia, & postridie iter ad Insulam Eortunatam fortunatissimum. Ita post reciproca tranquillæ noctis vota amplexusque mutuos, ministram se præbuit cubitum ituris Officiositas, atque Herculem, Palladium & Aretophilum in nocturnum quoddam duxit cubiculum, ubi lecti tres erant strati & apparatus reliquus splendide expositus; Eugeniâ vero suum in dormitorium secum illa reduxit. Nunquam altiore, nunquam placidi-

ore

ore Aretophilus obdormivit somno, etsi non adeo diuturno. Quemadmodum enim Miltiadis tropæis suscitabatur Themistocles; sic Aretophilus noctis jam gallicinio electo profuit, & ad extremam eamque desideratissimam itineris partem conficiendam se comparavit. Surrexere dein, surgente aurora, Palladius quoque, Hercules & Eugenia, qui, una cum Aretophilo, peractis in secretiore Pietatis conclavi, templo simili, matutinis sacris, universum Virtutum chorum ibi pariter congregatum, ante abitum gratiis persolutis venerati sunt, seque favori ejus perennaturo magnopere commendarunt. Mox in medium processerunt *Pietas & Justitia*, his Aretophilum verbis allocutæ:

*Ipsa quidem Virtus sibi met pulcherrima merces;
attamen invitam blande vestigat,
& ultro
ambit Honor,
Capeffet igitur manu palmam, crines-
L 2 que*

que serito hoc implica; (& imposuerunt
capiti illius coronam lauream;)

*Hac meta sit certaminis,
hoc præmium laborum!*

Brevis hinc ad Insulam Fortunatam tra-
jectus est. Hisce insignitis præmiis non
repudiabere! Neminem sic ornatum &
coronatum Eudæmonia excludit.

*I ergo, tua quo virtus vocat, i pede
fausto!*

Hic observantissime Aretophilus in
grates Deabus persolvendas iterum
effusus, recedentium adoravit vestigia.
Prosequabatur utroque sereno vultu
abeuntem; quem & comites ejus, Ho-
spitalitas & Officiositas ad posticam usque
sunt comitatae.

Digressus inde, & ad breve, quod re-
stabat, iter peragendum, promptis ac-
cinctisque hospitibus occurrebat mo-
dica pratorum planities, tandem in
præcipitia desinens; per quæ, sole
jam exorto, magna pernicitate sede-
mittebant versus æquor, quod adhuc
erat transmittendum. Atque stabat
jam

jam ad litus parata & concinne fabrefacta navis, bene intus compacta, extrinsecus vero eleganter picta, mobili clavo, firmis rudentibus, procero malo, insigni carchesio, splendentibus velis, postremo omnibus armamentis idoneis ad usum, & honestis ad contemplationem. Conscendunt pupim hilares, seque alto committunt; & Eugenia sequens orditur celeusma:

*Amica veri flamina,
chori Favoniorum,
ludi jocantis Æoli,
Jovisque mitioris,
Etesiarum sibila
& blanduli susurri,
tranquillitatis prodromi,
fontes serenitatis,
mulcete fluctus Tethyos,
& Nerei furores
exasperati sternite,
pacem referte ponto;
donec cupitos Insula
teneat carina portus!*

Inter modulamina hæc & prona adspirantium ventorum obsequia, recto

cursu in portum ferebatur navis; ho-
 spitesque Fortunatæ inferebat Insulæ,
 in qua assidua viget securitas, con-
 stans fulget serenitas, æterna floret
 tranquillitas. Nec enim fulmen eo
 unquam vibratur, nec fulgur mina-
 tur; non nimbus excutitur, non gran-
 do rotatur; nebula nullæ serpunt, ne-
 que venti, nisi cicuratis viribus, tem-
 perataque lenem in auram vehemen-
 tia pertingunt; ut adeo Ver heic loci
 sit perpetuum, indiesque melius ac
 ferenius soles enitescant. Mox a dex-
 tra Insulæ parte convalles visebantur
 & horti, in quibus violarum aurum,
 lilliorum argentum, rosarum purpu-
 ra ac mille aliorum florum gemmulae
 suavitæ ac splendore suo inter se
 certabant, eodemque Semiramidis,
 Adonidis & Hesperidum hortos longe
 exsuperabant. Ac per hos quidem
 via pandebatur ad ipsam *FELICITA-
 TIS* regiam. Quam simul ac e lon-
 gino oculis attigit Aretophilus,
 comitibus suis Eugeniæ, Herculi &
 Palladio (qui, ut plurimum inservirent
 desi-

desideriis, jam parabat reditum) perhumaniter gratias agit multo maximas; atque O si, inquit, uno volatu liceret abripi! Et quod volatu non licuit, tentavit cursu; ac prope momento temporis in ipsius regiae constitit vestibulo. Cernebantur hic antiqua Virtutis & Felicitatis simulacra, Cyri, Numæ, Scipiones, Camilli, Metelli, Augusti ac plures. Verum imaginibus hisce spectandis non diu immoratus est Aretophilus, sed penetravit interius; ubi longa serie utrumque stipabant latus sanctioris Deoque magis placentis Virtutis ac Felicitatis compendia, Abrahamus, Josephus, Josua, David, Salomo; inde Constantini, Theodosii, Caroli, Conradi, Ottones, & multo plures variarum gentium ac dignitatum. Quos dum oculorum & ingenii acie contemplabatur Aretophilus, en procedit regina *EUDÆMONIA*, (quam venerabili caterva stipabant Conscientiæ Tranquillitas, Amicitia cum Deo, vera Sapientia, Nobilitas, Corporis

L 4

poris Animique Serenitas) ac dulces
 post amplexus & oscula, juvenem lau-
 reatum, dissimulato vel suppresso Are-
 tophili nomine salutat *Eudamonium*;
 idemque offert Cornu Copiæ, & exo-
 ptatissimam perpetuamque jurat pro-
 speritatem. Cantabant Virgines sociæ:

*Plaudamus! Eudamonii
 victor triumphat ausus!
 O aura ponte, litora,
 o astra ferte plausus!
 Scrutatus est hanc Insulam,
 hac templa Gratiarum,
 per montium cacumina
 & vortices aquarum.
 Delusit artes hostium
 ac obstitit furori.
 Beata merces arduo
 nunc redditur labori:
 O aura ponte, litora,
 o astra ferte plausus!
 Plaudamus! Eudamonii
 Victor triumphat ausus!*

JURIS-

213

JVRISPRVDENTIÆ
NATVRALIS
E P I T O M E

five

Doctrina brevis

de

OFFICIIS HOMINIS

erga

*Deum, Seipsum & alios
homines,*

in gratiam Auditorum Academi-
corum adjecta.

250

ST

ALPHABET

THE END

THE END



B. C. D.

JVRISPRVDENTIAE
NATVRALIS EPI-
TOME.

CAPUT I.

*De Natura & Indole Juris-
prudentia Naturalis.*

I. *Jurisprudentia Naturalis* est
Prudentia hominem actiones
suas ad Legem Naturæ com-
ponere docens. Ab aliis etiam vo-
cari solet *Jurisprudentia Vniuersalis*,
utpote quæ non unius civitatis legi-
bus absolvitur, sed qua quorumvis
hominum erga se invicem officia
reguntur.

L 6

II. Ob.

II. Objectum ejus sunt Actiones (& missiones) hominis secundum Naturæ leges formandæ. Quo ipso distinguuntur (1) ab Actionibus hominis *Naturalibus*, quæ ab intellectu & Voluntate ejus non dependent; quales sunt actiones animæ vegetativæ, primi motus in appetitu &c. (2) ab Actionibus hominis *Civilibus*, quæ secundum Leges Civiles fieri aut omitti debent; (3) ab actionibus hominis *Christiani*, quæ secundum Leges divinas Positivas, sive Theologiam Moralem, fieri aut omitti debent.

III. Finis, *Jurisprudentia Naturalis*, est, ut homo justus ac felix sit hac in vita. Quo ipso distinguitur (1) a Fine *Jurisprudentiæ Civilis*; qui est, ut civis justus ac felix sit in civitate: (2) A Fine *Theologiæ* Moralis, qui est, ut homo beatitudinem æternam consequatur. Vel secundum
alios

alios, Finis Jurisprudentiæ Naturalis est duplex: *Proximus*, ut homines Dei amantes normam habeant, ad quam actiones suas componant; *Ultimus* sive *Remotus*, ut humani generis felicitas tranquillitasque conservetur ac promoveatur.

IV. De vetustis æque ac recentioribus Jurisprudentiæ Naturalis *Scriptoribus* agit V.C. Jo Eisenhart, Prof. Helmstad. in cap. I. & II. libelli, cui titulus est, Institutionum Juris Naturalis in Moralis Philosophiæ doctrina repræsentatio f. 12. Helmst. 1684. & Cl. Jo Franc. Buddeus in Historia Juris Naturalis, Halæ Magdeb. f. 8. 1695. De Junioribus vero diligentissime agit Vincentius Placcius in Consilio de Studio Philosophiæ Practicæ §. IIX. p. 37. & seqq. E quibus palmam cæteris præripere videntur H. Grotius de J.B. & P. doctissimeque in eum Commentato-

L 7 res,

res, Boeclerus, Zieglerus, Feldenus, Kulpisius in Collegio Grotiano, alique; item Cumberlandus, Pufendorfius, Thomafius, Buddens in Elementis Philosophiæ Practicæ, ac plures,

V. *Tractandi* hanc disciplinam *Modus*, erit optimus, si primò Officia secundum Principia & Affectiones considerentur; deinde ad singula descendatur, & ad quamlibet illorum classem Virtutes Morales reducantur.

CAPUT III.

De Principiis Actionum Humanarum.

I. **A**ctionum Humanarum Principia numerantur duo: *Intellectus & Voluntas*; quas facultates Creator O. M. homini præ brutis concessit, ut veluti prælucente intellectu-

telleſtu, ac decernente voluntate, actiones ſuas ſuſcipiat.

II. *Intellectus* eſt facultas animæ rationalis, quæ objecta, ſive res ob-
lutas, comprehendit ac dijudicat.
Hinc in quolibet homine maturæ
ætatis, mentisque integræ, (etiam
poſt lapſum) tantum ſuper eſt lum-
inis naturalis, ut adhibita cultura &
meditatione debita, ſaltem genera-
lia Juris naturalis principia, & quæ, ut
honestæ, faciendæ, ut turpia, fugiendæ
ſint, comprehendere ac diſcernere
poſſit. Abſque hoc enim ſi foret, qui-
libet delictis ſuis ignorantiam invin-
cibilem obtendere in foro poſſet.

III. Præcipua intellectus circa a-
ctiones ad Legem componendas o-
peratio eſt *Conſcientia*. Unde hæc
definitur, quod ſit judicium intelle-
ctus circa actiones morales propri-
as, quatenus hic cognitione legum
eſt imbutus. Eſtque vel de *Faciendæ*,
vel

vel de *Facto*: illa *Antecedens*, hæc *Consequens*, appellatur.

IV. *Conscientia Consequens* est illud intellectus iudicium, quod factum consequitur, & hominem, prout bene aut male egit, delectat vel contristat; unde is bene vel male sibi conscius dicitur. *Bona* ejusmodi *Conscientia Felicitatis*, *Mala Infelicitatis* humanæ est adjunctum.

V. Hic vero spectatur *Conscientia* de Faciendo seu *Antecedens*, istud intellectus iudicium, quod factum antecedit; dictans quid bonum vel malum, & ideo agendum vel omitendum sit. Estque (ut alias species si leam) *Recta* vel *Erronea*, *Certa* vel *Probabilis*, *Scrupulosa* & *Dubia*.

VI. *Recta Conscientia* est, quæ conformis est legi, ac recte judicat, hoc faciendum vel omitendum. Secundum hanc qui agit, recte agit; contra vero eam qui agit, peccat.

Erro-

Erronea est difformis legi; quando intellectus errore occupatus falso de agendis judicat. Ubi, si error est de re per se mala, peccat tam qui contra, quam qui secundum hanc conscientiam agit. Ubi vero error est de re indifferenti, non peccat, qui secundum eam agit; peccat vero, qui contra eam agit.

VII. *Certa* Conscientia oritur ex scientia; & judicat ex argumentis evidentialibus & apodicticis, hoc esse faciendum aut omittendum. *Probabilis* oritur ex opinione, judicans ex argumentis dialecticis, & auctoritate aliorum. Contra utramque qui agit; peccat. Est tamen peccatum contra conscientiam Probabilem levius, contra Certam, gravius.

IX. *Scrupulosa* est intellectus fluctuatio sive judicium cum anxietate & formidine conjunctum, ne forte id ipsum malum sit, quod bonum aliquis

quis existimaverit, & contra. Quando scrupulus probabilibus argumentis nititur, actio erit suspendenda, donec solidis eximatur rationibus: si autem ex levi quadam superstitione oritur, negligendus est, atque animo ejiciendus. *Dubia* est, cum quis dubitat & nescit, utri contradictionis parti adhaerendum, & utrum actio licita sit, nec ne? Hac cum conscientia qui agit, peccat.

IX. B. Jac. Thomasio Conscientia Recta similis videbatur Testi vero, Erronea falso, Certa oculato, Probabilis aurito, Scrupulosa varianti, Dubia nescienti.

X. *Ignorantia* est privatio siue absentia cognitionis intellectu, circa actionem aliquam suscipiendam aut omittendam. (De qua inferius dicentur plura.) *Error* est intellectus non solum cognitione veri destitutus, sed ejus loco falsa persuasionem im-

imbutus. (Nonnullis *hic* vocatur Ignorantia pravae dispositionis; quemadmodum illa Ignorantia negationis.)

XI. *Voluntas* est facultas animae rationalis, hominem velut intrinsicco impulsu determinans, ut agat, quod sibi arridet; omittat, quod sibi non convenire videtur. Habet a Voluntate homo, tum quod *sponte* agat, h. e. ut per principium intrinsicum circa coactionem ad agendum determinetur, & actionis suae ipse auctor sit: tum ut *libere* agat, h. e. ut uno objecto proposito, possit agere vel non agere; idemque eligere vel respuere; (quæ *Libertas Contradictionis* seu *Exercitii*) aut pluribus objectis propositis, possit unum eligere, cætera respuere (quæ *Libertas Specificationis* seu *Contrarietatis* appellatur.)

XII. Vel-

XII. *Velle* autem quis dicitur non tantum id, quod ipse facit *Physice*, seu cuius causa *physica* est; sed etiam, cuius causa *moralis* audit: h.e. quod jubet, suadet, laudat, participat &c. secundum verum in scholis notum:

Jussio, consilium, consensus, palpo, recursus,
participans, mutus, non obstant,
non manifestans.

XIII. *Voluntatis* Objectum non solum est *Bonum*, quod eligit ac prosequitur, (uti vulgo docent) sed & *Malum*, quod respuit & averfatur. Imo verfatur *Voluntas* non tantum circa malum averfandum, sed & appetendum & optandum alteri, v. g. hosti. Aliàs nihil nobis voluntus & appetimus, nisi sub ratione Boni.

XIV. *Voluntas* (i) alia est *Plena*, quæ locum habet in actionibus merespontaneis; alia *Non-Plena*, in actio-

actionibus mixtis: (2) alia est *Efficax*, quæ non solum vult finem, sed & media; uti studiosus ita vult eruditionem, ut magno etiam studio multisque vigiliis ad eam aspiret; alia *Inefficax* & solius complacentiæ, quæ vult quidem finem, sed non media; sicut ignavi nonnulli volunt quidem eruditionem ac honores, sed media, nempe vigilias & labores averfantur.

CAPUT III.

De Norma Actionum Humanarum.

I. **N**orma Actionum Humanarum Directiva est *Lex*. Hinc ab utroque Grotio *Lex* describitur, quod sit regula actionum moralium obligans ad id, quod rectum est, Pufendorfio *Lex* est decretum (sive
justum

jussum ac præceptum) quæ superior sibi subjectum obligat, ut ad istius præscriptum actiones suas componat.

II. Est vero *Obligatio* qualitas moralis passiva, per quam quis præstare vel pati quid tenetur. Injicitur per eandem, quasi vinculum aut frænum quoddam morale nostræ agendi libertati, ut in diversam, quam quo illa ducit, partem tendere recte non possimus.

III. Nemo aurem sibi ipsi obligari potest: quia semper obligationem remittere sibi posset. Sunt vero justæ causæ alterum obligandi, non solæ vires malo aliquo affligendi delinquentem, sed & insignia beneficia in aliquem collata: & si quis ultro alteri sese subjecit, inque ipsius directionem sive imperium consensit.

IV. Lex respectu auctoris, dividitur in *Divinam & Humanam*: illa a Deo

Deo est; hæc ab homine imperante, per promulgationem, fertur. Lex divina dicitur in *Naturalem & Positivam*; illa pro objecto habet actiones cum natura hominis rationali, necessario convenientes, aut eidem repugnantes: Positiva, actiones eas, quæ cum natura hominis necessario non conveniunt, nec ei necessario repugnant. De lege Naturali postea agemus.

V. *Positiva* itaque est Lex Divina hominibus per revelationem publicata, ea, quæ necessariam connexionem cum hominis natura rationali non habent, determinans. Dividitur in *Universalem & Particularem*. Lex Divina Positiva *Universalis* est, quæ publicata fuit omnibus hominibus, vel certe personis totum genus humanum repræsentantibus, *Particularis* est, quæ lata fuit populo Judaico. Illius exempla sunt v. g. Præ-

Præceptum Adamo de arbore vetitatum, item de Polygamia & divortiiis vitandis in primæva Conjugii institutione; nec non præcepta N. T. de Credendis & Agendis, omnes etiam homines obligantia; cum Apostoli jussi fuerint, ut prædicarent ea omnia creaturæ, sive populis universis. Particularis exempla sunt Leges Ceremoniales & Forenses, ad gentem Ebræorum olim restrictæ, quæ adventu Christi, & extincta rep. Judaica, expirarunt, adeoque neminem hodie obligant.

IV. Leges *Humana* omnes, præse acceptæ, *Positiva* sunt; quarum præcipuæ Jus Civile constituunt; quæque ab iis, qui summum in civitate imperium tenent, proficiscuntur; obligantes subiectos ad faciendum id, quod imperatur, & omitendum, quod interdicitur, prout utilitas felicitasque Civitatis id exigit.

Hinc

Hinc pro diversitate gentium & civitatum variare solent.

VII. Quemadmodum autem Leges Humanas Positivas, quæ & Civiles appellantur, Jctis, ac Leges Divinas Revelatas Theologis interpretandas relinquimus: ita heic loci doctrina de lege Naturali est pertrahenda, ac de Officiis cum natura humana ita congruentibus, ut citra illa, honesta & tranquilla societas humano generi constare nequeat.

II. Et vero *Lex Natura* est Lex Divina, quatenus citra peculiarem revelationem, ex consideratione naturæ præsertim Dei atque Hominis cognosci potest; perspecta videlicet relatione hominis ad Deum Condito rem, & inde collecta hujus intentione, actiones humanas præcipiendi aut prohibendi.

IX. Nonnulli statuunt actualem *Legis hujus inscriptionem* in cordibus

M

bus

bus hominum, ob textum Rom. II. 15. Verum per Inscriptionem illam non denotatur notitia Legis Naturalis ab ipsa nativitate actu nobis indita; sed potentia proxima illam cognoscendi, & eam, quam primum ætas adest maturior, & dabita adhibetur industria prompte ac liquido intelligendi; nec non penitior notitiæ hujus impressio, ac firmior inhæssio. Conf. Jer. XXXI. 33.

X. Quod Deus sit auctor sive lator Legis Naturæ, & qualem Naturæ legem is tulerit, inde intelligitur, quia Deus hominem creavit, eumque informavit, ut præceptorum moralium intelligendorum sit capax, & citra piam, tranquillam ac socialē vitam genus humanum servari nequeat. Unde porro consequitur, quod Deus, qui vult finem, humani videlicet generis tranquillitatem, voluerit etiam media, sine
qui-

quibus finis ille nequit obtineri. (De cœtero Deum Legis Naturæ auctorem esse affirmat Apostolus Rom. I. 19. II. 14. 15.)

XI. Frustra se torquent, qui unum aliquod, idque omnium primum Juris Naturalis Principium quærunt, quo cuncta Officiorum genera sub se complectatur. Etenim tres diversi sunt termini, sive tria objecta, ad quos tendunt, & circa quæ occupantur actiones humanæ, nempe *Deus, Homo ipse, & alii Homines*. Unde tria generalissima, & in suo quoque genere prima, resultant principia: *Cole DEVM, Ama teipsum, Ama proximum!* Sive: Vive erga Deum pie ac reverenter, erga te ipsum temperanter, erga alios homines socialiter ac innocenter! Cui sententiæ prius accedunt, qui fundamentum Juris Naturæ constituent in Amore Dei & Proximi, quem

diligere debemus ut nos ipsos ; sive in Decalogo. E quorum numero est G. Calixtus in Theol. Moral. & Boeclerus in Comment. ad Grotium P. 4.

XII. Ubi commodè notandum, pleraque omnia Legis Divinae *Moralis* sive *Decalogi* praecepta esse Juris Naturalis ; præter illud de prava concupiscentia, quam S. Paulus Legge Naturæ vetitam esse, absque revelatione ignorabat. Rom. VII. 7. Ac licet naturaliter nota sint praecepta Decalogi, nihilominus voluit Deus Legem Moralem publice ferre per Moysen, in populo suo, ut conspectior esset regula morum edica voce divina ; maxime cum Lex Naturæ jam pæne in animis hominum per peccatum esset.

XIII. Ex dictis patere opinor, tutissimum fore, *Fundamentum* Legis Naturæ constituere in Cultu atque Amore

Amore Dei, Nostri, & Proximi, cum quo socialiter vivendum. Solam vero *Socialitatem* Juri Naturæ tanquam fundamentum substernere, opus est aleæ periculosæ plenum; iisque forte permissum, qui, cum veteribus, unam tantum Jurisprudentiæ Naturalis partem tractare satagunt, eam videlicet, quæ Officia Hominis erga alios homines exponit.

XIV. Quodnam inter Leges Naturales & Positivas Divinas intercedat discrimen, jam in præcedente Aphor. IV. capitis hujus dictum est. Hæ versantur circa actus, qui non necessario præcipi aut vetari debent: illæ vero circa actus, qui necessario debuerunt præcipi aut vetari. Unde Leges Naturales *Dispensationem* non admittunt; ac stante natura rerum, præsertim Dei & Hominis, sunt immutabiles; nisi quod aliquando status, in quo Lex Naturæ

fundatur, mutetur, cumque eo adeo cesset Lex ad eum respiciens. Notæ quidem sunt objectiones nonnullorum, ratione potissimum Dispensationis, de mandata Isaaci occisione, de ablatione vasorum Ægyptiacorum &c. sed actus isti à Deo præcepti, non fuerunt homicidium aut furtum, Lege Naturali prohibita; adeoque confunditur a dissentientibus mutatio Status vel Objecti, cum mutatione Legis.

XV. Jam igitur, tum hoc loco, tum ad Caput præcedens, ubi de Conscientia, & præcipuis ejusdem Speciebus, egimus, notandum, quod Norma Actionum nostrarum, nostræque Conscientiæ Regulæ sint (1) Leges Naturæ, sive Lumen mentis nostræ; (Luc. XII. 57. Rom. II. 14. 15.) (2) Scriptura sacra, ad quam, ut normam, Christianis sedulo est respiciendum. (3) Leges Positivæ
Impe-

Imperantium, Legibus divinis tam Naturæ quam Scripturæ non repugnantes, (Rom. XIII. 5.) Conferatur hic Robert. Sanderf. Traët. de Conscientia, Prælect. V. §. XII. seqq. ac XX. ubi propriam & adæquatam Conscientiæ & Actionum nostrarum regulam constituit Voluntatem Dei, qualitercunque hominibus revelatam.

CAPUT IV.

*De Actionum Humanarum
Affectionibus, ratione Principiorum consideratis.*

I. **D**ividuntur Actiones Humanæ vel ratione *Principiorum*, unde proficiscuntur; vel ratione *Normæ*, ad quam sunt conformandæ. Ratione Principiorum dispeſcuntur in *Voluntarias* sive *Spontaneas*, *Invitas* & *Mixtas*. Actio *Voluntaria* seu *Spontanea* est, cum quis agit sciens & volens. Requiritur

ergo duo ad illam (1) Notitia omnium, aut saltem præcipuarum, actionis circumstantiarum, quæ vulgato continentur versu : Quis? Quid? Ubi? &c. (2) Assentiens Voluntas. Inde illud Germanorum : *Er hats mit Wissen und Willen gethan.*

II. Actio *invita* est, cum quis agit nolens vel ignorans. Estque adeo duplex; vel enim fit per Vim, & Violenta dicitur; vel per Ignorantiam, & Imprudens appellatur, *Violenta* est, quæ fit a principio externo, contra agentis (vel patientis potius) voluntatem; ut cum Lucretia a Sexto Tarquinio per vim stupratur. Dicitur actio hæc etiam, ratione impellentis propriæque agentis. *Coacta*; ratione patientis, *Invita*.

III. Actio *Imprudens* vocatur, quæ provenit ab agente, circumstantiarum quarundam ignaro. Estque

que vel *Επίλυπος*, quam sequitur dolor ac poenitudo: sic Adrastus, vibrato in aprum jaculo, Crœsi filium frustrato ictu interemit. Quod factum cum Adrastus vehementer doleret, seque super exanimati cadaver maestandum offerret, a Crœso hoc responsum tulit: *Neque tu hujus mihi cladis auctor es, nisi quatenus id fecisti imprudens; sed Deorum quispiam, qui jam mihi ventura significavit.* Alia est *άλυπος* quam non sequitur dolor ac poenitentia: qualis narratur de quodam apud Plutarchum, quod, cum lapidem vibrans, in canem, novercam percussisset, dixerit: Euge, ne sic quidem male!

IV. Differunt inter se *Agere per ignorantiam*, & *Agere Ignorantem*. Priore modo agenti ignorantia princeps actionis causa est; sic Jacob concubuit cum Lea, existimans se cubare cum Rachele. Posteriore

M 5 modo

modo agenti alia est actionis causa principalis, cum qua tamen ignorantia concurrat : ut si quis profunde ebrius alterum vulnerat aut obtruncat. Hac cum distinctione convenit ex parte ista, qua ignorantia dividitur in Efficacem & Comitantem. *Efficax* est, absque quasi fuisset, non suscepta esset actio ; e. g. si quis consanguineam in matrimonium ducat nescius. *Comitans* est, quæ licet abfuisset, actio tamen suscepta fuisset : velut si quis hostem interficiat ignorans, quem & sciens interemtum cuperet.

V. Quid sit ignorantia *Juris & Facti* ex Compendiis Ethicis innotescit. Est vero *Ignorantia Juris Voluntaria*, cum quis legem, cujus addiscendæ causam & occasionem habuit, ignorat. Estque vel *Juris Universalis*, sive Legis Naturalis aut Moralis, cujus præcepta, saltem generalia, per sum-

summam suam evidentiam, nullius hominis, ratione sua utentis, notitiam effugiunt. Vel est Juris *Particularis*, Humani & Civilis; cujus tene-rem scire tenentur ac possunt, qui in societatem civilem, legum imperio retinendam, coiverunt. Talis est ignorantia Legum Academica-
rum in studioso. *Ignorantia Facti Voluntaria* est, cum quis factum, hu-jusve circumstantiam ignorat per negligentiam, cum nosse deberet ac posset. Sic qui lapide per fenestram projecto (eum in locum, ubi & quando prætereire solent homines) feriret prætereuntem, factum male excusaret, dicendo se ignorasse quempiam præteriturum. Utraque vocatur Ignorantia *Vincibilis* atque *Culpabilis*.

VI. Contra *Ignorantia Juris In-voluntaria* est, ubi quis nulla sua culpa Jus, puta Particulare, ignorat. Ita

Svetonius de Caligula Vit. c. 41. scribit, quod Legem quidem proposuerit, sed & minutissimis literis & angustissimo loco, uti ne cui describere liceret.

Ignorantia Facti Involuntaria, cum quis factum qualecunque ejusve circumstantiam ignorat, cum scire nec posset, nec deberet. Talis fuit in Abimelecho Genes. XX. 5. qui, si cognovisset Sara Abrahami esse uxorem, animum ad ducendam illam neutiquam applicuisset. Utraque sæpius vocatur Ignorantia *Invincibilis*.

VII. Actio *Mixta* dicitur ejus, qui incumbente graviore necessitate aliquid, ut minus malum, eligit ac suscipit, a quo cæteroquin extra necessitatem constitutus vehementer abhorrebat. Notum est exemplum de jactu mercium in mare, exorta tempestate; aut si Rex belligerans partem provinciarum cedat victori; quia

quia metuit, me totum amittat regnum. Tales actiones Voluntariis sunt similiores; ac *Mixta* dicuntur, quia ex parte Vis, ex parte Voluntas, in iis locum habet.

CAPVT V.

De Actionum humanarum Affectionibus ratione Norma consideratis.

I. **A**ctio humana, si ad legem referatur, alia est *Necessaria*, quam lex præcipit aut vetat; alia *Non-necessaria* vel *Licita*, quam lex nec præcipit nec vetat. Hæc vel est *Perfekte Licita*, utpote quæ nullis legibus divinis aut humanis est præcepta aut prohibita; vel *Imperfekte Licita*, quæ talis est, saltem per leges civiles & humanas, non vero per divinas; aut contra. Sic immoderato potu obrui, hodie multis in locis abit impune. Hæc & *abusive Licita* appellatur. *Illicita* actio est, quæ fit contra legem. M 7 ll.

II. Deīn Actio alia *Bona* est, quæ cum lege congruit; alia *Mala*, quæ a lege discrepat. Sed ut actio vere *Bona* sit, necessum est, ut omni ex parte, sive secundum omnes circumstantias, & ex *Proæresi*, cum lege conveniat: ut *Mala* sit, sufficit, si ex una tantum parte deficiat. Hoc est, quod alii dicunt: *Bona* actio debet esse materialiter & formaliter *Bona*; *Mala* actio, etsi materialiter *Bona*, formaliter tamen *Mala* esse potest; ac vice versa: ut si quis concumbat cum uxore; putans esse ancillam; aut si quis corium furetur ad donandos pauperibus calceos.

III. Cæterum uti Actio, ita *Omissio* alia, *Bona* est, qua omittitur actio mala, occasione perpetrandi oblata, ex studio obediendi legi. Sic Joseph ab aliena abstinuit uxore. *Omissio Mala* est, qua omittitur actus lege præceptus, quem per occasionem
aut

aut facultatem præstare possis ; ut cum parentibus aut magistratui honor debitus non exhibetur.

IV. Præterea Actio alia est Justa alia Injusta. *Justa* est, quæ ex proæresi applicatur ad personam, cui illa debetur. Differt a Bona in eo, quod hæc solum cum lege congruat; Justa insuper respectum involvat ad eos, in quos actio exrecetur. *Injusta* actio est, quæ ex proæresi prave applicatur ad personam, cui diversa debebatur; aut quando denegatur alicui, quod ipsi debebatur. Sive secundum Pufendorhium: Injusta actio vel infert, quod inferre non debebat; vel aufert, quod auferre non debebat; vel denegat, quod tribuere debebat. Hic distinguatur inter *Justitiam Actionum*, quæ est recta earum applicatio ad personam, cui illa debetur; & inter *Justitiam Personæ*, quæ, secundum Vlpianum, est con-

constans & perpetua voluntas jus suum cuique tribuendi.

V. *Justitia communiter dividitur in Universalem & Particularem. Universalis* est exercitium cujusunque officii erga alios, tum illius, quod jure imperfecto, tum illius, quod jure perfecto alteri debebatur. *Jure Imperfecto* quid debetur, quod quidem alter postulare potest, sed non per vim naturalem, aut per actionem civilem exigere: e. g. Consilium, Beneficium &c. *Jure Perfecto* quid debetur, quod per vim in statu naturali, aut intentata in foro actione in statu civili, exigere potest; ut Restitutio rei ablatae.

VI. *Justitia Particularis* est, cum exhibetur alteri, quod jure perfecto ipsi debetur. Eaque dividitur vulgo in *Distributivam & Commutativam*. Illa nititur pacto inter societatem & membra inito, circa parti-

participandum pro rata lucrum & damnum. Hæc nititur contractu bilatere potissimum circa res & actiones in commercium venientes. In Justitia Distributiva Æqualitas ut plurimum comparata, in Commutativa Æqualitas simplex est observanda. *Contractus bilateres* dicuntur, ex quibus utraque contrahentium pars obligatur; ut cum Emtio Vendito, Locatio, Conductio.

CAPVT VI.

De Imputatione Actionum Humanarum.

I. **A**ctionum humanarum, quæ ab Intellectu & Voluntate proficiuntur & diriguntur, præcipua quoque affectio est *Imputabilitas*; h. e. quod actiones illæ homini possint imputari, seu quod homo pro

pro earum auctore recte possit haberi, ac ad reddendam de iis rationem adstringi; quodque in ipsum redundent effectus, qui ex illis proveniunt.

II. Notentur hic *regulae duae generaliores*; (1) Quaecunque penes hominem sunt, ut fiant vel non nant, ea ipsi possunt imputari; & quidem vel gravius, vel levius, prout Voluntas ejus magis vel minus concurrat ad actionem; (2) Id, quod neque in se, neque sua causa penes aliquem fuit, non potest ipsi ex debito imputari; recte tamen ex gratia.

III. Observentur & sequentes *regulae specialiores*: (1) Imputari non possunt, quæ quis coacte patitur aut agit. Talia enim ad illum moraliter pertinere intelliguntur, qui vim intulit; & qui ista excepit aut executus est, ratione duntaxat objecti aut instrumenti physici habet. (2) Quæ per Ignorantiam aut Errorem Invincibi-

cubilem patrantur, imputari non possunt. (3) Ignorantia vero, ut & error, circa leges & officium cuique injunctum, ab imputatione non liberat. (4) Non potest alicui imputari, quod non præstiterit ea, quæ viris ipsius excedunt, neque per eas prohiberi aut effici queunt: modo illa impotentia per culpam nostram non sit contracta. Hinc tritum illud: Impossibile (tam physice quam moraliter talium) nulla est obligatio. (5) Non possunt imputari, quæ quis in somniis agere sibi videtur (nisi diurnis cogitationibus ansam dederit. (6) Eorum, qui rationis usu destituuntur, actiones ipsis haud imputantur.

IV. Porro imputari homini solent ac possunt non propriæ solum, sed & alienæ actiones, ad quas quis aliquo modo efficaciter concurrat, vel agendo & omittendo id, quod agere pote-

poterat ac debebat. Eaque imputatio diversos habet gradus, prout quis est aut causa principalis, aut socia, aut minus principalis alienæ actionis.

V. Quæ quis tanquam nudum instrumentum ex debito agit, non ipsi, sed causæ efficienti imputantur. Ita non carnifici imputatur decollatio parricidæ, sed jubenti magistratui. Plura de his aliisque regulis circa Imputationem Actionum Humanarum observandis vid. ap. Pufend. de O. H. & C. Lib. I. versus fin. & de J. N. & G. Lib. V. c. I. §. 5. 6. & seqq.

CAPUT VII.

De Officiis hominis erga Deum.

- I. **P**ostquam Actionum Humanarum indolem, & quæ ad earum

earum Moralitatem æstimandam faciunt, breviter exposuimus, sequitur nunc, ut, ordine supra aphor. V. cap. I. constituto, ad singula Hominis Officia, secundum Legem Naturæ ipsi incumbentia descendamus, et ad quamlibet horum classem Virtutes Morales reducamus.

II. Est verò Officium actio humana ad præscriptum legis recte attemperata. Divisio Officiorum commodissime instituitur secundum Objecta Personalia, erga quæ illa sunt exercenda. Vnde triplicia hominis Officia, quædam erga DEUM, quædam erga SEIPSVM, quædam erga ALIOS HOMINES resultant.

III. Officium Hominis erga Deum, quantum quidem, ex naturali ratione investigari potest, duabus partibus absolvitur, tum ut de Deo recte sentiamus, tum ut a-
ctio

ctiones nostras ad ipsius Voluntatem, per Legem Naturæ significatam, componamus. Lipsio-l. Politic. cap. 2. partes hæ duæ dicuntur. Rectus de Deo sensus, & Rectus in Deum cultus.

IV. Sentiendum itaque & credendum est homini. (1) *DEVM existere*; id quod ex subordinatione caussarum, ex motu & contemplatione machinæ hujus mundanæ, similibusque argumentis clare cognoscitur. (2) *Deum esse universi hujus Conditorem*. Cum enim ex ratione manifestum sit, res omnes creatas, non extitisse a se ipsis, oportet, ut eadem summam aliquam causam habeant; quam non debemus appellare *Naturam*, quatenus per hanc intelligitur vis & efficacia agendi, quæ in rebus conspicitur: hæc namque ipsa auctorem sui, Deum, omnino arguit; neque *Animam mundi*

mundi, quia anima non nisi pars corporis est; Deus autem est Ens perfectissimum: adeoque pleno ac recepto Dei nomine utendum. (3) *Deum tum in universum mundum, tum in genus humanum regimen exercere*; quia enim omnia conservantur in admirabili constantique ordine, patet esse Conservatorem & Rectorem; quo nemo potest esse alius, quam Creator Deus. (4) *Nihil Deo attribui, aut de eo predicari posse, quod aliquam imperfectionem involvat.* Add. Lips. Polit. Lib. I. Cap. 2.

V. *Cognitionem Cultus sequitur.* Est enim prius, Deum cognoscere, consequens colere. Cultus vero Dei est vel Internus vel Internus & Externus simul. Internus est tantum in animo, & consistit in Dei amore, veneratione, timore, spe in eum, acquiescentia circa dona & decreta ejus

ius, & in omnibus eidem obsequendi studio. Nempe enim *Amandus* est Deus, ut omnis boni auctor, ipseque Optimus, & Summum Bonum nostrum; *Venerandus*, quia cum summa ejus Bonitate summa quoque Potentia & Majestas est conjuncta; *Timendus*, quia est Omniscius, Justus & Omnipotens; adeoque cavendum, ne peccatis nostris eum offendamus, ejusque iram in jus provocemus. *Sperandum* in eum, cum ab illo in futurum quoque omnis nostra felicitas dependeat. In ejus Voluntate *acquiescendum*, ut qui pro Sapientia ac Bonitate sua omnia facit optime, nobisque dat quæ maxime expediunt. Ei denique, ut Creatori, Domino ac Rectori O.M. *obsequium* semper *præstandam*.

VI. Internus & Externus simul fit mente pariter ac voce, gestu & actionibus; videlicet Invocatione &
Pre-

Precibus; Gratiarum actione pro tot bonis ab eo acceptis; Celebratione publica & privata; considerato de eo loquendi modo: denique Vitæ & Legum Naturalium observantia.

VII. Revocanda nunc sunt Officia hæc ad certas Virtutes. Vnica quidem virtus est, quæ circa Numinis sensum & cultum versatur, nempe *Pietas*. In hac tamen, tanquam Toto, virtutes plures, veluti Partes Potentiales, comprehenduntur; ut, Cognitio Dei, Dilectio Dei, Veneratio ac Timor Dei, Spes ac Fides in illum collocanda; dein Precatio, Gratiarum actio & Celebratio Nominis divini, Religiositas & Obedientia.

IX. Pietati opponitur *Impietas*; quæ de Numine non recte sentit, nec illud rite colit. Cognitioni speciatim opponitur *Atheismus*, qui Deum plane tollit; *Polytheismus*, qui plures

N

Deos

Deos inducit; *Epitureismus*, cum de Dei providentia dubitatur. Cultui divino contrariantur *Deismus*, qui Deum admittit, sed non colit; *Idololatria*, quæ rebus creatis divinos honores tribuit; *Superstitiositas*, quæ Deum quidem colit, sed perverse, cum primis per ineptum timorem &c.

CAPUT IIX.

*De Officiis Hominis erga
Se ipsum.*

ERga Se ipsum homo ex præscripto legis Naturalis ita se gerere debet, ut rebus, quibus ad sui conservationem indiget, *ordinate* utatur. Enimvero licet homo magno impetu ad sui conservationem feratur; Obligatione tamen opus fuit, (1) quid aliquando eum cupido se destruendi incedere potest; (2) quia homi-

homines mediis , quibus se conservare possunt , sæpius aliter utuntur , quam iis uti debent. Obiectio , Neminem sibi ipsi obligari , locum hic minime invenit ; quia obligatio hominis erga se ipsum , non provenit ab homine ipso , sed a Deo. Velle autem Deum , ut homo vitam suam conservet , exinde probatur , quia Vita est fundamentum omnis felicitatis humanæ. Deus ergo , dum vult , ut homini bene sit , vult etiam , ut vivat. Accedit , quod homo vitam sibi non dederit ; Ergo eandem probibitu dimittere nequit.

II. Cum vero homo duabus constet partibus , *Anima & Corpore* , ante omnia respectu utriusque aureum illud commendatum sibi habeat , *Nosce te ipsum !* Quod præceptum non ad solam animam , sed totum hominem pertinet. Ad *Ani-*
mam igitur speciatim quod attinet ,

quoniam hæc nobilior est hominis pars, per quam a bestiis differt, mens sive animus inprimis est excolendus (a) Cognitione divini Numinis ac vera Religione ; singillatim vero (b) *intellectus* a præjudiciis, erroribus, præcipitantia liberandus; Conscientiæ cura gerenda; studia bonarum artium & disciplinarum, quarum usus in vita humana necessarius est, studiose tractanda. (c) *Voluntatis* cura minime negligenda; sed a pravis propensionibus illa purganda, & amore Virtutis mature imbuenda; (d) *Affectus*, qui multum ad vigorem animi, & prudentiam conservandam faciunt, ita regendi, ut Ratio præsit, Appetitus obtemperet. (e) Eligendum etiam tempestive, pro virium nostrarum habilitate, & natalium conditione, honestum artis ac vitæ genus, in quo utile aliquando societatis humanæ membrum

brum esse queamus. Denique (f) Opinio boni Viri diligenter tuenda, ac fama nostra per calumniam aliorum læsa, quantum possibile, Virtutum præsertim studio, nitori suo restituenda.

III. Cum vero animus futuris Corporis sustineatur, curandum est, ut si mens sana in corpore sano; sive (a) *Valetudinis* cura habenda; atque (b) imprimis vitanda ingluvies, ebrietas, improba immodicaque Venus, iræ, aliorumque perturbationum vehementia; (c) sectandum honesti laboris studium, ut suppetant, quæ ad victum & amictum, adeoque ad famam, sitim ac frigora propulsanda pertinent. (d) *Vita* denique ipsa (qua sublata, unio corporis cum anima tollitur) custodienda, eaque non pro lubitu abrumpenda; sed expectandum, donec evocemur ab eo qui nos hac in statione collocavit.

IV. Qui igitur directe & cum intentione, vel tædio molestiarum, vel metu dolorum, vel per vanam fidei aut fortitudinis jactantiam, ipsi, vel ministerio aliorum, vitam suam projiciunt, in Legem Naturæ utique peccant: non vero iis, qui indirecte & absque intentione illam minuendi aut abrumpendi, ea agunt, quæ officii & stationis, in qua a summo Imperante collocati sunt, ratio postulat, & v.g. per militiam, studia literaria, navigationes, variisve periculis, unde forsan vita brevior sequatur, exponunt. Cum enim non nobis solis vivamus, sed Deo & societati humanæ; inde si vel gloria Conditoris, vel societatis humanæ salus, vitam nostram quasi deponat, eam ad usus istos libenter impendamus; candelæ instar ardentis, cum lemmate: aliis inserviando consumor.

V. Quod

V. Quod de plena *Αυτοχρησία* valet, id de *Mutilatione membrorum*, præsertim eorum, quorum usus in vita necessarius est, æque procedit. Ea enim, cum a solo Deo in usus quotidianos habeamus, non possumus non iisdem privare. Neque corpus nostrum, canis instar rabiosi, dilaniemus ac mutilemus, sed exigente necessitate, & jubente recta ratione, pro salute reip. facilis illud deponamus.

VI. Unde colligere licet, *Defensionem tum vita, tum membrorum* nostrorum incolumitatis, adversus invasorem violentum, etiam cum hujus nece conjunctam, licitam esse. Pertinet huc illud Ciceronis: *Generi animantium omni est a natura tributum, ut se, vitam, corpusque tueatur, declinetque ea, qua nocitura videantur.* I. Offic. Debet vero defensio ista suscipi cum moderatione aliqua,

qua, ne scilicet plus nobis vindicemus, quam revera licet. Hinc vocatur *Moderamen inculcata tutela*; quod quatuor sequentia requirit: (1) Invasionem; sive ut quis ab adversario per violentiam sit invasus; (2) Præsentaneum vitæ periculum ex illa invasione: (3) si auxilium magistratus, ob defectum temporis, implorari non possit, adeoque impossibile aut difficile saltem sit effugium; (4) si defensio hæc fiat in continenti, & nulla interposita mora; neque tunc demum, cum aggressor jam fuerit depulsus, aut ultro recesserit, aut gladius ejus sit fractus, ita, ut nocere nobis amplius nequeat. Denique defensio hæc fiat non animo vindictæ cupido, sed salutis propriæ unice studioso, vitæque & incolumitatis conservandæ causa.

VII. Neque vero defensionem tantum suscipere licet adversus eum, qui

qui dolo malo, sed illum, qui *per errorem* exitium mihi intentat, puta furiosum; aut quia me alium, cum quo inimicitia ipsi intercedit, crediderit. Nam sufficit, quod alteri non sit jus ad me invadendum aut occidendum; neque in me sit obligatio & mortem frustra & citra reluctantiâ, obeundam.

IIIX. Nec solum pro Vita, sed & *Membrorum incolumitate* talem defensione suscipi posse, sub init. aph. præced. VI. monui. Nam & naturâ a mutilatione & gravi læsione maxime abhorremus; & mutilatio membri, præcipue nobilioris, interdum haud multo minoris, quam ipsa vita, æstimatur. Neque etiam, qui in eo rerum articulo sunt constituti, quodnam invadentis sit consilium, & quæ qualisve membrorum jactura futura sit, scire valent. Pro *rebus bonisque fortuna* tum demum de-

N 5

fen-

fensionem ejusmodi licitam esse puto, si nihil amplius, unde vivamus, nobis suppetat. *Pudicitia* vero cum neutiquam vitæ hominis sit æquiparanda, mea opinione, cum nece violatoris defendi nequit. De *Honore*, cæterisque rebus, quæ ex hominum opinione pendent, idem cenſeo. Hinc *Duella* Juri Naturæ bonisque legibus sunt contraria. Nemo certe jus habet, vel per se, vel per alium, vita se privandi, aut membra sua mutilandi.

IX. Quid in *Casu necessitatis*, in quem homo incidere potest, liceat, Pufendorſius Lib. II. de J. N. & G. Cap. 6. erudite tradit. In ore omnium verſatur πολυθρήλητον illud: *Necessitas non habet legem!* Ubi tamen notandum, quod necessitas id quidem non efficiat, ut lex directe violari queat, & peccatum admitti, sed ex benevola legislatorum mente ſi-
mul-

mulque humanæ naturæ consideratione præsumatur, casum necessitatis sub lege generaliter concepta non contineri v. g. Quamvis aliàs homini non sit jus in membra sua, ut illa pro lubitu mutiles perdatve; licebit tamen abscindere membrum insanabili vitio corruptum, ne pars sincera trahatur, totumque corpus pereat. Sic in naufragio, ubi ego tabulam occupavi duorum non capacem, si quis adnatans eidem se quoque injicere velit, me secum simul perditurus, possum illum (nisi ad eum habeam peculiarem respectum) quavis violentia a tabula repellere. Ita si quando duobus fugientibus hostis necem intentans instat, unus vel ponte post se dejecto, vel porta clausa, alterum in præsentis vitæ periculo destituere potest, si uterque servari nequeat. Plura exempla vid. apud cit. Pufend.

N 6,

X. Ple-

X. Pleraque hominis Officia erga se ipsum revocari possunt ad *Temperantiam*, h. e. studium ad ductum rectæ rationis se conservandi; quem latiore *Temperantiæ* significatum usus veterum omnino probat. Itaque, secundum hætenus tradita, *Temperantia* alia erit *Intellectus* & *Conscientia*, in rebus cognoscendis & dijudicandis; alia *Voluntatis* & *Affectuum*, alia *Corporis*; alia circa *Bona Fortuna*. *Temperantia* ratione *Corporis*, quæ cibo ac potu recte utitur, vocatur *Frugalitas*; quæ Veneri modum præscribit, *Castitas*; quæ laboribus, *Sedulitas*; quæ studium appetendi et conservandi opes temperant, *Αὐτάρκεια* & *Parsimonia* quæ honores denique & horum appetitum moderatur, *Modestia*. Quod si res adversæ ingruant, *Fortitudine* opus est Metus ac Fiduciæ moderatrice; (quam & nonnulli pro specie
Tem-

Temperantiæ habent) atque ea quidem, quæ mala imminencia propulsat, appellatur *Fortitudo* *strictè* sic dicta; illa, quæ incumbentia mala tolerat, *Patientia* vel *Tolerantia* nominatur.

XI. Temperantiæ mentis repugnat *Curiositas*, *vanarumque. Scientiarum Amor*; neglectus item *conscientia* & *Affectuum licentia* &c. Frugalitati opponitur *Ingluvies*, *Ebriositas*; *Libido*; Sedulitati, *Ociositas* & *Morosa diligentia*. Tñ *Autaarchia* & *Parsimoniæ Avaritia* & *Prodiginitia*; *Modestix Ambitio*; Fortitudini denique *Audacia* & *Mollities* adversantur.



CAPUT IX.

*De Officiis erga alios homines
isque Absolutis.*

I. **T**otum hominis Officium absol-
vitur, si erga Deum reve-
renter, erga seipsum temperanter,
erga proximum seu alios homines
innocenter ac socialiter se gerat. De
generibus duobus prioribus, in
præcedentibus actum est; nunc de
tertio agendum.

II. Officia erga alios homines ex-
ercenda sunt vel Absoluta vel Hypo-
thetica. *Absoluta*, quæ citra omne
antegressum humanum institutum
omnes homines obligant. *Hypothe-
tica*, quæ certum statum adventiti-
um, vel institutum per homines for-
matum aut receptum; præsuppo-
nunt. Sic multa sunt Juris Natura-
lis

lis præcepta, quæ nisi posito dominio rerum distincto, atque imperio civili, non intelliguntur, neque locum habent: ut Furtum non esse faciendum; Principi esse parendum &c.

III. Inter absoluta primum vulgo constituunt istud: *Neminem lade!* Hoc enim ad vitam socialem absolute necessarium est; idemque facillimum, cum in nuda actionis omissione consistat. Scharrockius Lib. III. de Officiis, hanc Officii partem *Innocentiam* vocat. Conf. Ciceronem III. de Offic. *Legibus populorum constitutum est, ut non liceret sui commodi causa nocere alteri; atque hoc multo magis exigit ipsa natura ratio, qua est lex divina & humana; cui parere qui velit, (omnes autem parebunt, qui secundum naturam volunt vivere) nunquam committet, ut alienum appetat, & id, quod*

quod alteri detraxerit, sibi assumat,
cap. 5.

IV. Læditur vero aliquis (1) in *Corpore*, per verba, vulnera, cædem &c. (2) ratione *Fama*, per calumnias aut mendacia de altero sparsa. (3) in *Bonis*, per furtum, rapinam, fraudem, corruptionem. Læsiō in *Bonis* a nonnullis *Damnum* dicitur: quanquam a Pufendorfio & aliis hīc *Damnum* tam late accipiatur, ut non solum rerum, sed & corporis, famæ, pudicitia, læsionem, corruptionem, diminutionem, sublationem aut interceptionem ejus, quod ex jure perfecto debebamus habere, sive denique omissionem aut denegationem cujusvis officii debiti significet.

V. Cæterum ut aliquis a me lædatur, aut fieri damno afficiatur, potest vel (1) per *αδίκημα*, *Injuriam* sive *Læsionem* proprie dictam, quæ alteri dolo malo, aut destinato consilio infer-

infertur, eidemque invito; cum volenti non fiat injuria, etiamsi rem patiatur injustum: vel (2) per ἀμάρτημα, *Erratum* sive *Culpam*, citra propositum quidem, non tamen absque negligentia sive culpa, levioze vel graviore: vel (3) per ἀτύχημα, *Infortunium* seu *Casum fortuitum*; sic, ut læsio ista recte nobis imputari nequeat. Denique pro Damnis a nobis datis ea quoque habentur, quæ cooperantibus nobis, per alios data sunt; imo & quæ citra culpam aut proæresin nostram a servis aut animalibus nostris sunt profecta. Vid, Exod. XXI. 28. seqq. 33. seqq. & H. Grotius de J. B. & P. Lib. II. c. XVII. & Lib. III. c. XI.

VI. Qui vero alterum læsit, ad *Restitutionem* tenetur: frustra alioquin Læsionem lex Naturæ prohiberet. Et primo quidem is, qui dolo malo damnum dedit, ad omnimodam

dam reparationem, tum damni directo dati, tum ejus, quod inde consecutum est, tenetur. In statu naturali debet quoque cautionem de non amplius offendendo præstare: in civitate poenæ insuper est obnoxius.

VII. Dein ad Reparationem tenetur, qui citra propositum quidem, per culpam tamen graviolem damnum intulit; cum hæc quoque non minima socialitas pars sit, ita circumspicte agere, ut conversatio nostra aliis non fiat formidolosa aut intolerabilis; & sæpe ex peculiari obligatione quis ad accuratam diligentiam adstringatur. Imo & culpa levior ad restitutionis necessitatem sufficere potest; si modo negotii natura exactissimam diligentiam non ultro velut aspernetur; aut illis magis, qui damnum accipit, quam qui dat, culpa versetur; aut nisi vehemens

mens perturbatio, vel negotii circumstantia, accuratam circumspeditionem non admittat; v. g. si quis in fervore pugnae, dum arma quatit, proxime sibi adstantem lædat. Huiusmodi tamen in caussa lædens offerat reparationem, ac testetur, omnem malitiam abfuisse, ne læsus ipsum pro hoste habeat, ac hostilia vicissim intentet.

II. Quando per *ατύχημα* five casum fortuitum, & citra culpam meam alterum læsero, ad restitutionem non teneor. Nam ubi a me nihil admissum est, quod imputari queat, nulla ratio est, quare ego magis, qui invitus damnum fecit, fatale malum luere debeam, quam alter, qui accepit. Quod si pauper a locuplete, per casum fortuitum, si læsus, divitis liberalitati congruum erit, miserum beneficio quodam solari.

IV. Si

IX. Si plures ad unum actum, ex quo damnum profluxit, concurrerint, primo loco tenebitur, qui imperio, mandato, aut alio modo necessitatem iuferente, ad factum impulit; is vero, qui factum patravit, & manum solum admovit, hoc casu non tenebitur, quia instrumentalis tantum causa fuit: secundo loco tenebuntur, qui citra necessitatem ad facinus accesserunt, prout quisque ad illud quidpiam contulit; ita tamen, ut, si a prioribus reparatio fuerit facta, posteriores ab eadem immunes sint; quanquam a poena non sunt immunes.

X. Æquitati quoque naturali consentaneum erit, ut, si *servus* vel *homo noster* citra culpam nostram alteri damnum dedit, id vel ipsi compensemus, vel istum læso dedamus. Servus enim cum nulla habeat bona, unde reparatio fieri possit, ejusque cor-

corpus domini sit, æquum sane est, ut dominus aut damnum resarciat, aut ipsum dedat. (Ubi notandum, sermonem hic esse de servis, quales apud veteres erant, ubi plane nihil possidebant, sed omnia dominis suis acquirere debebant.) Quando vero incitatur servus a domino ad inferendam injuriam; tunc dominus tenetur ad restitutionem, non servus; qui hic pro instrumento tantum habetur! prout aphor. præced. dictum: & quoniam dominus est causa moralis damni per servum dati. Imo & hoc caret dubio, quin dominus reparare debeat damna, quæ ab *animalibus* suis suam per culpam aut instinctum data sunt; aut si ex naturali & usitata ferocia animal ipsius alterum læserit. Debat enim dominus vel talia animalia non alere vel sic ea custodire, ne alteri damnum dare possent.

XI. Fit

XI. Fit autem Reparatio, si res corrupta vel ablata restituatur; aut si hoc fieri nequit, æstimatio tum rei, tum fructuum (aliquando omnis Interesse, ut loquuntur) præstetur. De cujusmodi reparationibus & satisfactionibus plura habentur in Jure Civili. Hic, quid Jure Naturæ debeat, breviter erat ostendendum.

XII. Secundum inter Absoluta Officium est: *Alium hominem, ut æque hominem tracta!* sive ut quivis alterum hominem sibi æqualem agnoscat, ratione (1) *Natura*. Eandem enim habemus naturam, & unus æque est homo ac alter, etsi viribus animi, corporisque gradu differunt. Omnes præterea ad unam stirpem referimus originem, omnes eodem modo propagamur, nascimur, morimur, fortunæ ludibriis

briis obnoxii sumus &c. (2) *Juris*; dum legibus naturalibus cuncti obligamur ad colendam cum aliis hominibus vitam socialem; & quod juris quis in alium statuit, eo ipsum uti quam maxime convenit: (3) *Liber-tatis*; dum omnes, citra societatem specialem, aut pactum alium finem agnoscens, æque sumus liberi, h. e. nemo potestatis quidquam in alterum habet, sed quilibet actionum & virium suarum est moderator.

XIII. Unde necesse est (a) ut quisque alterum æquali jure frui patiatur; (b) ut speciatim qui aliorum opera ad suum commodum uti vult, idem illis præstare non recuset. Quo pertinet Salvatoris nostri regula: *Omnia quacun- que vultis, ut faciant vobis homines, ita & vos facite illis!* Matth. VII. 12. (c) ut qui aliquid inter æquales distribuere debet, neutri quid præ altero indulgeat.

XIV.

XI. Fit autem Reparatio, si res corrupta vel ablata restituatur; aut si hoc fieri nequit, æstimatio tum rei, tum fructuum (aliquando omnis Interesse, ut loquuntur) præstetur. De cujusmodi reparationibus & satisfactionibus plura habentur in Jure Civili. Hic, quid Jure Naturæ debeatur, breviter erat ostendendum.

XII. Secundum inter Absoluta Officium est: *Alium hominem, ut æque hominem tracta!* sive ut quivis alterum hominem sibi æqualem agnoscat, ratione (1) *Naturæ*. Eandem enim habemus naturam, & unus æque est homo ac alter, etsi viribus animi, corporisque gradu differunt. Omnes præterea ad unam stirpem referimus originem, omnes eodem modo propagamur, nascimur, morimur, fortunæ ludibriis

briis obnoxii sumus &c. (2) *Juris*; dum legibus naturalibus cuncti obligamur ad colendam cum aliis hominibus vitam socialem; & quod juris quis in alium statuit, eo ipsum uti quam maxime convenit: (3) *Liber-tatis*; dum omnes, citra societatem specialem, aut pactum alium finem agnoscens, æque sumus liberi, h. e. nemo potestatis quidquam in alterum habet, sed quilibet actionum & virium suarum est moderator.

XIII. Unde necesse est (a) ut quisque alterum æquali jure frui patiatur; (b) ut speciatim qui aliorum opera ad suum commodum uti vult, idem illis præstare non recuset. Quo pertinet Salvatoris nostri regula: *Omnia quaecunque vultis, ut faciant vobis homines, ita & vos facite illis!* Matth. VII. 12. (c) ut qui aliquid inter æquales distribuere debet, neutri quid præ altero indulgeat.

XIV.

XIV. Peccatur contra *Æqualitatem* istam (1) per *Superbiam*, quando quis nulla de causa, aut non sufficiente, aliis se præfert, eosdemque communi jure frui probibet; (2) per *Contentum* signis exterioribus ostensum, v.g. verbis, risu, contumelia &c. quo ipso non potest non pax & socialitas turbari.

XV. Ex dictis etiam colligitur, sententiam illam, qua homines quidam *naturâ servi* statuuntur, non esse admittendam: quamvis enim quidam sint hebitiores, quidam perspicaciores aliis; non tamen aptitudo naturalis ad imperandum his statim dat imperium in illos, quibus a natura durius est ingenium servitioque aptum, sed facto & consensu humano opus est, ut imperium in alios cuidam deferatur, alterque alteri subji-ciatur. Non enim statim Rex est, qui ad regendum aptus videtur. Ita-que

arctiore adhuc vinculo animi hominum sunt conjungendi.

XIIX. Enim vero profumus alteri, ejusque commoda promovemus, vel Indefinite vel Definite. *Indefinite*, si animum corpusque nostrum egregiis artibus ac virtutibus ita excolimus, ut ad promovendas aliorum utilitates indistincte apti atque idonei reddamur; aut si per ingenii nostri solertiam talia invenimus, quibus vita humana redditur instructior. *Definite*, si quispiam certis hominibus certi quid indulgeat, quod ipsis emolumentum aliquod afferre queat. Idque fit (a) vel citra detrimentum nostrum, molestia aut operosum laborem! qualia bona alteri denegare aut invidere, detestabilis habetur inhumanitas. Huc pertinent *Officia*, quæ vocant, *innocua utilitatis*; e.g. erranti comiter viam monstrare, lumen alteri de suo lumine

mine accendere; concedere haustu
præterfluentis aquæ; advenas, præ
sertim calamitate pressos, hospitio
non prohibere; consilio fideli alte
rum juvare, clientem patrono com
mendare &c. Verbo: *qua accipienti
profunt, danti non obsunt.* Cum ve
ro (b) ex singulari affectu gratis quid
in alterum confertur, impensa aut
opera nostra laboriosa constans, ut
insignis eidem utilitas inde conci
lietur, *Beneficium* κατ' ἐξοχήν appel
latur, cujus dispensationem ac mo
dum conditio Dantis & Accipientis
temperet ac moderetur.

XIX. Vt vero homines ad promi
scua ejusmodi humanitatis officia
eo magis incitentur, in accipienti
bus vicissim requiritur *gritus ani
mus*; h. e. ut is, qui accepit beneficium
ostendat, hoc sibi gratum fuisse, dan
tique ideo se favere, & ad reponen
da paria, paratum esse. Notandum

tamen, quod velut ad beneficia danda sic ad gratum animum ostendendum, nemo perfecte (sed imperfecte) obligetur. Sunt enim Officia humanitatis; ad quæ præstanda nemo vi adigi debet vel potest. Intellegi enim nequit beneficium, quod non fit gratis; neque gratæ mentis officium, ad quod quis vi adigi potest: tunc enim non beneficium, sed creditum esse incipiet. Interim *in-grati animi crimen* habetur pro turpissimo; per quod alii quoque a beneficiis conferendis absterrentur: idque cum injuria conjunctum, & belli & actionis causam præbet, propter injuriam.

CAPUT X.

De Officiis Paciscentium.

- I. **A**B Officiis Absolutis ad Hypo-
thetica fit quasi transitus per
Pacta

Pacta intermedia : quippe cum omnia Officia, præter hætenus enumerata, Pactum expressum vel tacitum videantur præsupponere. Ut igitur sequentium Officiorum indoles recte noscatur, agendum hic erit de Natura Pactorum, & quid illa incun-
tibus sit observandum.

II. Est vero *Pactum* duorum pluriumve, in idem placitum de dando aliquo aut faciendo, consensus. Quo ipso a Promissione discernitur: quando enim unus duntaxat ad præstandum aliquid se obstringit, vocatur *Promissio*; quando duo pluresve ad præstandum quid mutuo se obligant, vocatur *Pactum*. Jcti dicunt: Pactum est duorum consensus atque conventio; Pollicitatio vero offerentis solius promissum.

III. Promissio est vel Perfecta vel Imperfecta. *Perfecta* est declaratio voluntatis, quod alteri sic obligari

velim, ut ipsi liceat rem promissam, tanquam debitam, a me exigere. *Imperfecta* est declaratio voluntatis, quod alteri velim obligari, sed ita, ut ipsi non liceat rem promissam, ut debitam, a me exigere; quales promissiones sæpe sunt Parentum, Principum & Patronorum. Cum neutra confundenda est *Nuda Assertio*, quando declaro alteri voluntatem meam, quam in præsentī habeo de commodis ejus promovendis; sic tamen, ut nec ad perseverantiam me obligari velim; e.g. jam cogito, quod te velim hæredem meum facere. Qualis quidem huc non pertinet.

IV. Paciscentium ac Promittentium Officiū est, ut fidem in pactis & promissis recte datam servant. Hoc enim nisi fieret, socialitas salva esse nequiret; & hominis vita foret misera: cum nemo rationes suas aliorum hominum subsidiis firmiter su-

superstruere posset; imo ex violata fide plurima damna bellicæ causæ pullulare soleant.

V. Ut vero pactum, & quod eo promissum est, validum sit, certæ requiruntur conditiones: (1) Utroque Pacifcentium consensus per signa idonea (puta voces, literas natusve) declaratus; quanquam contingat aliquando, ut ille citra ejusmodi signa, ex ipso negotio, aliisve circumstantiis, ab omnibus hominibus rationis compotibus colligatur; ipsumque Silentium certis cum circumstantiis consideratum, consensum interdum declaret. Vnde tritum illud: *Qui tacet, consentire videtur.* Quæ tamen regula suas etiam habet exceptiones.

V. (2) Requiritur, aut præsupponitur potius, Usus rationis, ut quis præsens negotium, & quid sibi conveniat, intelligat. Vnde sequitur, pacta

& præmissa *infantum amentium ac furiosorum*, (nisi ubi dilucidis forte intervallis furor distinguitur) ut & *ebriorum*, nulla esse. Nec etiam promissa valent *puerorum*, donec ac annos discretionis pervenerint: quos tamen definire certo non licet; quia citius alii, alii tardius sapiunt. Judicandum igitur ex quotidianis eorum actibus, aut ex eo etiam, quod communiter in quaque civitate aut regione accidit.

VII. (3) Vt Error, Dolus, Metusque injustus absint. Et *Error* quidem, uti consensum impedit, ita & pactum irritum reddit; sed tunc demum, si circa essentiam rei aut ejus qualitatis, de qua paciscendo potissimum actum, commissus fuerit. Si vero profectus sit ex negligentia aut præcipitantia paciscentis, hic obligatus erit ad pensationem damni ex pacto irritato alteri illati. *Dolus* paciscentis

scientis pactum utique reddit irritum: *tertiū* non item, utut hic ad damni dati restitutionem sit obligatus. *Metus* h. e. terror animi, nisi itæ vehemens fuerit, ut omnem rationis usum excusserit, pactum per se non reddit irritum: adest enim & in metu aliqualis consensus. Quod si autem fuerit *injustus*, (h. e. per vim injustam a promissario incussus pactum irritum reddit, non ob defectum consensus, sed quia incutiens istum, non habet jus promissum acceptandi. Lex enim Naturæ, quæ metum injustum alteri incutere vetat, jus quoque ex isto metu acquirere lucrumve facere prohibet. Loquimur autem hic de Pactis injuratis. Quod si jusjurandum etiam intercesserit, alia, eaque difficilior, quæstio hinc exoritur.

II. X. (4) Ut res & materia Pactorum & Promissorum sit physice &

O S mo-

moraliter possibilis ; nec si res aliena, sed nostra. *Physice & moraliter possibilis* h.e. cujus præstatio non sit supra vires nostras, neque lege aliqua prohibita. Si quis physice impossibilia promittit, agit stolide; si moraliter impossibilia, improbe. Talium igitur impossibilium (utroque modo consideratorum) nulla est obligatio. Ac frustra etiam paciscimur circa *res alienas*, in quantum non sunt nostræ, sed alterius imperio & arbitrio subiectæ. In quod enim nullum nobis est jus, id in alium transferre non possumus.

IX. Denique promissio valida fit, requiritur etiam in eo, cui promittitur, *Acceptatio*, quæ nihil est aliud, quam ejus, cui aliquid promittitur, consensus, per signa idonea declaratus, se id, quod promissum est, acceptaturam. Hic consensus si absit, seu quando alter oblatum promif-

missum acceptare nolit, res promissa penes promissorum manet. Nimirum qui alteri rem suam offert, neque invito eam vult obtrudere, neque pro derelicta habere. Ergo si alter non acceptaverit, jure promittentis in rem oblatam nihil decessit.

X. Ratione Modi Promissa vel habent adjectionem notabilis aliqujus Circumstantiæ, e. g. temporis, eventus, loci &c. Vel circumstantiam ejusmodi adjectam non habent. Hæc vocantur *Pura*; inter illa eminent *Conditionata*: ad quæ requiritur, ut validitas eorum conferatur in eventum futurum, eumque incertum, minimum respectu notitiæ contrahentium; v. g. Dabo tibi centum imperiales, si Cæsareani Gallos profligaverint. Ut ita *Conditiones proprie dictæ* non sint, quæ omnibus Promissis, etiam Puris, tacite insunt; dabo tibi hoc, si vis major

jor me non impediatur, aut si stabit mundus &c.

XI. Porro Conditiones aliæ sunt Possibiles, aliæ Impossibiles. *Possibiles* sunt, quæ obligationem suspendunt ex eventu, qui physice & moraliter contingere potest. Distinguuntur in *Casuales*, *Potestativas* & *Mixtas*. Casualis sive fortuita conditio est, quæ ex mero casu aut fortuna obtingat, adeoque ut existat vel non existat, penes nos non est; ut, dabo tibi hoc, si intra triduum non pluet. Potestativa, quæ ut existat vel non existat, penes eum est, cui promittitur; ut, dabo tibi hoc, si per totum diem domi manseris. Mixta, cujus impletio partim ab arbitrio ejus, in quem confertur partim a casu, adeoque etiam ab arbitrio tertii, pendet; ut, præstabo hoc, si virgo Mævia tibi nupserit. *Impossibilis* conditio est *Physice* talis, quæ per rerum naturam fieri non potest: vel *Morali-*

ter talis, quæ contra leges fieri non debet. Ejusmodi conditiones adjectæ, si naturalem interpretandi simplicitatem sequamur, præsertim ubi uterque (promittens, & is, cui promittitur) impossibiles eas scivit, negantem, adeoque nullam faciunt promissionem. In Promissis igitur conditionatis debet conditio esse possibilis, honesta, dubia, ut incertum sit, an eveniat, saltem respectu scientiæ nostræ ad eam se referentis; futura, (ita ut ejus notitia adhuc sit futura paciscentibus) & indebita, ut ne antea ex justitia aliqua eam teneat præstare.

XII. Pertinet quoque ad Modos promittendi, quod promittamus & paciscamur vel *nos ipsi*, vel *per alios homines*, quos velut internuntios & interpretes voluntatis nostræ esse volumus. Jctorum stilo personæ hæ vocantur *Mandatarii & Procuratores*, interdum & *Delegati*. Hi
 O 7 igitur

igitur, si *bona fide* egerint, neque fines mandati manifestos excefferint, firmiter nos iis, quibus cum nostro nomine pacti sunt obligant. Cœterum vero, pro illo, cum quo paciscimur, alia etiam persona substitui potest. Vid. H. Grotius Lib. II. de J. B. & P. c. XI. §. 18. De distinctione inter Mandatarium, in quo *usus judicii* requiritur, & eum, qui mihi *ministerium* corporale tantum præstat, (unde quæstiones multæ dijudicari possunt) vid. Cl. Thomasius Jurispr. Div. Lib. II. c. VII. §. 116. seqq. Atque ita se habent Officia Hominis Absoluta, ut & ea, per quæ veluti transitur ad alia.

CAPUT XI.

*De Officiis erga alios homines
Hypotheticis, ac specia-*
litim.

*De Officiis Sermocinantium
& Furantium.*

I. **O**fficia Hypothetica supra vocavimus, quæ factum aut institutum aliquod humanum præsupponunt. Qualia instituta universalia, sine quibus genus humanum subsistere non potuit, tria sunt: *Sermo, Dominium Rerum, harumque Pretium.*

II. *Sermo* est vox hominis articulata, (sive ex vocibus juncta oratio) per quam animi sui sensa aliis hominibus significare potest. Est ille opus utile ac necessarium societatis hu-

humanæ instrumentum, ut multi vel ex sola loquendi facultate collegerint hominem ad agendam vitam socialem a natura destinatum. Ac præcipuus certe sermonis finis est, ut vita hominum socialis conservetur & promoveatur! Vnde pronofluit alio: *Sermone ita utendum, veluti natura & ratio socialitatis requirit.* Id quod de aliis quoque mentem nostram exprimantibus signis, (scriptura, gestu, nutu &c.) quæ sermonis vicem quandoque subeunt, pariter est intelligendum.

II. Hinc & regulæ hæc speciales emanant: (1) Quoties ex humanitate, (i. e. ad aliorum hominum commoda promovenda, & damna avertenda) aut pacto aliave lege teneris, toties loquere, sive animi tui sensa signis liquidis significa! (2) Tace, si per

per sermonem tuum alii offendantur, aut damnum præter meritum incurrant; aut humanitas, vel pactum, vel tua etiam salus, aut generatim pax communis taciturnitatem exigant! (3) Vocabula non in alia significatione adhibe, quam fert usus, aut conventum est. (4) Ea loquere, quæ cum animo tuo conveniunt, & quæ alter ex te cognoscendi jus habet! (5) A Mendacio seu Falsiloquio Morali semper abstinere Falsiloquio Logico uti nonnunquam licet; at non Morali.

IV. Nimirum *Mendacium* proprie dictum, seu *Falsiloquium Morale*, est discrepantia verborum aut signorum a rebus & cogitatis nostris, quæ alter ex nobis intelligendi jus habet. *Falsiloquium Logicum* est discrepantia verborum aut signorum a rebus & cogitatis nostris, quæ alter ex nobis intelligendi jus nullum

lum habuerit. Proinde celare veritatem, aut aliter, quam sentimus, loqui licet, quando id requirit Dei honor, aut salus publica, vel nostra etiam & proximi. Ita hostem fallere licet; hic enim nullum jus habet verum ex nobis cognoscendi. Ita judici fictis argumentis uti quandoque licet ad expiscandam veritatem; & Medico ad persuadendum ægrum, ut sumat medicamina; ille enim neminem lædit, ac potestatem quoque habet in veritatem inquirendi; hic servare ægrotum intendit. Contra vero falsa testimonia, fidei in contractibus violatio, malitiosæ simulationes, æquivocationes & restrictiones mentales, ad Falsiloquia Moralia, in se turpia, omnino pertinent, quia per eas jus alterius læditur.

V. Objicis ratione Falsiloquii Logici: Natura dedit homini sermonem, ut sit mentis interpres, non ut per

per illum fallat alios. Resp. Non ut *illicite* fallat ac *noxie*. Neque natura dedit homini sermonem, ut semper & ubique animi sui sensa proferat; sed ut hoc fiat cum prudentia & secundum leges; utque sermone mutuis & communibus commodis consulatur. Et cum hic posterior (mutui videlicet ac publici commodi propagatio) sit primarius sermonis finis, a quo prior ille mensuram capit, non poterit contra legem naturæ esse intentio fallendi, quæ ad hunc finem directe tendit. Eleganter affert instantiam ad prolatam objectionem, de manibus itidem a natura datis, B. Dürrius in Problemate Moral. LXXXIII. p. 143.

VI. Solent vero homines sermoni & actibus, in quibus sermonis usus sese exerit firmamentum aliquod addere *Jurejurando*. Ac licite quidem; quoniam nec Leges naturales,
nec

nec divinæ positivæ obstant; sed potius hoc religionis vinculum sæpe exigunt ac requirunt. Est autem *Jusjurandum* religiosa Numinis divini, tanquam testis & vindicis, invocatio, in assertionis aut promissionis confirmationem.

VII. Dividitur hinc in *Assertorium* & *Promissorium*. Illud adhibetur, ut rem gestam confirmemus, vel factum quodpiam illiquidum probemus, ubi veritas aliis rationibus commodius investigari nequit. Tale exigitur a testibus, seu iis, qui alieni facti habentur conscii. Promissorium est, quo jurans homini pollicetur, se impofterum facturum aliquid vel non facturum. Idque promissis ac pactis addi solet, ut eo majore cum religione observentur.

IIIX. Est vero jurandum per *solum Deum verum*; quia præter illum, nullum ens est omniscium aut omni-

ni-

nipotens, quodque pejerantes majori vi, quam homines uti solent, punire possit. Hinc juramenta per Deos falsos, per Genios principum, ut olim apud Romanos, aliasve res creatas concepta, impia sunt; imo & irrita insuper, si jurans ipse nullam divinitatem illis tribuat. Interim tamen juramenta per vana etiam Numina aut creaturas concepta, si jurans id, per quod juravit, verum Deum esse credat, jurantem in conscientia obligant, eaque acceptare licet, si aliud haberi nequeat.

IX. Quemadmodum vero jussurandum de *re illicita & impossibili* præstitum non obligat; ita *hesiti* tamen & *heretico* datum est servandum; quia omnes homines, usu rationis præditi, sunt capaces juris ex promisso ita hominibus omnibus commune est, ut religionis discrimen

men non admittat. Difficilior ista est quæstio: An juramentum *metu injusto* (e.g. a latrone) *extortum* obliget coram Deo, & secundum jus naturæ? (Nam secundum jus Civile & Canonicum certum est, talia juramenta non obligare, aut saltem per restitutionem in integrum sive absolutionem rescindi.) Negant Pufendorfius & Thomasius; affirmant vero Grotius, Kulpisius ac plures; imprimis Balduinus Cas. Consc. Lib. II. cap. IX. Cas. XII. p. m. 349; dicentes: *Per juramentum Promissionem Deo fuisse factam, cujus nomen non sit profanandum.* Sed regerit Cl. Thomasius: Non præsumendum, Deum, in favorem hominis nequam, promissionem talem accepisse.

X. Præterea non obligat juramentum, ad quod alter *dolo malo* me seduxit; ut si quis ex remotis locis lætum mihi nuntium attulerit, ob quod

quod præmium ipsi jurato promiserim, postea autem falsa illum nuntiassè deprehendero, haudquaquam juramento isto tenebor. De jurejurando Josuæ Gibeonitis præstito vid. Pufend. de J. N. & G. Lib. IV. c. II. §. 7. & Ambrosius Offic. III. c. 10.

XI. Regulæ officii circa jusjurandum hæ sunt: (1) Loquere verum in perhibendis testimoniis juratis! (2) Serva religiose promissa jurejurando firmata! (3) Non jura temere! h. e. ubi Cultus Dei, aut tua vel proximi salus id non exigit. (4) Nec temere juramentum posce! (5) In juramentis æquivocationes, cavillationes & mentales reservationes omnino sunt vitandæ!

XII. Si quis falso jurat, dicitur *Perjurium*, h. e. mendacium in jurejurando; id quod apud omnes gentes moratiores pro atrocissimo crimine semper est habitum: quia
perju-

perjurus manifesto satis testatur, se Deum contemnere, nec ejus omniscientiam, potentiam ac justitiam revereri.

CAPUT XII.

*De Officio circa acquirendum
& acquisitum rerum Do-
minium.*

I. **A**lterum institutum universale, cui certa innituntur Officia, est *Rerum Dominium*. Per *Res* hic intelliguntur res in usum & delectationem hominis a Deo creatæ; ut agri, silvæ, lacus, metalla, mineralia, aliaque vegetabilia; nec non plantæ ac fruges, quæ citra sensum corrumpuntur; sed & animalia, bruta, quæ citra peccatum ab homine, cibi & vestitus causa, utut cum dolore, occiduntur & consumuntur.

ILRe-

II. Rebus hiſce hujus mundi tam animatis quam in animatis uti poteſt homo; quia nihil eſt, quod uſum illarum prohibeat, homoque iis ad ſui conſervationem indiget; quamcum Deus velit, voluit quoque ut mediis uteretur, ſine quibus conſervatio obtineri non poteſt. Ubi tamen hæ notandæ ſunt regulæ: (1) Utere rebus creatis, a DEO in uſus tuos conceſſis, ad gloriam non contumeliam creatoris! (2) Ita illis utere, ut per uſum iſtum non evertas Bona tua animi & Corporis! (3) Nec abutere illis ad ſuperbiam, damnumve aliorum.

III. *Dominium* vero eſt jus, quodres aliqua alicui eſt propria. Eſtque vel Privatum vel Publicum; Plenum vel Diminutum. *Privatum* dominum nominant, quod ſingulæ perſonæ ac ſocietates non-civiles ſeorſum habent; *Publicum*, quod
P gerit

gerit ipsa Respublica. *Plenum* est, quando proprietates rei & ususfructus eidem domino actu competit. *Diminutum*, quando ususfructus rei ad unum, & substantia ejus ad alterum pertinet. Huc referunt *Directum* & *Utile* Dominium; quorum conceptum explicare satagunt Jura Positiva.

IV. Dominium & Proprietas hac in doctrina sunt Synonyma, etsi quandoque a Scriptoribus usurpentur diversimode. Nimirum *Proprietas* est, quando res quædam sic ad aliquem pertinet, ut eodem modo non pertineat ad alium. *Communio* autem est, quando rei substantia ita pertinet ad aliquem, ut eodem modo pertinet ad alium. *Communio* est vel Positiva vel Privativa; Illa est, cum res ita pertinet & plures, ut in plurimum conjunctim sumtorum sit proprietate: hæc, quando res secundum

cundum substantiam nullius est, secundum usum omnibus patet.

V. Jam quod ad Originem Domini attinet, supponendum est ex historia, Deum primis nostris Parentibus ac se conditis concessisse *facultatem* rebus omnibus ad sui conservationem, divinique Nominis gloriam, utendi. *Facultatem* inquam; *Dominium* enim vix accurate dixerit, cum nondum alii fuerint homines, qui ab earundem rerum possessione potuerint excludi, adeoque rerum nec *proprietas*, nec *communio positiva* erat; utraque enim *dominium* supponit: sed *communio privativa*. Atque hæc est *communio* illa *primæva*, tot Scriptoribus & Poëtis antiquis, e junioribus etiam Grotio, Pufendorfio, Textori, Thomasio, aliisque decantata.

VI. Sed ob multiplicatos homines, humanique ingenii malitiam, hic

P 2

rerum

rerum status diuturnus esse non potuit. Ergo, Dominum rerum introducendum fuit; idque hoc ordine factum esse verosimile est, ut primo *fructus*, dein rerum substantias, inter se diviserint; addito pacto, ut, quæ non divisa essent, illi cederent, qui primus ea sibi afferuisset. Idque cum ad præsentem tum generis humani conditionem, & studium pacis socialitatisque (nam communio plerumque mater est discordiæ) plane necessarium fuerit, Summi Numinis approbationem accessisse, hinc colligitur.

VII. Ad Objectum Dominii quod attinet notandum, duo requiri, ut res *propria* fieri possit: (1) ut præbeat usum, (inutilia enim propria sibi facere ineptum est) sed eum, qui exhauriri possit. Illa enim, quæ inexhausti sunt usus, dominio subicere, aut ineptum foret; aut inhumanum;

num; nisi forsan cum rebus alias propriis cohæreant. Sic lumen caloremque solis, aërem, aquam profluentem, a proprietate liberare relinquere, rationi congruum est: sed quatenus cum prædiis aut ædificiis nostris cohærent, servitutes quasdam producere aptæ sunt: v.g. servitutem altius non tollendi vicinum ædificium, ne lumini aut prospectui nostro officiat &c. (2) Requiritur, ut res ista ab hominibus apprehendi & custodiri queat: ceteroquin enim alii ab ejus possessione arceri non possent.

II. X. Atque hinc, quid de *Dominio maris* sentiendum sit, liquet. Nempe quatenus usus ejus exauriri illudque custodiri potest, eatenus domini est capax; sed quatenus usum inexhaustum præbet, & custodiri nequit, dominium respuit. Unde sequitur, pacatam Oceani navigationem

nem omnibus nationibus esse liberam debere; quia in communione primæva permansit. Vid. hic. Pufend. de J. N. & G. Lib. IV. c. 5. §. 5. & seqq. Ac notetur regula specialis: Ut homo res inexhaustæ utilitatis, & aquarum usu alios acere vires humanas excedit, intra primævam communionem mane sinat.

IX. *Modi acquirendi rerum Domini* sunt vel *Originarii* vel *Derivati*. *vi. Originarii* sunt, quibus ab initio in rem aliquam proprietas introducit. Sic olim, cum primum hominum genus in plures familias dividi cœpisset, primus modus erat ipsa rerum *Divisio, facta* vel auctoritate parentis, vel pacto, vel sorte, vel opinione. Quæ hoc modo non divisa, sed in primæva communione relicta fuerunt, super his conventum, ut ea cederent occupanti. Adeoque res hodiernum originariè acquiruntur per Occupationem.

X. Est-

X. Est vero *occupatio* apprehensio rei antea nullius, cum animo sibi eam appropriandi. Sicut autem Res ipsæ variant, ita variat quoque rerum apprehensio. Hinc mobilia manibus, immobilia ingressione sive pedibus apprehenduntur. Hoc modo acquiruntur regiones desertæ, quæ sunt illius, qui primus istas ingreditur animo eas sibi afferendi, ita ut culturam iis adhibeat, limitesque constituat. Per Occupationem quoque acquiruntur feræ bestiæ, aves, pisces; item si quæ a mari in litus ejici solent: modo tamen per Imperium civile promiscua ejusmodi rerum captura non sit interdicta, aut certo alicui assignata. Sic & res derelictæ, quas prior dominus abjecit, nec vult recuperare, cedunt occupanti; resque aliæ, quarum dominus ignoratus; quo & thesaurus pertinet, qui cedit inventori, ubi per

leges civiles aliter non est dispositum.

XI. De Acquisitionibus *Accessionum* observanda est regula: Qui dominus est substantiæ, ad eum quoque pertinent accessiones. *Accessionum* autem nomine veniunt omnes *fructus* tum *naturales*, tum *industriales*, tum *civiles*. Illi naturâ, isti facto & industria hominum, hi per contractus proveniunt, uti usura, pensiones &c. Omnes hi fructus secundum regulam traditam, pertinent ad dominium rei, ex qua resultant. Hinc & foetus pertinet ad dominum matris; plantata & consita in solo, ad dominium soli; quæ per alluvionem accrescunt, ad eum, qui est dominus ac possessor agri; nisi constet unde res venerit.

XII. Præterea contingit interdum, ut alii aliis viis jus sibi in res nostras acquirant: ut sunt, jus *emphy-*

phytevticum, jus superficiei, jus possessoris bonæ fidei; pignus seu hypotheca; servitutes, de quibus fusa agunt Juris Romani interpretes, & Pufend. de. J. N. & G. Lib. IV. c. 8.

XIII. *Derivativi* vero Modi sunt, quibus dominium, jam constitutum ab uno homine in alium transit. Idque sit vel ex *dispositione legis*, vel *facto prioris domini*. Ad priorem modum pertinent *Successiones ab intestato*. Si enim quis moriatur, voluntate sua de bonorum suorum translatione non legitime satis declarata, tunc præsumitur, illum voluisse bona sua ad eos devolvi, quos præ cæteris dilexit. Cum vero præsumptiones hæ sæpe a vera defuncti voluntate aberrent, succurrit hic Lex naturæ, jubens, nec dominia in incerto sint, & ne innumeris litibus fenestra aperiatur; ut is succedat, cui secundum naturæ ordinem quisque

præ cæteris bene cupere debebat. Ordo igitur in successione ab intestato hic est: ut primum locum teneant *descendentes*, prius & ulterius gradus, quia his debentur alimenta; secundum occupent *ascendentes*, per legem gratitudinis; tertiam denique *collaterales*, ob ortus communionem & sanguinis proximitatem.

XIV. Quæ autem factio domini prioris ejusque consensu expresso fit translatio eo aut *inter vivos* fit per Donationem: aut *post mortem* per Testamentum. Adeoque definitur *Testamentum*, quod sit declaratio voluntatis nostræ circa successores in bona nostra, post mortem nostram. Unde consequitur, ante mortem testatoris heredi proprie nullum jus in bona illius competere; ac testamentum etiam ante mortem mutari posse.

XV. Peculiaris denique modus acquirendi est *Usucapio*, qua is, qui bona

bona fide iustoque titulo rei alicujus possessionem nactus est, eamque diu quietam nec interruptam obtinuit, pro perfecto tandem ejus rei domino habetur, jure prioris domini extincto, Dico (1) *bona fide*; unde res vi aut furto ablatae raptore & fure usucapi non possunt; (2) *diu quietam possessionem*; sive ut quis per longum temporis intervallum rem quiete possederit. Hinc *Prescriptio* in Jure locum habet; ac tempus, pro diversitate rerum usucapiendarum, modo longius modo brevius est determinatum.

XV. Officia circa rerum dominia acquisita his regulis (præter datas §. 2. Cap. hujus) includi possunt. (1.) Ne alios rerum suarum dominio directe aut indirecte privemus. (2.) Si res aliena ad nos pervenerit, eamque adhuc in potestate nostra habeamus, quantum in nobis est; efficiamus,

mus, ut ad legitimum dominium redeat. (3.) Quod si vero *consumpta* sit, ut tantum reddamus, in quantum facti sumus locupletiores. Nemo enim ex immerito alterius damno lucrum capere debet.

CAPVT XIII.

De Pretio.

1. **T**ertium Institutum universale est *Pretium* rerum & actionum. Causa, cur hoc introduceretur, necessitas & humana indigentia sunt. Post introducta enim rerum dominia, coeperunt commercia ac rerum permutationes; quæ sine pretio commodè fieri nequeunt. *Pretium* vero est valor rerum & actionum in commercium venientium, quatenus usum aliquem & delectationem hominibus afferunt, Est vel *Vulgare* vel *Eminens*.

II, Vul-

II. *Vulgare* pretium est, cum mutuo inter se quæcunque res & operæ conferuntur. Fundamentum ejus est *Utilitas*, quam res & actiones in vita hominum præbere possunt. (Hinc res *inutiles* vocantur *nullius pretii*.) Ac fundamenti illius respectu rerum pretia vel intenduntur vel remittuntur; quo majorem scilicet aut minorem usum ac jucunditatem in vita afferunt. Speciatim vero *Vulgare* rerum pretium intenditur (1.) ob earum *rarityatem*, maxime si necessitas & indigentia accedat. Unde illud: Omne rarum carum. (2.) In artificialibus ob *elegantiam* & *subtilitatem operis*, *celebritatem artificis &c.* (3) ob causam particularem, aut affectionem, qua quidam res suas amplectuntur; unde *pretium affectionis*. Contraria horum pretium imminuunt.

III. Sunt vero res quædam, etsi

utilissimæ, quæ pretium tamen non habent : (1) quod omne pretium superent, inque commercium venire non debeant, ut actiones sacræ, justitia &c. (2) quia extra dominium sunt positæ, & in communione relictæ; ut, aër, lumen, aqua profluens : nisi quatenus cum rebus nostris cohærent, quarum pretium utique augere vel minuere solent.

IV. Definiuntur rerum Pretia in statu naturali *contrahentium conventionione* : in statu civili, a *summo Imperante*, vel per legem, unde pretium *Legitimum*, vel ex usu fori ac per communem civium æstimationem, hinc pretium *Commune*. A pretio legitimo, plus exigendo discedere non licet, etsi minus accipere, si velis, non prohibearis.

V. Cum autem permutatione rerum commercia difficulter procederent, necesse fuit, ut Pretium *Emi-*
nens

nens introduceretur, ad quod nempe cæterarum rerum ac operarum pretia vulgaria exigerentur, & in quo eadem virtualiter containerentur; quod appellatur *Numus* vel *Pecunia*. Et vero materia pretii eminentis debet esse (1) rara & æstimabilis; (2) substantiæ solidæ & compactæ ut usu non facile deteri queat; (3) divisionem in minutas particulas admittens; (4.) custodiæ & translationi apta. Aptissima proinde hunc ad usum sunt metalla nobiliora *Aurum*, *Argentum*, *as*, habita tamen ratione præstantiæ unius præ altero. In casu necessitatis numi etiam plumbei, ferrei; coriacei &c. vicem veræ pecuniæ subire possunt.

VI. Pretium Eminens in statu naturali constituunt gentes: in statu civiliis, penes quem est summa potestas circa monetam. Idque fit vel certo definito pondere, vel quod
pas-

passim receptum, impressa Imperantis imagine, aliisque notis, e quibus nummorum valor constare possit. Notent vero *Imperantes* hanc regulam: In valore nummorum non debere fieri mutationem, nisi summa reip. utilitas id suaferit; quæ tamen mutatio quo modestior fuerit, eo minus rationes civium perturbabit. *Parentes* istam: ab omni pecuniæ corruptione abstinere; remque tuam ita compara ad rem alterius, ut hunc neque sine justa causa inæqualem iudices, neq; decipias ac defraudes!

VII. Pleraque omnia hominis officia erga alios, revocari possunt ad *Charitatem & Justitiam*. Et illa quidem Virtus, qua alterum non lædimus, *Justitia Universalis* aut *Innocentia* nomine insigniri solet; cui opponitur *Injustitia Universalis*, & alios injuriose tractandi libido; ubi vitium speciatim, quo lædimus alios
In

in corpore vocatur *Immanitas*, in bonis, *Furacitas*, in fama *Maledicentia* & *Calumniandi libido*. Virtutes, quibus injurias illatas excipimus ac despiciamus, sunt *Mansuetudo* & *Magnanimitas*. Aequalitatem naturalem observant *Aequitas* & *Humilitas*; quibus adversantur *Iniquitas* & *Superbia*. Aliorum hominum utilitates & commoda promovent *Charitas*, (*Φιλανθρωπία*) *Hospitalitas*, *Liberalitas*, & quæ beneficia rite accipit, *Gratitudo*. Charitati opponitur *Omissio officiorum humanitatis*, (*Μισανθρωπία*) *Hospitalitati Inhospitalitas*, *Liberalitati, Illiberalitas* animo grato ingratus, sive *Ingratitudo*. Quæ in excessu hic peccant vitia, huc non pertinent, cum per ea homo in se ipsum magis quam in alios peccet.

IIX. Præterea Pacta & Promissa sancte servat *Fides*, cui opponitur *Per-*

Perfidia. Officia fermocinantium dirigit *Veracitas Iustitiaria*; cui aduersatur *Mendacitas* seu mentiendi libido. E Jurantium officiis exsurgit *Religiosa fidelitas*; cui perjurantium perfidia & *Perjuria* repugnant. Ratione Domini commendanda est. *Abstinencia a rebus alienis*; cui contrariantur *Concupiscentia rerum alienarum, Avaritia &c.* Ratione Pretii & Contractuum *Iustitia Particularis*, eaque *Committans & Distribuens*; cui oppositur *Iniustitia Particularis*; quæ itidem in *Commutativam & Distributivam* dispesci solet.



CAPUT XIV.

Continens Addenda quadam

De Contractibus & Interpretatione.

I. **P**ufendorfius & alii, doctrinæ de Pretio subungere solent doctrinam de *Contractibus*, qui rerum pretia præsupponunt. Cl. vero Thomasius in Jurisprud. Divin. ac plures, hanc omittunt, tum quia præcepta de *Contractibus* pleraque omnia ad Jus Civile spectant; tum quia de Paciscentium Obligationibus ab ipso Thomasio generatim ibid. Lib. II, cap. 7. actum est: cujus vestigiis heic insistere nobis placet, qui & supra Cap. X. de Officiis Paciscentium, ipsisque Pactis egimus; a quibus Contractus non aliter, quam a genere species videntur differre.

II. Con-

II. Concinnam Contractuum di-
 visionem Consultiff. D. Textor. in Sy-
 nopf. Jur. Gent. cap. XIII. num. 50.
 fuppeditat: (quam laudat eo nomine
 b. Kulpfius in Colleg. Grot. p. (67.)
 Nimirum obstringitur aliquis vel
 ad *dandum*, five ad *translationem*
dominii, ut in mutuo, Emptionibus,
 Venditionibus, Rerum permutatio-
 nibus &c. vel ad *Faciendum* five *u-*
sum rerum aut *operarum*; eumque vel
gratuitum, ut in Mandato, Depofi-
 to, Commodato & fimilibus; vel
mercenarium, ut in Locationibus
 Conductionibus, & Contractu inno-
 minato, Facio ut facias. Vid. de *Con-*
tractibus Pufendorf. de Off. H. & C.
 Lib. I. cap. 15. ac de J. N. & Gent. Lib.
 V. cap. 2. 3. & feqq. Add. Phil. Sle-
 vogti Difp. de Contractibus, in quan-
 tum funt Philofophicæ considera-
 tionis, Jenæ hab. An. 1687.

III. De *Interpretatione* (quam
 doctri-

doctrinam pariter, coronidis loco, nonnulli Jurisprudentiæ Vniuersali annectunt) agunt *Dialectici*, atque e junioribus imprimis Claubergius in Logica sua, item Greydanus & Weisius; maxime vero *Jcri*, qui varias proponunt bonæ interpretationis regulas, quæ tamen ad Leges Civiles potissimum spectant; cum Legum Naturalium sensus nobis innotescat per solas demonstrationes. Qua in sententia quoque versatur celeb. Thomasius Jurispr. div. Lib. II. c. XII. §. 2. 3. Interim ex Scriptoribus J. N. nemo felicius doctrinam hanc tradidit, quam H. Grotius Lib. II. de J. B. & P. cap. XVI. nec non Pufendorfius eum secutus Lib. I. de Off. H. & C. Cap. 17. longeque fusius Lib. V. cap. XII. de J. N. & G. Add. Thomasius Jurispr. divin. Lib. II. cap. XII.

IV. Atque hæc de officio Hominis, non præcise in certa societate

III. Sicut vero pactum omne, ita matrimonium quoque consensum maxime requirit. Et consensus quidem mutus hic efficit, ut conjugium sit; copula vero carnalis, ut contractus expleatur.

IV. Finis quoque pacti hujus, solis procreatio, cum obtineri possit, etiamsi vir *unus pluribus* jungatur *feminis*, quin lege naturæ Polygamia talis licita sit, nullum est dubium. Sed de matrimonio *unius femina* cum *pluribus viris* aliter est sentiendum. Nec ut *perpetuum* hoc pactum sit, necessum est; licet ad prolis educationem multum conducatur. Nempe enim omne pactum sicut dissensu mutuo dissolvi potest, ita & matrimoniale, præsertim si graves eò causæ perducant; inter quas mores etiam asperi & intolerabiles referendi: Nam & hi matrimonii finem impediunt. Quod si
tamen

tamen ea lege matrimonium initum, ut sit perpetuum, utque viro non liceat plures foeminas ducere, pacto tali sancte omnino standum est.

V. Nec finis Societatis hujus requirit, ut *imperium* sit penes *maritum*; quanquam ipsorum paganorum quidam id viderint esse consultius; e quibus Martialis Lib. IIX. Epigr. 12.

Inferior matrona suo sit, Prisce, marito;

Non aliter fuerint femina virque pares.

VI. De Gradibus Consanguinitatis ita sentiendum; *Ascendentium* & *Descendentium* matrimonia Juri Naturæ, naturalem ob pudorem, ac reverentiam parentibus & majoribus debitam repugnare. Matrimonia vero *fratrum ac sororum*, & cæterorum
sollo.

collateralium, quo minus iniri possint, nulla ratio naturalis videtur obstare.

VII. Longe vero alia Matrimoniorum est conditio, si secundum Leges divinas positivas universales considerentur: secundum has enim requiritur (1.) unius viri & unius feminae conjunctio; & (2.) quidem perpetua; nec quorumlibet, sed qui (3.) in gradibus Lege divina prohibitis se mutuo non attingunt; (4.) talis denique conjunctio, in qua imperium semper sit penes maritum; quin & (5.) Leges hæc fines alios addunt, mutuum auxilium, & vagæ libidinis extinctionem.

IIIX. Officia, secundum Leges naturales, hæc loco sunt observanda: (1.) ut illi, qui ad generandum sunt habiles, & ad prolem alendam educandamque idonei, matrimonium ineant, vagosque concubitus,

Q

adul-

adulteria, idque genus alias actiones
& mixtiones impuras fugiant ; (2.)
ut fides in matrimonii contractu da-
ta sancte ferventur ; debita con-
jugalia utrinque præstentur , amor-
que mutuus & concordia tum in se-
cundis tum in adversis rebus sta-
bilis permaneat. Secundum Leges
divinas positivæ etiam requiritur,
ut *maritus* uxorem veluti carnem
suam unice diligat , eamque nutriat,
regat, defendat; & *uxor* vicissim ma-
ritum perseverantissime amet, ho-
noret, eidem obtemperet, ac mu-
tuum auxilium, tum in educanda
prole, tum curanda re familiari præ-
beat. Quæ Officia Virtutes pro-
creant Societati huic proprias, *Fi-
delitatem, Charitatem & Castitatem
conjugalem*; nec non ex parte uxo-
ris *Obsequentiam matrimonial-*
lem,

CAPUT XVI.

De Officiis Parentum & Liberorum.

I. **E**X Societate Conjugali efflorescit Societas *Paterna*, inter parentes & liberos instituta ad sobolem nutriendam recteque educandam, in familiæ decus & humanæ societatis emolumentum.

II. Cum igitur finis Societatis hujus sit nutritio & educatio prolis, ac Lege naturæ parentibus injungatur cura liberorum; utique potestatem illi habere debent, horum actiones tamdiu dirigendi, donec ipsi se regere valeant. Inde orta potestas patria sive Imperium in liberos; ac vicissim obligatio liberorum directioni parentum sese submitlendi.

III. Imperium autem hoc, si ex Lege naturali rem metiamur, utriusque parentis est æquale: quia ad fundamentum potestatis hujus uterque

concurrit; nisi ipsi parentes in societate nuptiali aliter convenerint. Ex Lege autem divina positiva, ac legibus etiam civilibus, primario imperium hoc est penes patrem, secundario penes matrem.

IV. Cœterum Potestas hæc Parentum in libros tanta est, quanta ad educationem horum requiritur; unde sequitur nullum parentibus jus esse in vitam liberorum. Nec durat illa diutius, quam societas ipsa perdurat. Quando enim liberi familia paterna plane excesserunt, & vel novam familiam sibi constituerunt, vel alteri adjuncti sunt, potestas etiam patria solvitur; ita tamen, ut amoris ac reverentiæ debitum, ob merita parentum, penes liberos perseveret. Atque huc referri possunt, quæ de *Ætatis* temporibus & *intervallis* a Grotio aliisque proponuntur.

V. Officia *Parentum* sunt sobolem com-

commode nutrire, eamque in vera Dei cognitione, rectis moribus, honestis artibus ac scientiis instituendam curare, atque ita educare, ut aliquando pro generis, indolis, fortunarumque ratione, utile societatis humanæ membrum evadat.

VI. *Officia Liberorum* in eo consistunt, ut parentes suos sincere ament, iisque honorem ac reverentiam exhibeant, non externis solum signis, sed multo magis interna æstimatione, tanquam vitæ ac mille aliorum beneficiorum auctoribus; atque in omnibus, quæ divinæ voluntati non repugnant, obsequium præstent; morositatem ac nævos parentum patienter ferant; & si societas jam soluta sit, observantiam gratumque animum verbis & factis demonstrare non desinant: tandemq; senio præsertim aut egestate confectos parentes juvent ac sustentent. Fluunt inde *Virtutes Pietas & Charitas*, tam ex parte parentum quam filiorum; item *Obsequiositas & Gratitude filialis*, idque genus aliæ.

CAPUT XVII.

De Officiis Dominorum & Servorum, aliarumque Societatum minorum.

I. **S**ocietas *Herilis* inter dominum & servum, (servos, dominam & ancillas est instituta, ut alter ope alterius commode vivat, & quotidianas ac domesticas necessitates facilius meliusque expediat.

II. Finis itaque cum in eo consistat, ut res familiaris & commoda domini promoveantur, servusque simul sustentetur, ad finem hunc obtinendum facultate quidem coercendi & castigandi servum, minime vero jure vitæ ac necis opus est. Adeoque jus hoc veteribus usitatum sphaeram societatis herilis excedit, nec ullus operæ quotidianæ defectus æquiparari vitæ potest.

III. Servitus alia est *Absoluta* (Perfecta) qua quis ministerium suum alteri absolute & in perpetuum addicit; alia *Mercenaria* (Imperfecta) qua quis alteri ministerium suum determinate & certis sub conditionibus addicit. Servitus

tus perfectanihil habet *nimie aserbitatis*, quia perpetua obligatio perpetua alimentorum ministracione compensatur. Unde nec incommode retineri potuisset, (1.) quia ingenia non pauca e vulgo in servitutem propendent; (2.) res nostræ domesticæ multo facilius administrari possent. A veteribus tamen Christianis, ob exquisitius Charitatis studium sublata fuit.

IV. Officia *Heri* sunt, servis alimenta, defensionem & mercedem promissam præbere; necessitates & commoda eorum haud negligere; non illicita jubere, non in servos sævire, sed imperio herili moderate ac prudenter uti.

V. *Servorum* Officia sunt, ut quæcunque a dominis honeste demandantur, bona fide exsequantur; ut commoda & honorem dominorum pro viribus promoveant, eosdem amore ac timore debito prosequantur; imo & increpationes & castigationes heri, quandoque etiam immeritas, æquo animo ferant. Unde sequitur, quod fuga sibi consulere nequeant, nisi sevitix domini eousque progressi

gressa fuerit, ut naturæ ac fini societatis hujus omnino repugnet. Profluunt hinc Virtutes, *Iustitia rectoria* & *Mansuetudo herilis*; item *servilis Sedulitas*, *Humilitas*, *Patientia* & *Obsequiositas*.

VI. Ex Societatibus hucusque consideratis constituitur *Familia*. In qua non alia observanda sunt officia, quam quæ hætenus sunt commendata. Familia vero erga familiam eadem fere observabit Officia, quæ homini erga hominem sunt præstanda.

VII. Nonnunquam vox *Familia* designat conjunctionem complurium hominum jure sanguinis, aut nuptiarum, se invicem attingentium, adeoque duplici vinculo *Consanguinitatis* & *Affinitatis* cohærentium. Officia hominum vinculo tali inter se junctorum sunt: (1.) ut arctiore amore ac benevolentia se invicem complectantur, quam alios; (2.) si privilegia quædam universæ familiæ competant, nemo alterum in eorundem usu & exercitio turbet; (3.) erga alias quoque ejusmodi familias naturæ Leges accurate observent.

IIIX. Ex

IIX. Ex pluribus conjuncti domibus & familiis nascitur *Vicus*; ubi nimirum aliquot patresfamilias, modo plures modo pauciores, cohabitant. Cum vero paterfamilias unus alteri aut pluribus vicinus esse voluerit ac debuerit, ut eo citius alter alterius ope frueretur; sequitur inde, quod in vico vicinus vicino non solum consilio, commodatione, omnique officio succurrere, sed etiam, necessitate cogente, alter alterius vitam & bona, quantum potest, defendere debeat. Proinde sicut in prædictis societatibus, sic in vicis inter vicinos *Concordiam, Benevolentiam & Officiositatem* mutuam coli necessum est; quibus neglectis virtutibus haudquaquam vigeant aut floreant, sed brevi potius excidentur aut vastabuntur.

CAPUT XIIX.

De Officiis in Civitate Imperantium & Parentium.

1. **S**uperest Societas *Civilis*, sive coetus multorum hominum & familiarum, congregientium felicitatis civilis

lis consequendæ gratiaquæ; consistit in vita honesta, secunda, rebusque necessariis affluente.

II. De Origine & Causis Societatis hujus a variis varie disputari solet, dum aliis causa impulsiva principalis a parte hominum, habetur Natura hominis ad societatem propensa; aliis Metus & indigentia humana; aliis Vis & cupiditas regnandi &c. Quod si causa impulsiva & finalis actionis alicujus sibi invicem sunt oppositæ, Metus sane & Indigentia e numero causarum impulsivarum hinc non videntur excludi posse; cum metui securitas, & indigentia rerum necessariarum sufficientia ut fines societatis hujus, opponantur. Vid. Celeb. Thom. Jurispr. Div. Lib. III. c. VI. §. 15.

III. Sicut vero Cives seu coalita hominum multitudo *materiam* Civitatis, ita modus imperii, quo civitas regitur, sive Ordo imperantium & parentium, *formam* ejusdem constituit; qua præsentem, vocatur *Respublica*. Et vero in populi sic coaliti potestate primum est, an regimen sive summum imperium uni, (ut in

Monar-

Monarchia) an *Optimatibus*, (ut in *Aristocratia*) conferre, an illud reservare sibi ac per *comitia* exercere velint, (ut in *Democratia*) an vero dividere quasi jura imperii inter unum & plures velint, ut *Mixta* vel *Irregularis* emergat respublica. De quibus *Rerump. formis* consulantur *Politici*,

IV. *Officium Summorum Imperantium* generale hoc est, ut, quæcunque ad securitatem & salutem Civitatis conducunt, ea faciant; e contraria autem omittant, quæ ejusdem fini repugnant. Itaque nihil sibi privatim expedire putent, quod non idem publice expediat. Specialia sunt: (1.) ut prudentiam gubernandi probe addiscant, notitiamque status publici intimiorem sibi acquirant; quæ consistit in cognitione indolis ac virium subjecti populi, suarumque & vicinarum regionum &c. (2.) Civium animos bonis moribus artibusque honestis imbuant per leges, doctrinas ac disciplinam publicam. (3.) Leges commodas & perspicuas sanciant, harumque executionem procurent. (4.) Justitiam ad-
mini-

ministrant, mutuasque civium injurias & factiones prohibeant. (5.) Pœnas ita temperent, ut finis obtineatur, ac cives non plus afflictionis, quam republ. utilitatis, inde ferant. (6.) Probos atque idoneos ministros ubique constituent. (7.) Tributa recte imponant & collocent. (8.) Facultates civium per commercia & epificia promoveant. (9.) Adversus invasiones exterorum civitatem defendant, eoque sine arma & exercitus in tempore parent, foedera publico utilia ineant &c. (10.) Denique sui æstimationem ac populi favorem sibi conciliant, per Virtutes imprimis ex officiis hisce profluentes, Pietatem, Prudentiam, Justitiam, Fortitudinem, Vigilantiam, Munificentiam, aliasque plures Imperantibus convenientes.

V. Officia Civium ac Parentium generalia sunt: (1.) Imperantibus reverentiam, fidem & obsequium in omnibus, divinæ voluntati non repugnantibus, præstare; (2.) Salutem totius civitatis propriis commodis anteferre; illiusque incolumitatem, suam etiam fortunaram, ac ubi necessitas efflagitat, vitæ jactura procurare. (3.) Erga cives ceteros pacifice ac humaniter se gerere. Equum enim est, ut corporis unius membra, quæ mutuo indigent auxillo, amice invicem conspirent. Specialia ad varios Reip. ministros pertinens, quorum summa huc redit: (1.) Ne quis ullum in republ. munus affectet, cui imparem & ineptum se deprehendit; (2.) Quilibet munere suo, ea, qua par est, fide atque industria fungatur.

FINIS.

005656699